



This book is provided in digital form with the permission of the rightsholder as part of a Google project to make the world's books discoverable online.

The rightsholder has graciously given you the freedom to download all pages of this book. No additional commercial or other uses have been granted.

Please note that all copyrights remain reserved.

### **About Google Books**

Google's mission is to organize the world's information and to make it universally accessible and useful. Google Books helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



This book is provided in digital form with the permission of the rightsholder as part of a Google project to make the world's books discoverable online.

The rightsholder has graciously given you the freedom to download all pages of this book. No additional commercial or other uses have been granted.

Please note that all copyrights remain reserved.

### **About Google Books**

Google's mission is to organize the world's information and to make it universally accessible and useful. Google Books helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

INSTITUT D'ESTUDIS CATALANS

MEMÒRIES DE LA SECCIÓ FILOLÒGICA. VOL. I • FASC. II

JOSEPH ANGLADE

PROFESSEUR A L'UNIVERSITÉ DE TOULOUSE

## LAS FLORS DEL GAY SABER

PUBLICAT A DESPESES DE LA  
INSTITUCIÓ PATXOT

BARCELONA

1926



# LAS FLORS DEL GAY SABER

PUBLIÉES PAR

JOSEPH ANGLADE

PROFESSEUR A L'UNIVERSITÉ DE TOULOUSE



**L**E traité des *Leys d'Amors* composé par Guilhem Molinier, chancelier du Consistoire du Gai Savoir, nous est parvenu en deux rédactions en prose : l'une a été publiée, il y a déjà longtemps, par Gatien-Arnoult<sup>1</sup> ; nous venons de publier l'autre<sup>2</sup>. Ces deux rédactions nous sont parvenues chacune dans son manuscrit original ; les deux manuscrits sont conservés à l'Académie des Jeux-Floraux.

En même temps Guilhem Molinier avait composé une rédaction en vers ; il se conformait ainsi aux usages de l'époque, qui voulaient qu'on rédigeât en vers tout ou partie d'un ouvrage didactique, pour que la mémoire des lecteurs, disciples ou simples curieux, le pût mieux retenir. Ce traité de Guilhem Molinier ne nous est pas parvenu, comme les autres, sous sa forme originale. Nous n'en avons qu'une copie ; mais elle est ancienne. Elle se trouve dans le riche dépôt de l'*Institut d'Estudis Catalans* de Barcelone, *Biblioteca de Catalunya*, ms. n° 239. On en trouvera la description dans l'ouvrage suivant de J. Massó Torrents : *Bibliografia dels antics poetes catalans*, Barcelona, 1914<sup>3</sup>.

L'écriture est de la fin du XIV<sup>e</sup> siècle. Le manuscrit comprend 184 folios en papier, de 284 sur 208 millimètres. Il a été connu de Villanueva, *Viage literario*, XVIII, 203-233<sup>4</sup>. Il est probable, dit M. Massó Torrents,

<sup>1</sup> Gatien-Arnoult, *Monumens de la littérature romane*. 3 vol. Toulouse, 1841-1843.

<sup>2</sup> J. Anglade, *Las Leys d'Amors*. 4 vol. Toulouse, 1920 (*Bibliothèque Méridionale*).

<sup>3</sup> Extrait de l'*Anuari de l'Institut d'Estudis Catalans*, 1913-1914. La description du manuscrit se trouve à la p. 260 du tirage à part.

<sup>4</sup> Cf. encore Milá y Fontanals, *Trovadores en España*, p. 480 ; Chabaneau, *Hist. Gén. Lang.*, X, 179.



qu'il appartenait au Consistoire du Gai Savoir, fondé à Barcelone, à la fin du XIV<sup>e</sup> siècle, sur le modèle de celui de Toulouse.

Le manuscrit comprend d'autres traités que le nôtre : le *Mirall de trobar*, de Berenguier de Noya ; les *Règles* de Jaufre de Foixá ; celles de Raimon Vidal et la *Doctrina de compondre dictatz* ; le *Compendi* de Johan de Castelnou ; la *Doctrina de Cort* de Terramagnino de Pise ; la *Glose* de Johan de Castelnou sur le *Doctrinal* de Raimon de Cornet, et le *Dictionnaire* ou *Livre de Concordances* de Jacme Marc. Notre texte occupe, dans ce précieux manuscrit, les folios LXXXII à CLVII. Le manuscrit des *Flors del Gay Saber* est écrit à deux colonnes ; l'écriture est très régulière et ne présente pas de grandes difficultés de lecture.

En 1916 j'en avais fait exécuter une photocopie pour l'*Institut d'Etudes Méridionales* de l'Université de Toulouse. J'en ai publié deux extraits : l'un dans le *Recueil de l'Académie des Jeux-Floraux*<sup>1</sup>, 1917 ; il comprend le prologue, plus les vers 1 à 311. L'autre extrait a paru dans la *Romania*, 1918-1919, p. 161-178 ; il comprend une partie du début et les définitions des genres lyriques.

J'avais entrepris la copie du manuscrit, sur la photocopie de l'*Institut d'Etudes Méridionales* et j'en avais copié environ deux mille vers<sup>2</sup>, lorsque j'ai trouvé, en faisant le récolement de la Bibliothèque Chabaneau, achetée par le même Institut, une excellente copie de tout le manuscrit. Cette copie a été exécutée en Espagne, et par un Espagnol, si j'en juge par l'écriture et le papier. Elle doit avoir été faite, non sur le texte du manuscrit de Barcelone, dont on avait perdu la trace, à l'époque de Chabaneau, mais sur une copie faite au XVIII<sup>e</sup> siècle et conservée à Madrid, *Biblioteca Nacional*, ms. n.º 13405. Cette copie doit être fort correcte ; et celle du copiste moderne, qui devait être un paléographe de profession, l'est également. J'ai collationné celle-ci sur la photocopie du manuscrit de Barcelone et les fautes que j'y ai relevées ne sont pas aussi nombreuses que je m'attendais à les trouver. A partir du vers 1645 (fin de ma copie) j'ai donc choisi ce texte comme base de la présente publication, en y intercalant le texte des définitions lyriques publié dans le passage cité de la *Romania*.

<sup>1</sup> Avec tirage à part à 75 exemplaires, sous le titre suivant : J. Anglade, *Las Flors del Gay Saber*, notice et extraits. Toulouse, Imprimerie Douladoure, 1917.

<sup>2</sup> De 1 à 1645, plus les passages publiés dans l'article de la *Romania* cité plus haut. Cf. encore un fragment publié dans notre édition des *Leys d'Amors*, IV, 142(35 vers).



La présente publication est le complément de mon édition des *Leys d'Amors*. Je renvoie au tome quatre de cette édition pour tout ce qui concerne les sources et l'histoire des traités du Gai Savoir. Il nous suffit, pour le moment, d'avoir marqué l'importance de ce traité, qui nous aide à mieux comprendre les parties obscures des *Leys*, et d'avoir donné les renseignements qui précèdent sur le côté externe, pour ainsi dire, de cette oeuvre.

\* \* \*

Le texte, avons-nous dit, est assez correct ; cependant quelques vers ne sont pas complets, et ça et là il y a des lacunes, que nous ne croyons pas d'ailleurs supérieures à un vers. On trouvera au bas des pages les diverses fautes de copie que nous avons relevées. Quand il ne manque qu'une syllabe à un vers, ce qui est le cas ordinaire, il est facile de la réintroduire en ajoutant *e*, *et*, *ez*, *que*, etc. Notons que les mots commençant par *sc*, *sp*, *st* sont toujours privés de l'*e* prothétique ; nous l'avons rétabli dans le texte. Nous avons résolu de noter mieux les abréviations ordinaires ; *qant*, *qar* et *qal* sont ordinairement écrits sans *u* ; mais on trouve en général *qui* et *que* et nous avons résolu ainsi les sigles concernant ces deux dernières formes.

\* \* \*

La langue est catalanisée, mais elle laisse transparaître facilement les formes de la langue d'Oc, dans laquelle l'original dut être écrit ; il ne serait pas difficile de la ramener au type des deux rédactions en prose. Elle ressemble, à ce point de vue, à la langue de la rédaction en prose catalanisée conservée aux *Archives de la Couronne d'Aragon*, à Barcelone. Cette rédaction ne paraît pas être une simple traduction de l'un des manuscrits de Toulouse, car la division en livres n'est pas tout-à-fait la même. La rédaction en vers devait comprendre d'ailleurs, comme la rédaction en prose de Barcelone, six parties<sup>1</sup>. La fin du traité paraît abrégée et il ne comprend en fait que cinq parties.

<sup>1</sup> Voir sur tout ceci notre édition des *Leys d'Amors*, t. IV, *Excursus IV*.

Mon ancien élève, M. l'abbé Joseph Salvat, licencié-ès-lettres et diplômé de l'*Institut d'Etudes Méridionales* de Toulouse, a bien voulu relire une épreuve corrigée par moi et me suggérer d'utiles corrections ; je lui en exprime mes bien sincères remerciements.

Ces remerciements, je les adresse surtout à l'*Institut d'Estudis Catalans*, qui, malgré des difficultés de tout ordre, a bien voulu accepter cette publication dans ses collections. C'est un témoignage de sympathie auquel je suis infiniment sensible. Le lien intellectuel, qui, depuis des siècles, unit Toulouse et Barcelone, existe toujours ; la présente publication en est une nouvelle preuve.

[F<sup>o</sup> 82, r<sup>o</sup>]. Las Flors del Gay Saber

QI LAS VOLDRA SABER

NO SIA DE COR SOPTE,

QAR SOL QUE TROP NO'S SOPTE

E'L PUNHEMEN NO DOPTE,

GRAN ODOR SENTRA SOPTE

QI'L GITARA DE DOPTE.

### [PROLEG]

Aycl comensso las FLORS DEL GAY SABER  
e primier le proleg

- Ayxi creys saubers qi l'ensenha  
Com fay le fochs on mays ha lenya,  
Es hom qi'l te nech o l'enagua <sup>1</sup>  
Ab un estoch mortal lo plaga  
5 Si que l'aucis à l'enderrier.  
Per que yeu, GUILHEM MOLINIER,  
Per multiplicar lo sauber,  
Quez ay de Dieu, per son plasser,  
E quez aquell no prenda mort  
10 Per mo neleyg ne per mon tort,  
Aquel matex que Deus m'a dat  
A obs de far alcun dictat,  
En romanç claramen a totz  
Vueyl ensenyar ez en breus motz  
15 Ab cossyl ez ab ajutori  
Del nostre plasen CONSISTORI  
E dels honorables senyors  
Del GAY SAUBER Mantenadors,  
Savis e certs e gent apres,  
20 Cavalliers, donzells e burges,  
Maestres, doctors, batxelliers,  
E d'alcus valens mercadiers  
De la ciutat molt graciosa  
Reyal e noble de THOLOSA,  
25 Per ensenyar los joencells  
E'ls autres dictadors noells,  
Li qal d'ayso m'an requerit;  
E qar del sauber ay petit  
Per qe lor puesca satisfar,  
30 En las LEYS D'AMORS vueyl intrar  
Collir las flors que pus valran  
E que mays de mestiers faran  
Ad obra far plazen e bella;  
E qi'l plasen dictat appella

<sup>1</sup> Lire *enagua*, *amaga*?

- 35 Las FLORS DEL GAY SAUBER no's peca,  
Car al puz dreyg son nom baveca,  
Pus q'en eleyg ço que mes val.

D'ueymay vueyl parlar en plural,  
Car en aysso mon recors ay

- 40 Al nostre CONSISTORI GAY.  
[F<sup>o</sup> 82, v<sup>o</sup>]. Pero so qe mal er pausat  
A mi deu esser imputat,  
Car mos sens es de saber sems.

### De las tres cauzas que so necessarias en obra

- Tres causas conveno tostemps  
En obra far e no s'acaba  
45 Qan sol la una s'en menscaba:  
VOLERS primeramen la fonda,  
SAUBERS es la causa segonda  
Que l'obra segons dever pausa;  
50 Mays PODERS es la terça causa  
Que garnis l'obra de sa ma  
E qan eyl fayl eylla roma,  
Qar otra poder hom no pot;  
Empero qar ges aytal dot  
55 Com voler, poder e sauber  
Ses Dieu luyns homs no pot aver,  
Qar de luy veno tuy li be  
E ses eyl far hom no pot re,  
Car Dieus es poders e sciença;  
60 Per ço nos, ab gran reverença,  
Lo pregam de cor humilmen  
Que sol en est començamen,  
E'l mieg ez en la fi doctrina  
Nos don, si'l platz, vera e fina  
65 E sauber e poder e força,  
Pusque volers en nos s'esforça  
De far aquestas flors utils  
Per tornar los rudes sobtils.

- Las opinions miels pauzadas  
 70 Prendem ses plus e aproadas  
 E suplen ço ques er devers,  
 Ayxi qo vol nostre saubers  
 Ez a trobar es necessari  
 Per ço q'en aquest examplari  
 75 Hom puescha trobar compilat  
 Complidamen ez abrenjat  
 Ço que mestiers nos fa, ses plus.

#### La segona cauza

E que mays abtamen xascus  
 Puescha reportar aycest test.

#### La terça cauza

- 80 E per ço que sian honest  
 E lial tuyg li aymador,  
 Poyran trobar de qual amor  
 Deven amar en est volum  
 E puy auran vertader lum  
 85 D'aquest saber li joençel.

#### Excitacio dels Joençels

- Donchs li gay trobador noel  
 Qi del sauber an cor volon  
 [F<sup>o</sup> 83, r<sup>o</sup>] Venguen posar en esta fon  
 De l'ayga plasen, agradiva,  
 90 La dotz siguan (*sic*) don se diriva,  
 Si volon far lo dreyg viatge.

#### La cauza que's sec d'esta sciença

- E pues ab major agradatge  
 Li riu qi d'aquí partiran  
 Fuyllar las riuberas faran  
 95 Per totz estemps e reverdir  
 E los auzells mot esbaudir  
 Ab clara votz, plasen e gaya.

#### Los merits q'om reporta d'esta sciença

- Don fin pretz e lauzor veraya  
 Hauran li riu qi son vengut  
 100 D'aquesta fon e dexendut;  
 E la fons que n'er plus sabrosa  
 Mays abundans e graciosa,  
 E la dotz e l'aiga dos tans  
 Als entendens plus agradans  
 105 Quez an subtil cor valeros.

#### La cauza per que mant hom azira aquesta sciença

Mays a dur cor ez envejós,  
 Rude <sup>1</sup>, fals, avar ez eních,

<sup>1</sup> Ms. *Rinde*. — <sup>2</sup> On lit plutôt : *ubercs*.

- Qar del sauber no toyl l'espich,  
 Er l'aygua d'aquesta fon clara  
 110 Greus e pesans e mot amara,  
 Per que saber aquell deslausa  
 Al cor del qal no's met ne's pausa,  
 Car ignorança lo destriga  
 Del qal es tan grans enemiga  
 115 Que son veray pretz li rescon.

#### Declaracio de ço qu'es estat dig per methafora

- Trobar entendem per la fon  
 E'l dictatz per l'ayga plasen,  
 E per la viva dotz hom pren  
 Lo sauber e l'art de trobar,  
 120 E'l gay trobador, que Dieus gar,  
 Son li plasen e'l veray riu  
 Per hon decorr e fay son briu  
 L'aygua ques ha tan gran dossor  
 E'n prendo ribeyras verdor :  
 125 So's [a] saber li gay coratge  
 De cels que joy ez alegratge  
 Han d'auzir las bellas rasos  
 E'ls motz uberts <sup>2</sup>, sobtills e bos  
 Ab so melodios e gay ;  
 130 Chascus joglars qi be'ls retray  
 E l'autre xantador isnel  
 Dizem que son li dig auzeyll  
 [F<sup>o</sup> 83, v<sup>o</sup>] Que nostres dictats ab lor votz  
 Fan auzir, don s'alegron motz  
 135 E's donon gauyg ez alegrier.

#### De que deu tractar en la primera part

- Retornem donchs al dreyg cendyer  
 De nostras FLORS, mas las maneyras  
 De trobar declarem primeyras  
 Per ço que tuyg puescan entendre  
 140 Aquest trobar que volem prendre,  
 E car per nos er elegitz  
 E declaratz e deffinitz,  
 Direm sos mandamens qal so  
 143<sup>a</sup> E la fi per que trobatz fo,  
 Per que tuyg n'ajam coneixenssa.

#### De que deu tractar en la segunda part

- 145 E que nos aquesta scienssa  
 Declarem miels en est proces,  
 Farem divisios apres  
 E motas declaracios  
 Per certas diffinicions,  
 150 E tant que mants coratges durs  
 Ab pauc d'afan rendrem madurs  
 E clars e tan sobtills e prims

- Que letras, diptonges e rims,  
Sillabas, diccios, accen  
155 Es oracios examen  
Ses tot biayx conexeran,  
Don per distinccios poyran  
Coblas formar segons dever.

**De que deu tractar en la terça part**

- Pueys direm nostre pauch saber  
160 De vers et de xanços aysi  
E d'autres dictatz atresi  
Qu'entre nos son mayns principal.

**De que deu tractar en la quarta part**

- E que bon parlar e leyal  
Coronagan<sup>1</sup> tuyg, las nostras arts  
165 Mostrarem pueys en las VIII parts  
Hon tota paraula s'aclina  
E resepe veraya doctrina,  
Donan clarament ad entendre  
Cas, nombre, temps, persona, gendre,  
170 Segon aquest GAY SABER nostre.

**De que deu tractar en la part (sic)**

- Ez en apres se tayn c'om mostre  
Vici e gran re de figuras,  
Segon las diversas naturas,  
Pauzar ornat c'om deu seguir,  
175 Qi be vol sos dictatz polir  
Es obras far plasens e netas  
[F<sup>o</sup> 84, r<sup>o</sup>] E per coneyxer las sagetas  
Dels vicis per q'om las recuse  
E per las figuras escuse  
180 Sos dictatz, quan mestier sera.

**En la derriera part tractara d'alcunes doctrines  
e d'altres ensenhamens**

- En l'autra part hom pauzara  
Doctrines ez exemples motz  
Per saber acordar los motz ;  
Pueys tractarem de qal amor  
185 Devon amar li aymador  
E com deu xascus vertadier  
Fugir ad avol desirer  
Ab virtut es ab ajutori  
De Dieu, qi nostre CONSISTORI  
190 Multiplicar deja totz temps  
E'ns tenga longament ensemps.

**[ PRIMERA PARTIDA ]**

**Aycl comença la primera parts d'esta sciença en  
la qual son demostrades dues maneres de tro-  
bar generals les qals no son del presen cas.**

- Alcus trobars es d'aventura  
E l'autres ve per bona cura :  
E plus atrobar no'n podem ;  
195 Del primier enayxi dizem  
Que d'aventura m'es vengut  
Troban ço que non ay perdut,  
Ho ço que perdem recobran ;  
Pero non traxi luny afan  
200 Ni de trobar cura non agui ;  
Mas si per trobar sofrir<sup>2</sup> lagui  
Ayso que perdut non havia,  
Car leumen trobar se podia,  
Ho ço que perdut es estat  
205 Per me sera vuey recobrat,  
Adonchs manifest es e clar  
Que bona cura fay trobar !  
Leu pot ayço chascus vezer.
- Enqueras mayns cove saber  
210 Quez hom trobar leumen appelle  
Saber dictar obra noella,  
Si con ceyll qi moli trobech  
Say primieyramen lo dictech  
Per subtilitat de son cor ;  
215 Ayxi per aquell mateyx for  
Son las scienças ensenyadas  
Pels filosoffs ez atrobadas  
Ab gran trebayl de lor engeny.  
Aquest trobar clergues ateny,  
220 Com ceylls qi son versificayre,  
Ab cor subtil e bon dictayre,  
Que trobon dictatz en lati ;  
[F<sup>o</sup> 84, v<sup>o</sup>] Li qal dictat pauzat ayssi  
No son del nostre presen cas,  
225 Mas dictats romanz per compas,  
Lo qal volem mostrar a totz  
Ayssi claramen en breus motz.

**Las diffinicions de trobar**

Trobar es far noel dictat  
En romanç fi, be compassat.

**Li mandamens de trobar**

- 230 Vista la diffinicio,  
Li mandamen de trobar so  
Quez om deu noell dictat far  
E per sillabas compassar,  
Ab rims que bon acord reteno  
235 Oz ab tals qu'en re no s'aveno

<sup>1</sup> Ms. *Cor onegan* ; lire *conoscan* ? *conescan*. — <sup>2</sup> Lire *soffri* ?

Per trobar de coblas soen  
 O d'una sola procesen,  
 Siguen aytal ornat com mostra  
 Esta presens sciença nostra,  
 240 Ab motz plazens, clars, acordans,  
 Certa sentensa demostrans,  
 E per methaforas plasens  
 Don trayre se puesa bos sens,  
 De sen tractan o de lauzors,  
 245 Ho d'ensenyamen o d'amors,  
 Ho d'alcun general mal dig,  
 Per xastiar ho d'escondig,  
 O d'esquern per solatz aver  
 O planyen per gran desplaizer,  
 250 Ayssi con son vers e xansos,  
 Sirventes, danssas o tensos,  
 Descortz, partimentz, pastorellas  
 Et d'austras segons lors plagellas,  
 Retronches, planchs; e pot hom far  
 255 D'autres dictatz, los qals nomnar  
 Pot chascus segons lor natura  
 Ayxi con son per aventura  
 — Per donar verays exemplaris —  
 Somnis, cossirs e reverssarís,  
 260 Enueygs, desplaers, desconorts,  
 E soen plasers e conorts,  
 E vezios e d'autres motz  
 Que recitar no podem totz,  
 Qar ayço tot es en agrat  
 265 De ceyl qui troba lo dictat,  
 Mays que'l do nombre consonan  
 Aprobat e adacordan,  
 Sí co vol razos e devers.

#### La cauza per que foc atrobada esta sciença

Atrobatz fon le GAYS SABERS  
 270 [F<sup>o</sup> 85, r<sup>o</sup>] Que totz dictatz mays agradans  
 Sia per los rims consonans  
 Ez ab leonismes plasens,  
 E quez hom plus leugieyramens  
 Chascun dictat breumen reporte  
 275 Per que retinen s'en deporte  
 E mans bos motz ligen entenda  
 E bonas doctrinas aprenda  
 E per bells xans en son coratge  
 Se done joy ez alegratge.  
 280 Qar per gauyg e per alegrier  
 Son abayxat man cossirer  
 Ez om plus leu son trebayl porta  
 Can tempradamen s'en deporta,  
 Qar a trebayl no vol fugir  
 285 Qi pren repaus per miels sofrir;  
 Car dictan ditz hom tal cauza<sup>1</sup>  
 Qu'estiers fort be dire no l'auza;  
 E que per estar ocios  
 Negus no's torn cobicios,

<sup>1</sup> Il manque une syllabe au vers : *aytal cauza* ?

290 Qar en peccatz leumen s'enbauza  
 Qi lonch sejoen vol e gran pausa,  
 Segons que ditz Catos e mostra.

#### Mostra que per la diffinició de trobar son remoguts mans dictatz d'esta sciença

En la diffinició nostra  
 Avem nos scienmen pauzat  
 295 « En Romanç fi, be compassat » ;  
 Per lasqals paraulas dizem  
 Qu'en aquest saber no tornem  
 Degun romans, si ben non es  
 E[n] rimas compassat e mes  
 300 O de sillabas non avia  
 Cert compas, segons que deuria;  
 Qar novas en comtan escrites,  
 Qunque noblamen sien dites,  
 Si co'l *Romanç del San Graal*  
 305 E gran re d'autres atretal,  
 No teno compas ne mesura  
 De rims, perque d'aytals no cura  
 Nostre sabers; e car parlam  
 De compas, aysi'l declaram.  
 310 La primera part es complida  
 E veus la segonda partida.

#### [ SEGONDA PARTIDA ]

#### Ayçi comensa la segonda parts e mostra primieramen ques es compas

Compas es mesura d'estar  
 Pauc e trop per dever pauzar.  
 Encaras se pot atressi  
 315 Declarar com vezets aysi:  
 Compas es mesura que pausa  
 De ver e pauc ne trop no lausa;  
 E per ço no deu mens ne mays  
 Aver en rims qant es verays  
 320 E segon dever compassatz.  
 [F<sup>o</sup> 85, v<sup>o</sup>]. E car segons que par assats,

#### Ayçi mostra per qal orde deu procesir

En los mandamens que digs so,  
 Nos avem fayta mencio  
 De coblas, las qals soen preudo  
 325 La forma de rims e's dexendo,  
 E'ls rims de las distincçios  
 Las qals se fan de diccios,  
 Ez apres de sillabas motas  
 O d'una las diccios totas,  
 330 Ez apres cascuna sillaba  
 De letras o d'una s'acaba,

A letra donchs primeyramen  
Prenda nostre comensamen ;  
Pus direm dels autres a tyeyra.

**La primera manera de votz per dar az entendre  
ques es letra**

- 335 Mas per dar scienssa pleneyra  
E per miels claramen apendre  
Qu'es letra, deu xascus entendre  
Com no pot ges formar los motz  
Ni les paraulas senes votz.  
340 Votz prenem significativa  
E tal que certamen s'escriba.  
Nostre saubers autra non vol,  
Ne quier deguna votz ne col  
Escura votz ab so confus  
345 Que no pot escriure degus,  
Con fay l'enffans can plora mot  
Ab gran sospir ez ab sanglot ;  
Qar desplaizer la votz denota  
E no s'en pot escriure iota  
350 Segons que pot chascus vezer.

**La segunda manera de votz**

- Ayta pauc es d'aquest saber  
(Pausat qu'escriure se pogues)  
Qant alcus bos sens non es pres,  
Con le corps ab sa votz mal clara  
355 Crida *crohac*, esta votz ara  
S'escriu e ges no l'entendem.

**La manera de votz**

- Almens ades la votz prenem  
Can per [e]scriure non es abta,  
Ni luy bon hom (*sic*) non acapta,  
360 Si com fay leos can rugis  
Ab auta votz e'l bos mugis,  
Cant mant home son e tus (*sic*)  
Fan entre lor murmur e brutz.  
[F° 86, r°]. Hora donch es c'om procesisca  
365 Ez ayxi letra difinischa.

**La diffinicions de letra**

*Letra votz es no devisible  
E per escriure covenible ;  
Letra, per miels esser espota,  
Es menors parts de votz composta.*

- 370 Composta votz es appellada  
Diccios, car es compilada <sup>1</sup>  
O de sillabas o de sen  
O qan diversas letras pren.  
Tot es una diccios o motz,

- 375 Mas que varians es la votz,  
Si be l'entendimens es us.  
Claramen pot vezer xascus  
Q'una vocals sillaba fay  
E diccio qan hom ne tray  
380 Clar entendimen ez obert  
Que d'aquell se compon tot cert ;  
E gayre no'n trobam d'aytals.

**Mostra de las vocals q'oras so plenissonans ez  
oras utrissonans**

- A, e, i, o, u* son vocals  
Les qals trobam segon romanç  
385 Alcnas vetz plenissonans,  
E. c. <sup>2</sup> adonchs an lor propri so ;  
E qu'entendatz esta rayzo,  
Donam vos per exemple *las*,  
*Bels e fils, joy e lutz e bras*,  
390 E trops d'aytals c'om pronuncia ;  
*A, e, o* sonan d'autra guia  
Ab so petit e mejencier :  
Exemple vos dam vertadier  
E manifest *proeza, grana*,  
395 *Bes e devers, honors e sana*,  
E'ls autres c'om ditz enayxi.  
Pero, segon art de lati,  
Pot hom enger semissonan  
*U* pauzar a nostre semblan :  
400 Aysso podem mostrar per *cum*  
E per ayssest vocable *sum* ;  
Mas uzatges encontra ditz,  
Le qal a totz es plus ayzitz,  
Car miels ligem nostre lengatge  
405 Qan es escrits segons usatge,  
Per c'om lo sec en cesta part.  
*Cum* e *sum*, qis vol, segon l'art  
Son escrit e tuyg lor compost ;  
Pronunciar se mostra tost  
410 Per *cumpas* e per *cumpromes*.  
  
E trobam que las dexas tres  
Vocals en mot o so plenier  
Donan soen o mejencier.  
Un mot se vol dir que no cal  
415 [F° 86, v°] Consonan mudar ni vocal ;  
Pero, deçe qu'e'l so varian,  
Lor sen ades del tot cambien,  
Ez adonchs nomnar las devetz  
*Utrissonants*, si com podets  
420 Vezer eysshemple en est *vas*,  
*Pos e pres, tort e col e pas*.  
Ayço pot be chascus entendre ;  
E devetz enqueras apendre  
Que per los noms pauzats lasus  
425 De las vocals poyra xascus  
Los rims nomnar el (*sic*) motz sis vol.  
Ceyl qi rims utrissonans col

<sup>1</sup> Ms. *complida*. — <sup>2</sup> *Sic* ms. ; 1. *et*.

- La vocal semissonan senya,  
Que miels legir a tots ensenya ;  
430 E veus eyshemple manifest  
Que nos pauzam en aycest test :

*Si pres de savis homes vas,  
Leument no seras foys ne vas ;  
Mas qant que't regardes a lor pas,  
435 Ja no't fallira vis ni pas.*

- Li Catala so gran dictayre,  
Pero d'ayso no sabon gayre,  
Qar de petit fan plenièr so.  
Per ço vocals nomnadas so,  
440 Qar certa votz mostra cascuna ;  
Estyers lor non trobam neguna  
Que puesca be pronunciar  
Ne certa sillaba formar,  
Per qe son vocals appelladas.

#### De letras consonans

- Las autras son totas nomnadas  
Consonans, car ellas totz temps  
Sonen ab les autres ensemps.  
Car a nos son abastans  
Letras vocals e consonans,  
450 Per ço las avem devesidas ;  
*Semivocals, mutas, líquidas*  
No devesim ni declaram,  
Qar ayssi de lor non usam,  
Si donchs no son consonans dichas.

#### I ez U tenon loc soen de consonan

- .I. soen e .u. son escrixas  
455 En loch de consonans del tot,  
Qant al comensament del mot  
Ab altra vocal se enlasso,  
O qan si mateyshas abrasso  
460 E'l mieg del mot fan atretal  
E donam vos eyshemple tal :  
*Valors veraya vida vol*  
*E via justa qier e col ;*  
[F° 87, r°] *Engan, frau, barat ez enveja*  
465 *Moven en aycest mon peleja,*  
*Als qals tots temps fugir vullatz,*  
*Si valor querets es amats,*  
*Qar per lor es ades perduda.*

#### U prop G o Q no es vocals ni consonans

- U per vocal non es tenguda  
470 Ni per consonan a prop G  
O Q vocal seguen rete <sup>1</sup>,  
Coma qí lagui totz temps qier <sup>2</sup>  
*Languis sos cors a l'endrierier (sic),*  
*Car lonchs trebayls home decay.*

<sup>1</sup> Sic ms. ; lire dece ? — <sup>2</sup> Languis et lagui sont écrits en toutes lettres ; qí et qier avec i suscrit.

#### Dels ajustamens de vocals qu'es appellatz diptonge

- 475 Autres ajustamens se fay  
De vocals e chascuna ferma  
Reman e sos poders no merma  
Le qal diptonges deu nomnar  
Chascus segons qes aci par.

#### Ques es diptonges

- 480 Diptonges es enlassamens  
De doas vocals sostenens  
En una sillaba lor forssa  
On per se xascuna s'esforssa.  
Segons lo dreturier usatge  
485 De parlar en aycest lengatge,  
Trobam que VIII diptonges so  
Pauzat en fi de dicció  
Ab bon accen leyal e fi,  
Li qal son declarat ayssi :  
490 *Ay, ey, oy, uy, au, eu, iu, ou,*  
*Say, vey, joy, cuy, vau, leu, viu, uou ;*  
No fan veraya manentia  
*Ya, ye, (ms. ve) per deguna via,*  
Ne son diptonge coma *gripia,*  
495 *Lieg e primier, enuey e cepia,*  
Car son dos sillabas en una  
E per se non escay deguna,  
Ez ayxi de lors semblants totz.  
E qar trobam diptonges motz  
500 D'agells mateyxes de la fi,  
Li qal son pauzat atressi  
Al mieg ez al començament ;  
*Salvayre vos dam per guirent*  
*E nos mateyxas e Savoya*  
505 *Ez ayga, veyra, peys e joya,*  
*Ez enayxi d'autres gran re.*

#### [F° 87, v°]. De YEU e de sos semblans hon ha tres vocals

- Aycest diptonge *yeu* rete  
Tres vocals segons que vezem ;  
Empero d'aquell *ie* dizem  
510 Qu'en una sillaba pauzadas  
Ne son doas ez enputadas ;  
Ez enayxi pot hom gandar  
A ceyls qí volrran contradir  
A la diffinició nostra,  
515 Car dos vocals ditz e mostra ;  
Aqo meteyx dizem del *puey,*  
Qar *Bartholomieu, sieu e huey,*  
E no volem oblidar *nuou*  
E dam li'n per compayon *buou*  
520 E d'autres motz qí son aytal.



**Vocal ni M denan vocal ni R denan R ni S denan R, qan denan S ha altra consonan, no deu hom paubar en diverses motz.**

Vocal denan altra vocal  
En divers motz degus nos meta,  
Si plazen obra vol e neta  
E mens si las troba d'un for,  
525 Coma vostre nom ha cor,  
Car dona agradiva etz.

#### De R e de S denan R

Enqueras mays saber devetz  
Que R no vol R aprop si ;  
E dizem vos may atressi  
530 Que denan R no metats S,  
Si consonans davan l'es pres,  
Si con *Phelips Reys* per razo.  
E si en pausa de bordo  
Pot hom trobar e'l mieg de lor,  
535 Reputam lo vici menor,  
Segon ques ayçi declaram  
En est eyshemple que pausam :  
*Luny temps no fo ordes ab desmesura,*  
*Qar pres son nom ayçi qu'es de mesura ;*  
540 *Ben deu voler regla donch retenir*  
*Qi'ls ordes sants reseb per Dieu servir,*  
*Qar estiers be a Dieu no ja son grat.*  
Sil verset trobam termenat  
En una de las sobredichas  
545 Letras, pueys las trobam escrichas  
Al començament ses tot mieg  
Del versset c'om mantenent lieg.

#### Excepcios de las reglas dessus pauczadas

E pauczam vos del tot exems  
De las vocals *qi, ni e si*.  
549<sup>a</sup> E d'aquell for son atressi  
550 VIII lial diptonge d'accent  
[F° 88, r°] Quez en la fi trobam, si en  
*Ay, ey, oy, uy* nombre tenetz  
*Au, eu, uu, ou,* car VIII n'avetz ;  
Per que si paussatz son e mes  
555 Denan vocal vicis non es,  
Si con *Johans me fay enueig,*  
Ez enaxi de totz los hueig,  
Los qals podrets ayssi vesser.  
*Yeu e huey* poden loch aver  
560 Apres vocal ; M es ab vici,  
*Com yeu fay be huey mon offici,*  
*Com huey podets virar los motz ;*  
Ez ayçi de cest e de totz  
Lors semblans que trobar poyretz.  
565 Diptonges no vol lunya vetz  
Son par senes mieg encontrar,

Car trop fan la gola badar,  
Si co yeu huuey auzi la mesa,  
Don joy ay gran dins en ma pessa ;  
570 Ez ayçi de totz per semblan.

Ii mot sinalimphat s'estan  
Denan vocal, si be's termeno  
En M, qar la regla no teno,  
Segons ques ayçi vesetz ara :

575 *Be m'es la mortz greus ez amara,*  
*Qar vas totz latz vey que m'albira,*  
*E m'assallis don ay gran ira*  
*E gran pahor can me sove.*

Per re<sup>1</sup> la regla no te,  
580 Per que soen no las prendem.  
En divers motz pausatz avem,  
Car ges no cal duptar en .I.,  
Ez ayssso clar es a cascu,  
Si con *Johans garde Maria,*  
585 *E Cleophas vay per la via,*  
Parlan de ceyl a cui sermona.  
Ayçi mateix vezem que sona  
Abitutz ab son casual  
En lo nominatiu plural,  
590 Si la votz es del masculi,  
Si donchs, coma vesets ayssi,  
Del tot sincopa no'ls agenssa,  
Com li honest fan penedenssa  
E li ueyl son beyl d'Ayçelina,  
595 L'amich veray lor amor fina  
Mostran als obs ab veray cor.

E si las vocals son d'un for,  
Sian d'aytals motz sincopatz  
Coma l'isnel son apagatz  
600 E l'irat no fan mays contendre.  
Totz aycests vicis volen pendre  
Per [e]scusatz de tot en tot,  
Qan se fa per aver bo mot  
O miels o plus beyl dir no's pot  
605 Coma tu as cara d'arlot.

Ez enayçi cresatz cascus  
Dels autres resitatz lasus,  
[F° 88, v°] Car mays val le fruyts que l'es-  
E la rasos ha pauch de força. [corça  
610 .....<sup>2</sup>  
Quez L denant L hom no pauze  
Ni N denan S no metam,  
Per que del tot la reparam,  
Car non es vicis ni pecatz ;  
615 E dizem *Dieus sia lausatz,*  
*Car el lo mon ha rezemut,*  
*Don nos avem gauyg e salut.*  
E qi tener o vol del tot,  
Garde que noy layxe lo mot,

<sup>1</sup> Il faut lire sans doute *per r*, prononcé *erre* ; cf. Gatien-Arnoult, I, 28 et J. A., II, 38. — <sup>2</sup> Il manque un vers. Nous le comptons dans la numération.

- 620 C'om deu tostemps lo miels xausir.  
 En res no volem contraddir  
 Que ja las autras consonans  
 No metam denan lors semblans  
 Ho denan vocals en totz lochs,  
 625 Si be vezem qu'en alcus tochs  
 Fan entre lor ez aspre so,  
 Coma *vertat ama tostemps*  
*Perço que de bontat exemps*  
*No sias per greu occayzo.*

**Après A preposicio deu hom paucar Z o D qan  
 se sec vocals**

- 630 Après *A* preposicio  
 Seguen vocal *zeda* metetz  
 O *D*, si con vezer podetz :  
*Anar me play ad Alamanya*<sup>1</sup>,  
*Car az ueyl vey sa valor granda*  
 635 *Del sieu gentil cors plazentier.*

**Aprop E deu hom paucar T o Z**

*E* vol *T* aprop e requier,  
 Pero ab *Z* miels se lieg,  
 Vocal siguen senes tot mieg,  
 Segons qu'es declarat dejos.

**Aprop O deu hom paucar Z**

- 640 Encaras mays demostram vos  
 Qu'en semblan cas *O* disjunctiva  
 Vol ques apres *zeda* s'escriva,  
 Segon qu'es pausat claramen  
 En aycest exemple seguen :  
 645 *Aylas ez eu que sabray dir*  
*Oz en gal loch poray gandar,*  
*Qan veray mal, fer ez enich*  
*Al pas de la mort l'enemich,*  
*Si vos adonchs per cortesia*  
 650 *No'm socorretz, Verges Maria,*  
*Q'ieu tan soen ay reclamada.*

**De la acordansa de B e de P**

- Per *B* es *P* soen paucada,  
 [F° 89, r°] Qar ellas han un metex so,  
 Qan son vas fi de diccio,  
 655 Si con *Johan*, *car la fe sab*,  
*Avem per major e per cap.*  
*E d'aytals motz qu'en son assatz*  
*Essems e temps s'acordo be,*  
*Qar en temps p no sona re*  
 660 *Qer que'l dig rim no prendatz.*

**Del so de G e de C**

- Si *G* a vocal ajostatz  
 Ab *A* oz *U* suaumen sona,  
 E veus ne garentia bona :  
*Plagua lo drago que degu*  
 665 *Dels tieus no rapa, Dieus, car tu*  
*A tot qant es yest sobiras.*

- Per qe degus non es certas  
 Qi jay, *dejus* rescriu ne joch  
 Ab *G* com fan alcun badoch,  
 670 Qar aytal so no pren aqui ;  
 Adonchs ayssso tany ab la *I*  
 Oz ab *E* senes tot meja,  
 Car ab ley s'enlassa tot pla,  
 Coma si'l mieu coratge huega  
 675 *De mos pecatz a Dieu me puega.*  
*Ez adonch g sona plus fort*  
*E vol seguir lo seu resort.*

- Casta, cortes e cortapia,*  
*Col e ciutat fa garentia*  
 680 *D'aycest so de C variable.*  
*Soen fay u son convenable*  
*G e C en la fi pauczats*  
*Segons qu'es ayçi declaratz :*  
*Lunys homs no fay avol destrig*  
 685 *Qi de bon cor au lo presic.*  
*Descrig requier G segons l'art*  
*E presic C en esta part ;*  
*Descriga, prezica tot cert*  
*Mostron ayssso clar ez apert.*  
 690 *Empero mays los vol cascus*  
*Ab C escriure segons us*  
*Ez ayssi dels autres gran re.*

**De la acordança de S e de C**

- Quaix semblan so fan *S* e *C*,  
 Coma si per no fe m'abisi<sup>2</sup>,  
 695 *Pauc me valrra portar selici,*  
*Per que lo crim no sofferretz.*

**De la acordança de C e de Q e de l'X**

- Lo dreig so de *C* mantas vetz  
 Han *Q* e l'*X*, si be pauczadas  
 No son en la fi ni trobadas ;  
 700 *L'X*<sup>3</sup> *arles e quar e quas e quara*  
*D'ayssso fan garentia clara,*  
 [F° 89, v°] Per que d'ayço dubtar no cal.

**Ques hom deu escriure sciensa ab S e ab C**

- E donam vos doctrina tal*  
*Que sc en comenssamen*  
 705 *D'aquesta diccio siguen*  
*Pausets, so es saber : sciencia (sic).*

<sup>1</sup> Lisez Alamanda. — <sup>2</sup> Ms. m'alisi. — <sup>3</sup> Sic ms. ; 1. Carles ou Xarles.

## De la natura e del so de H

- De *H* haiats tuyt sovinença  
Que non es letra, mas sol nota  
Que aspiracio denota,  
710 Segons qu'en aycests motz vesetz :  
*Homs e honor, honest, havetz ;*  
Mas degus del *H* non aspira,  
Pusque sinalimpha los tira,  
Si com *be say qu'avetz paria*  
715 *D'ome, d'onor e companyia ;*  
Estiers fan aspiracio.  
*H* mudar no layxa lo so  
De *T*, quant vocals ve de re<sup>1</sup>;  
*Mathias* ne fay prompta fe,  
720 Per que ceyls que *Mathias* ditz  
D'aquest saber mal es garnitz,  
Qar *H* lo so de *T* empara ;  
Pero si no s'i mescles ara,  
Son propri so la *T* perdera  
725 E coma *C* ades sonera ;  
Qar *T* qan s'ajosta ab *I*  
Vocal siguen, segon lati,  
Lo so de *C* pren mantenem ;  
Per *diccio*<sup>2</sup> par claramen,  
730 Car totztemps vol *T* retenir.  
Mas del tot no pot loch aver  
So que dizem segons romans,  
Ans vesetz que fayl a grans pans  
Segons que mostre *presentier*,  
735 *Estiers, garentia, mostier,*  
E gran re mayds d'autres vocables  
De divers o de semblant cas,  
Per dar exemples convenables.

Ayci avant se mostra que H sona e .V. manieras,  
segon que s'ajusta ab .V. letras

- Enquiers pren so d'autre compas  
740 *H* prop *C, L, N, P* e *S*  
Vezer ho podets ayci pres ;  
Per aycest mot *empaych empaca* (sic),  
*Estrech estrecha, gach o gacha,*  
De *L* batalh, perilh e faylha,  
745 *Tayl e metailh, vurilh*<sup>3</sup> e *grailha ;*  
De *N* avetz gasanh gasanha,  
*Endenh endenha, banh e banha.*  
[F° 90, r°] De *F* pren so *P* e appar  
Per *Phelip* e *philos* a clar ;  
750 E puy de *S* *abaysh, abaysha,*  
*Meleysh, meteysha, qaysha* (sic) o *quaysha,*  
E'ls autres d'aytal escriptura.  
Ceyll qi d'aysso vol aver cura  
Pot vezer en aycesta part,  
755 Car *gaych* ab *H* seguen la art  
S'escriu certamen e *empaych,*  
*Natlech e discrech e gomach,*

<sup>1</sup> Lire dece? — <sup>2</sup> Lire dictio. — <sup>3</sup> Sic ms.

*Empacha, gacha, neclecchos*  
Ne son guiren totas sayssos,  
760 Qi vol ad aysso contradir.

Ques H es de aquella matexa consonança ez ab  
autras letras

- Pero de tot no's pot seguir,  
Car *laig* e *raig* e *freyg* [e] *veyg*  
En la fi volon *G* per dreg ;  
E d'aysso *laja, raja, freja*  
765 Fan testimoni clar e *veja,*  
Car *G* e *J* prendon semblança  
Alcunas vetz de consonança ;  
Car *J* per *G* era pazada  
Enans que *H* fos atrobada,  
770 Si com per los actors se mostra.

Las sobredictas doas doctrinas tornon az una e  
pausam razo per que

- E car segon la razo nostra  
*C, H, J, G* en tant s'aveno  
Que semblant so motas vetz teno  
E'ls rims es bos ez acordans  
775 Ez ayço gardar es affans,  
Qar hom *G* escriu e pus leu  
Que no fay *CH* e [es] pus breu,  
Per ço dizem ques aytals motz  
Ab *G* podem escriure totz,  
780 Coma *playg, dreyg, escaig, enveig*  
E *ruig* e *tuig* e *roig* e *cueig*  
E ceyls q'om per aquests enten.

## Del so de L

- L* doble so trobam que pren ;  
*Mal* e *cavall* mostren lo ver,  
785 Per que no fan rim de plazer,  
Qar en aquella dictio  
Vezets que *L* ha plenier so  
Ez en aqesta mejancier ;  
D'aysso garen son vertader  
790 *Fel, mala, bel, bala* per dreyg.

## Del so de R qant es pazada entre doas vocals

- Petit so fay *R* ez estreig,  
Cant entre doas vocals es meza  
Ez en fi de motz ha vareza ;  
[F° 90, v°] *Amar* e *ver* o mostro clar.  
795 Enayxi matex vol sonar  
Entre consonan e vocal ;  
Testimoni vos fan leyal  
*Arma, vergier, cortesa, perla,*  
*Barat, primier, promesa, merla,*

- 800 Car el mieg *R* pauc so rete  
 E cant fort sona dobla se,  
 Com *terra*, *corr*, *error* e *ferr*.  
 Ez aysso que pauzam de *R*  
 Que's pot doblar en fi de mot  
 805 Es al lati contrari mot ;  
 Segons lo mal<sup>1</sup>, estar essem  
 En la fi no podon lunny temps  
 Doas mateyxas consonants ;  
 Mas nos seguem nostre romans,  
 810 Lo qal estiers mantas vetz sona,  
 Segon la votz ques hom li dona,  
 Que'l lati no fay, coma *falh*,  
*Auch* e *peysh*, *trach* e *batalh*  
 E motz que n'a d'aquesta sort  
 815 Al començamen sona fort ;  
 Ez aspramen coma *reviu*,  
*Ramell* e *resplandens* e *riu*  
 E ceyll qui son d'esta fayssos.

### Del so de S

- S pren de *zeda* propri so,  
 820 Cant al mieg de vocal se pauza ;  
 E dam vos per exemple *cauza*,  
*Preso*, *razo*, *plazer* e *roza* ;  
 E car en legir aytal gloza  
 Trobam mant home que's desvia,  
 825 Per ço nos scienmen tot dia  
 En loch de *S* escrivim (*sic*) *zeda*,  
 Per ço que certa via reda  
 De legir a tots e mays clara.  
 Pero si *S* no desempara  
 830 Son propri so, qant es pazuada  
 Ses mieg entre vocal, doblada  
 Vol esser com *bassis* e *plassa*.  
*S* aprop que tots temps s'enlassa  
 Vocal siguen ses tot meja,  
 835 Si com vesser pot aysi pla  
 Qi del saber se vol dar cura.
- Las ! ques ay faych, que tal ponchura*  
*Ques hanc no crey ne fos plus grans*  
*Me faça l'enemich truans*  
 840 *D'infern ques ab si tan es fals*  
*Que negun jorn no pesa d'als*  
*Mas ques ab peccat el me prenda.*
- Aysso pero cascus entenda  
 Que si per *S* hom *zeda* pauza  
 845 Que jes non es estranya cauza,  
 Qan lonchs usatges o reqier ;  
 E dizem mays a l'enderier  
 Que nos *zeda* per *S* metem  
 En fi de motz ez escrivem<sup>2</sup>,  
 850 Coma *salutz* ez *amistatz*,  
 [F° 91, r°] Los noms en *ans*, *ens* termenatz,  
*Ons*, *an*, *en* e *on* reservatz.

### Dels noms termenatz en ANS es en ENS es en ONS

- Rims en *ans*, en *ens* ez en *ons*,  
 Coma *sans*, *avinens* e *jons*,  
 855 Escrivetz ab *en* e [ab] *S*  
 E ses *T* ez aquests d'apres  
*An*, *en*, quan rima fan ez *on*,  
 Coma *gen*, *atretan* e *fon*,  
 Per far acordança mays pura ;  
 860 Estiers quis vol, si lor natura  
 Ho reqier, podon aver *te* ;  
 De *temps* no cal remoure *P*,  
 Car sona pauch si com vesetz.

### De la natura de T denan GES e GE

- Denan *ges* e *ge* *te* metetz  
 865 O *G* con *reloige*, *paratge*,  
*Jutges* e *metges*, *d'agradatge*,  
 Car al mens han consonan so,  
 Sitot leonismes no so,  
 Ez enayxi tuig lor semblan.  
 870 La regla fayl qan es denan  
 Diptonges oz *ar*<sup>3</sup> ses tot mieg,  
 Oz *on*<sup>4</sup> segon ques ayci's leig :  
*Abreuge*, *diptonges* e *marge*  
 E *verges*, *canonges* e *targe*  
 875 E motz aytals c'om pot trobar.

### Doctrina d'alucs motz

E volem vos en mays tractar  
 C'om pot dir *parlet* o *parlec*  
 E si noms es vol *C* cum *pec*,  
*Duc*, *grec* e *foc* senes mudança.

### De la consonança de T e D en fi de mot

- Una mateyxa consonança  
 Han *T* e *D* en fi de mot,  
 E fan rim consonan del tot ;  
 Per que segon us si pauzam  
 880 I, una per l'autra no pecam,  
 Si com l'*avars* per aver *ard*,  
 Le *franchs* ha joy quan lo seu *part* ;  
 Qi per sa colpa lo sieu *perd*  
 885 No'l tingats per savi ni cert,  
 De trops d'aytals c'om ditz tots jorn.

### De la natura de X

- Si de *X* regardats lo torn,  
 890 Aras en *G* ades en *C*  
 S'en muda com veyretz dese,  
 [F° 91, v°] Ez aysso matex en lati ;

<sup>1</sup> Sic ms. ; 1. lo qual. — <sup>2</sup> Ecrit d'abord *escrivim*, comme au v. 826 ; *i* a été corrigé en *e*. — <sup>3</sup> Ecrit d'abord *or* ; *o* a été gratté. — <sup>4</sup> Ecrit d'abord *en* (?) ; *e* a été gratté.

- De G podetz vezer ayssi  
 895 Coma *naix* e l'onix e *destrix*  
 E lor semblans com *pex*, *mendix*,  
 Per *vagua*, per *longua*, *destrigua*  
 E per aquest *pegua*, *mendigua*.  
 Aquo meteix dels autres motz ;  
 900 Mas *X* e *C* als seguens tots  
 Se muda coma *crex* e *blanx*,  
*Adonx* e *tox*<sup>1</sup> e *rix* e *franx*,  
 Ez apar be per *greca*, *blanca*,  
*Adonces cota*, *rica*, *franca* ;  
 905 Ez ayssi par en esta part  
 Qe tuig s'escrivon segon art.  
 Ab *X* ab *cs* cascus  
 Soen los escriu segon us,  
 Si com vezets *pacs*, *decs* e *loncs*,  
 910 *Rics* e *mendics*, *blancs* ez *adoncs*.  
*S* en .j. mot fa loc ad *X*  
 E *C* no s'en mou de sos dex ;  
*Exceptat*, *execucio*.  
 Fan clara demostracio  
 915 D'ayssso qui be s'i vol atendre.

## De la natura de Y grec

- De Y grec deu cascus apendre  
 Que tots los diptonges qu'avem  
 En la major part n'escrivem ;  
 Per laqual razo par assatz  
 920 Que vocals aquellas metatz  
 E no crezatz luny examplari  
 D'ome que pauze lo contrari,  
 Qu'en esta part tuig determeno  
 Segon que nostre major teno.

## Ques es letra

- 925 *Letra* son nom de *legir* pren,  
 Quar mostra sendier eviden  
 De *legir* segon qe vezer  
 Pot cascus leument e saber.  
 Vist es de letra lo proces.

## La diffinicions de sillaba

- 930 Sillaba demostrar apres  
 Volem tantost es atressi  
 Diffinir com vesetz ayçi :  
*Sillaba votz es literals*  
*Segons los digs gramaticals*  
 935 *Sots un accen pronunciada*  
*Ez en un trayg d'una levada* (ms. *leveda*).  
 Per una sillaba jutgat  
 Son tuyg li mot ayçi pauzat :  
*Dieus ve ceyls q' be van e mal*  
 940 *E ses luny res no pot ni val.*

- [F° 92, r°]. En rim *doas* pronunciatz,  
*Coas* e motz ceyls que trobatz ;  
 E pauzar *vacua* per tres,  
 Estiers on que sion mes  
 945 Esser poyran indifferen.  
*Parhoucz* (sic) directz examen  
 E *paurhucz* si mestiers fa ;  
*Saviza* III sillabas ha ;  
 A quatre torna *savieza*  
 950 Per aver acort ham *proeza* ;  
*Siam*, diatz, *siatz* e *sia*,  
*Sias*, *sian* e qis volia  
 (Car es acostumat de far)  
 Hom los poyria retornar  
 955 Ad una sillaba ses plus ;  
 Ez ayço fay se per alscus,  
 Car per figura se permet  
*Exceptat* en fi de verset.  
 Ez enayxi de lor natura  
 960 Hom los desvia per figura.

- Empero quan re no s'i pert,  
 Mays val e poiretz dire cert ;  
 Qar estiers no son variat  
*Via*, *Maria*, *pietat*,  
 965 *Sabiatz*, *sapiatz* ez *estias*,  
*Camiar*, *cammyar* e *Papias*.  
*Via* per anar a mon<sup>2</sup> albir  
 Per *amda* *sia* deu cascus dir.  
*Diabls* e *diantres*, *liam*,  
 970 *Diabls* e *diantres* sufertam ;  
*Dias*, *digats* e *crestias*,  
*Gramacias* e *gardias*,  
*Gracias* pauzats e *gracia*  
 Per far bon acort ab *fallacia* ;  
 975 *Bestia* pronunciatz e *savia*  
 Ez ayxi matex digatz *avia*.  
 En lo mieg del verset qis vol  
*Savia* tres sillabas col ;  
*Fazia*, *dizia* directz  
 980 En los cas hon los trobarets ;  
*Abraham* digatz s'a vos play  
 Ez *Abram* si mestier vos fay ;  
*Yzach* son payre fon a pas  
 Ab ceyls qui son de semblan cas.  
 985 *Maestre* pronunciar devetz  
 E dir *maistre* si us voletz.  
 No cal plus exemples donar,  
 Car per aquest poyran trobar  
 De quantas sillabas seran  
 990 Li mot que pronunciaran  
 Per quant que sien lonch o breu.

- Per miels declarar e plus leu,  
 [F° 92, v°] Sillaba de grech se dexten  
 La quals vol dire comprendimen,  
 995 Car ella compren letras motas  
 Las quals se pronuncian totas,

<sup>1</sup> Au v. 902 on lit *tox*, au v. 904 *cota* ; comme les deux vers se correspondent, il semble qu'il y ait erreur du scribe : lire *tox*, *toca* ; cf. *Leys*, éd. J. A., II, p. 46. — <sup>2</sup> Ms. *amen*.

- Sots un accen ez en un toch  
 E dam vo'n per exemple *floc*,  
*Clar, beil e bo e franc e fi.*  
 1000 Vocals sillaba fay per si  
 Segons ques appar a cascu  
 Per estas letras *A, E, O, U*  
 Et *I* molt<sup>1</sup> segon qu'es pauzat  
 1005 En autre loch e demostrat,  
 Lay qan lo tractam claramen.

#### Ayçi tracta de diccio ez oracio

- De diccio tractar devem ;  
 Mays no pot esser entenduda  
 Si primier non es coneguda.  
 Oracio's, qui vol dir clar,  
 1010 Aytan com razos de parlar.  
 Dizen l'Actors c'oracios  
 Es de motz ordinacios  
 Que certa sentença nos dona  
 Perfeitxa, composta e bona,  
 1015 Com : *Peyres lieg e Guilhems canta*  
*E Johan ritz e Frances planta.*  
 D'oracio dam conoyxença  
 Per aver pleniera sciència  
 De diccio, car vezets ara  
 1020 Quez ayçi per luny se declara.

#### La diffinicions de diccio

- Diccios es, segons las arts,  
 D'oracios la menors parts  
 Significativa com *blancha*,  
*Bells e Johans, mayzos e francha.*  
 1025 Per miels dar entendre a totz  
 Una diccios es us motz  
 Don avem clar significat  
 De cor<sup>2</sup> c'on l'a pronunciat  
 Segons que pauzat es dessus.  
 1030 E devets mays saber cascus  
 Que tuig li mot de lors vocals  
 Prendo los noms totztemps aytals  
 Coma pres han ellas del so.

#### Dels motz plenisonans, semissonans, utrissonans, compotz, dissonans, trencats, equivocs, sinco-patz ez accentuals.

- Pax e dex* plenissonans so,  
 1035 Semissonan *perdos e fes*,  
 Utrissonan *vers, corr e pres*.  
 Li mot empost de trop s'ajudo,  
 Qar lo significat non mudo  
 E'n podo aver so plenier,  
 1040 [F° 93, r°] E qant hom se vol mejancier,  
 Coma qui dizia detras :  
*Peyres ta frevol es romas ;*

- Espera* digatz oz *espeyra*  
*Ez autres acort ablenpeyra* (?) ;  
 1045 E qi volrra far obra neta  
 Aytals motz en rima no meta,  
 Qar al legir fan dupte gran,  
*Peyres*, coma son dissonan  
*Ez arma, regart e conort.*  
 1050 Motz avetz qi son d'autre sort,  
 Trencats, equivochs, sincopatatz,  
 E ceyls c'om ditz sinalinphatz,  
 E d'autres com veuretz escrix,  
 Li qal accentual son ditz.  
 1055 Trencats, si com vesets ayssi :  
*Amichs totz jorns me fayts cossi —*  
*Rar fort lo pretz ella noble —*  
*Sa de midons quez es corte —*  
*Sa e vers lums e jons veraya.*  
 1060 A paucs vez hom perho que playa  
 D'aquest dictat l'encercamen (enterca-  
 Veus mot equivochs examen : men ?),  
*Verges Maria de cor fi*  
*Te prech que'm gardes en la fi*  
 1065 *Quez aycells qi peccar me fe*  
*Virar no'm puesca en ma fe.*  
*Prega ton fill que ell me do*  
*Del regne del cel lo rich do,*  
*Hon guayg entier han tuyg li sal.*  
 1070 Veus motz sincopatatz atretal,  
 Qi ditz cabrol per cabirol  
 Ho veritat per veritat col,  
 E'ls autres enayxi pauzats.  
 E veus los motz sinalinphats :  
 1075 *Donne cuy Dieus volch habitar*  
*Per tal c'ome pogues salvar*  
*L'arm'e'l cors d'aquest pecador,*  
*Garde (sic) per totz temps de langor,*  
*Car Dieus t'a dat plenier poder.*  
 1080 Segons romans, volon aver  
 Aytal mot pleneyra scriptura ;  
 Mas ges d'ayso non avem cura,  
 Car vueylas usatge seguir  
 Per mays pla lo romans legir,  
 1085 Qar leumen tuig per nochalença  
 E mays soen per nosabença  
 Las vocals pronunciarian  
 Enayxi co las trobarian ;  
 Per que no cal escricha sia  
 1090 La letra c'om no pronuncia.  
 Usatge doncs seguir devem ;  
 Ceylls motz accentuals dizem  
 Que leumen cambian lo sen  
 Dese quez an mudat l'accen,  
 1095 *Cosi, mento, vesi, toco,*  
 [F° 93, v°] *Aman, boto, crida, boco,*  
 Amostran<sup>3</sup> qui si vol attendre.

<sup>1</sup> Ms. E. t. i molt. — <sup>2</sup> Dece quez. Leys, éd. J. A., II, 50. — <sup>3</sup> O mostran ?

Exemple dam per miels entendre :  
*Tan fort me pony que li fisso*  
 1100 *De la mort en lo cor me fisso,*  
*Ques a maneyra d'arisso*  
*Tuyg li pel del cap me arisso ;*  
*Veus adonchs ara declarat.*

**Doctrina d'alcus motz li qual podo esser ditz  
 sinonimats, jassia ço que li autre philosofe  
 hi hajon fatxa diferencia.**

L'antich philosofe passat  
 1105 Entr'amista[t] e benvolença  
 Ez amor fero diferencia,  
 Los qals sinonimatz dizem,  
 Qar .i. per autre nos metem ;  
 Per fugir duptes qe trobam  
 1110 D'aquestz motz totz jorns nos uzam,  
 Per que'ls havem pauzats ayssi  
 En les figures atressi ;  
 Direm d'alcus de lor encara  
 Si nostre proces *dizets empa (sic)* <sup>1</sup>  
 1115 Lo qal entendem proseguir ;  
 Donchs accen volem diffinir.

**La diffinicions d'accen**

Accens als no m'appar qe sia  
 Mas ordenada melodia  
 De votz que sobr'una sillaba  
 1120 Principalmen totz temps s'acaba.  
 Ez es melodia dous xans  
 E plazens sos ez agradans  
 Per lo qual es pronunciada  
 Segon dever e governada  
 1125 Diccios, ço es cascus motz  
 En quant que diccios es votz,  
 Aras ab elevacio  
 Ez ades ab depressio,  
 Ço es a dir oz aut o bas ;  
 1130 Pero negus no creza pas  
 Que del cant de mozica nos  
 Ayssi parlem melodios,  
 Qar ges d'aquel accen no cura  
 Mas d'aycell c'om fay en lectura,  
 1135 O pronunciant o legen.

Dous xan appellam nos accen,  
 Car axi com li xantador  
 Mostro xantan la votz major,  
 Quays per aytal semblant manera  
 1140 Fay q' sech d'accen la carrera ;  
 Qar plus fort votz e major fay  
 Lay o l'accens principals chay,  
 Ez aqui matex hon demora  
 Fay hom de votz major demora ;  
 1145 Ez ayssso mostram per *semblança*,

[F° 94, r°] Car en *blan* la votz mays s'e-  
 Que no fay en *sem* ni en *sa*. [nança

Autra raysso mostre que'y fa  
 Quez ayxi com vezets de xans  
 1150 Melodios ez acordans  
 Ab bon pauzat e mays plazens  
 E gracios a totas gens,  
 Ayxi matex es plazens cauza :  
 Qi'ls motz ab lor bon accen pauza,  
 1155 So es qan be pronunciadas  
 E per dever accentuadas  
 Son las paraulas quez hom ditz  
 Si que's n'alegra l'esperitz  
 Dels auzens, pauzat que gran fruiç  
 1160 Non puescan far, quar leumen tuig  
 De sol auzir preudo plazer.  
 Apres conve del temps saber.

**La diffinicions de temps**

Temps es demora c'om deu far (ms. *fer*)  
 Competen al pronunciar,  
 1165 La qals per dever ajustada  
 Es a l'accen ez aplicada,  
 Car d'ela pren tot son cabal.  
 Us motz un accen principal  
 Deu aver ses plus tota via,  
 1170 E quantes que sillabas sia ;  
 Car per aquell es governatz  
 Ez es principals appellatz ;  
 Qar per aquell es conegutz,  
 Regitz, format ez entendutz  
 1175 Cascus dels motz c'om ditz parlan ;  
 Ez aqui major e pus gran  
 Alongamen fay hom de votz  
 Qan be pronunciam los motz  
 Que non fay hom a nengun greus,  
 1180 Qar aquest es simples e breus,  
 Segons qu'es declarat en jos.

Empero si la diccio[s]  
 Dos o mas sillabas conte,  
 Cascuna son accen rete ;  
 1185 E per ço lunya vetz no pren  
 Mays un sol principal accen  
 Le qals degus temps no l'escapa ;  
 E l'autre qe pren ez arrapa  
 Son tuig appellat accen greu.  
 1190 Qan aquest ha sol .i. temps breu,  
 Breus temps es aquell on s'acaba  
 Una votz oz una sillaba  
 Al pus breumen que dir se pot,  
 Car vay cutxos e de gran trot,  
 1195 Coma qui tot <sup>3</sup> ditz *C, B, A* ;  
 Pero l'accens principals ha,  
 Car guida los motz, .i. lonch temps,  
 So es dos breus q'estan ensemps ;

<sup>1</sup> Lire : *Dieus empara* ; cf. *Leys*, éd. J. A., II, 56. — <sup>2</sup> Ms. cà. — <sup>3</sup> Il semble qu'on ait écrit d'abord *totz*.

- [F° 94, v°] Lonch temps als no es final-  
 1200 Mas de dos breus ajostamen ; [men  
 Per que dos tartz<sup>1</sup> meton sa punya  
 En un accen lonch que no punya  
 O en dos breus ad accentuar ;  
 Car qí vol be pronunciar  
 1205 *Trespas* sus le *pas* que retarda  
 Aytan la votz si l'accent garda  
 Coma desus la terça fay.

#### Del accen lonc agut e breu e de lor asetiament

- Enqueras devetz saber may  
 Que nos segons romans avem  
 1210 Tres accens ez aquells tenem  
 Lonch ez agut que son engal  
 De temps, per que son principal  
 E coma capdel e senyor  
 De totz los motz governador ;  
 1215 Pero degus no reyg ni guida,  
 Mays solamen en sa partida  
 Ni deu passar dejus sos dechs.  
 De gasanyar es estatz pechs  
 Le terç accens ques ha non greus,  
 1220 Qar un temps ha solamen breus  
 E pus aver non pot ni poch,  
 Per que no scay en .I. cert loch,  
 Ans vay com vagabons per tot.  
 En lo començamen de mot  
 1225 Accens principals non es pres  
 Si de dos sillabas non es ;  
 Ayssi non cal d'una parlar.

- L'accens lonchs vol tostemps estar  
 En la sillaba penultima  
 1230 E l'agutz no part de la cima  
 Del motz, ço es de la derreyra  
 Sillaba, ço es la maneyra  
 Del nostre parlar en romans  
 Coma *regonoy*s, *adimans*,  
 1235 *Amar*, *dezir*os, *elegir* ;  
 Aytan vol penultima dir  
 Coma *ceylla* qu'es en l'ostal  
 Denan la sillaba final,  
 Coma *salvayres* e *regina*  
 1240 E *bella cosa* *Catarina*,  
*Verges* e *calandres* e *dona*,  
*Ribatges*, *vergera*, *Garona*,  
*Gay* *tensona*, *cara festa*,  
*Composta*, *remena*, *tempesta*,  
 1245 *Maria*, *soror* e *natura*.  
 E'l mieg de *Salvayre* s'atura  
 I'a penultima, so es a lay  
 Hon vezets la sillaba *vay* ;  
 E'l *re* es la final sillaba  
 1250 Denan le qals le *vay* s'acaba ;  
 Ez [en] ayxi trobs que la rima

[F° 95, r°] Han longa per la penultima,  
 Los quals hom pot haver per us.

- Si d'una sillaba sens plus  
 1255 Es la diccios, adonchs pren  
 Ses camiar agut accen ;  
 Le grieus se met per tot apleg,  
 Si'l principals no'y es per dreyg,  
 Car jes aqui metre no s'ausa.  
 1260 Hon gardarets accen e pausa.,  
 Aysso poyrets trobar en jos,  
 Qant hajam tractat dels bordos,  
 Dels quals ayssi tractar volem,  
 Qar estiers mostrar no podem  
 1265 Còbla ni rim segon que's tagn,  
 Qar d'aquell prendo lor gasayn ;  
 E de rim pot cascus vezer  
 Per lor<sup>2</sup> e de còbla lo ver ;  
 E car es tart cauza sabuda  
 1270 Per altra que no's conoguda<sup>3</sup>,  
 Ayssi mostrarem de bordo  
 La sua declaracio.  
 Pus qu'es aquesta partz complida,  
 Sec se la segonda<sup>4</sup> partida.

#### [TERSA PARTIDA<sup>a</sup>]

##### La diffinicions de bordos

- 1275 Bordos es una partz de rima  
 Qu'en XII sillabas fay sima  
 E la razits dexten a quatre  
 E no'l deu hom de plus abatre,  
 Sino ret empeut o bioch.  
 1280 Regularmen en aquest loch  
 Ez en semblan es entendut  
 Que'l bordo en accen agut  
 Deu finir, al qual assignam  
 Certas sillabas e donam ;  
 1285 Car si per accen breu s'acaba,  
 Le verssetz creys d'una sillaba ;  
 Ab IX sillabas car<sup>5</sup> s'agenssa  
 Bastos, car ha laja parensa.  
 Tot es .I. can dizem *bordos*,  
 1290 *Bordonetz*, *versetz* e *bastos*,  
 Que *vers* los appellon alcus,  
 Mays d'ayssso no crezem degus ;  
 A differenssa del dictat  
 Son tal *menor vers* appellat ;  
 1295 Qatre sillabas ha cascus  
 Dels siguens bordos e no plus.

##### De bordos de quatre sillabas

- Totz* *homs* *se dol*  
*E n'ha gran dol*  
*Can ve que mor*  
 1300 *Ceyll qui de cor*  
*Ama fortmen.*

<sup>1</sup> Corr. *taniz*. — <sup>2</sup> Sic ms. — <sup>3</sup> Ms. *Conguda*. — <sup>4</sup> Sic ms. Il y a évidemment erreur; cf. la division indiquée aux vers 145 et 311. — <sup>5</sup> No ? Cf. Gatién-Arnoult, I, 102.



[F<sup>o</sup> 95, v<sup>o</sup>]. E si bordos ab greu accen  
 Mesclatz ab ceylls qu'en la fi teno  
 Accent agut, adonch reteno  
 1305 Mays una sillaba li greu ;  
 Ayssi li vessz <sup>1</sup> o podetz leu  
 Ez esta raysos no'us [e]scape :

Lo cor me part  
 Car me soy tart  
 1310 Regonegutz  
 Dels bes pergutz  
 Per ma follia.  
 Car yeu solia  
 Per mas rictatz  
 1315 Esser presatz  
 E temutz fort ;  
 Encar al port  
 Frevols soy ara ;  
 Cascus la cara  
 1320 Tantost me vira,  
 Puys una vira  
 O tal matras  
 Que'm ferr detras  
 Cascus me lanssa ;  
 1325 Mays no m'acora  
 Que fers de lanssa  
 Que mi transfora  
 Lo cor el cors  
 L'envejors morts  
 1330 E verenos  
 Coma poyzos  
 Dels vilas motz  
 Que'm fan jos votz  
 Per maestria.

1335 Cascus dels siguens V ne lia.

#### Dels bordos de V sillabas

Las en mon joven  
 Era per la gen  
 Temsutz e prezatz  
 E puys appellatz  
 1340 Per los grans senyors  
 E mantas honors  
 Ab gran reverenssa  
 E ma benvolenssa  
 Volia cascus ;  
 1345 Mas ara degus  
 De mi non ha cura  
 E vesser no'm cura,  
 Car endevengutz  
 Soy viels e canutz  
 1350 E en frevoleza ;  
 Ans ma vida peza  
 Als meus e a trops  
 Que prendon lor ops  
 Tot jorn de mos bes.

<sup>1</sup> Sic ms. ; 1. vezer ?

1355 Cascus dels siguens de VI es.

#### Dels bordos de VI sillabas

Senyer Dieus Jhesu Christ,  
 [F<sup>o</sup> 96, r<sup>o</sup>] Qui cel e terra fist,  
 Ez el mon dexendiest  
 Per amor e nasquiest  
 1360 Per nos de peccat trayre  
 De la Verge, ta mayre,  
 Trauca mon cor e fen  
 Ab tal regardamen  
 Com regardest Sen Peyre  
 1365 Quan se tirech arreyre  
 Lo tieu sant nom neguan  
 Per paor ques ach gran,  
 Per so ques ab dolor  
 Ab lagremes e plor  
 1370 De gran contriccio  
 Ez ab confessio  
 Me puesca denejar  
 Dels peccats e lavar ;  
 Puys fer me del estoch  
 1375 D'aquel benezeyt foch  
 Del ver Sant Sperit  
 Del qual foron ferit  
 L'Apostol e tocat  
 E fortmen abrazat.  
 1380 De VII sillabas pren compas  
 Cascus d'aquests que son al bas.

#### Dels bordos de VII sillabas

Aylas ! no'm puesch dar conort  
 Qar tot jorn vau a la mort ;  
 Per força m'es de morir  
 1385 E ja no'y pusch diffugir,  
 Pueys no say vas on me tenga ;  
 Empero, ques que m'avenga,  
 Cert es qu'ieu adoncs pendray  
 Segon c'aure feyt dessay ;  
 1390 Per qu'eus prech, Verges Maria,  
 Que'm siats capdell e guia  
 E adonchs per mi pregar  
 Vullatz lo vostre fill car  
 Qu'el, per sa gran passio,  
 1395 Dels mals ques ay faytz me do  
 Perdo.

Del nombre d'ueyg sillabas so  
 Li siguen versset atressi,  
 Con ceyl qui son pauzat ayssi.

#### Dels bordos de VIII sillabas

1400 Tant veig lo mon pres e liat  
 Per ergull e per vanetat

- Per frau e per gran cobe[e]za  
 Que lunys homs covens ni promesa  
 A son par huey no vol tener,  
 1405 Don vey mant home dechaser  
 Pledèyan e sos bens despendre  
 E en les cortz totz jorns contendre  
 [F<sup>o</sup> 96, v<sup>o</sup>] E dir e auzir mans otratges ;  
 Per que le mons es tan salvatges  
 1410 Que'l payre del fill ha regart  
 E'l fills del payre d'autra part  
 E soen mays que d'un estrayn ;  
 Si lunya cauza vos sofray[n],  
 A penes compte no façats  
 1415 D'amich ni parent ques hajats,  
 Per quant que sia poderos ;  
 Car mantenen pus sofraychos  
 Se fenyera que vos non etz ;  
 Mays a prestar per onze detz  
 1420 E d'autre non dira de no,  
 Solamen que bon gatge do  
 O d'eretatz lo vejan rich.  
 Appar donchs per ço que yeu dich  
 Que tot lo mon erguyls abraça ;  
 1425 Humilitats no sab que's fassa ;  
 Huey renya per tot cobe[e]za,  
 Merces dejos terra s'es mesa,  
 Fraus ez engan per tot se pauzo  
 E leyallat e jes s'enclauzo ;  
 1430 Enveja cor per totes parts  
 E say e lay fer de sos darts,  
 Que res no pot aver deffenssa ;  
 Caritat, amors, conoyxenssa  
 Al bas estan coma sirventas  
 1435 Dolentas.
- Rimas de IX belas ne gentas  
 No reputam, car bell no ca  
 Bordos de (sic) IX sillabas ha ;  
 E que no puesca bell caser  
 1440 Clar ho podetz ayçi veser.

#### Dels bordos de IX sillabas

Mayres de Dieu, los meus prec's enten  
 E ab ton fill tu, dona'm deffen,  
 Dels fals enemich que no m'engane  
 Ni per son barat m'arma no pane.

- 1445 Mas si'l rim son multiplicat,  
 Assatz podon cazer en grat,  
 Segons c'ayssi podetz trobar,  
 Los qals a VI pot hom tornar :
- Lo mon veg mal adreg  
 1450 E destreg car ab leg  
 Frany hom dreg per naleg.

A VI<sup>1</sup> lo pot hom convertir,  
 Segons c'ayssi podetz legir :

- Lo mon veg mal adreg  
 1455 E destreg car ab leg  
 Frany hom dreg per naleg.

Per mils procezir e pus dreg,  
 Mostram vos cels que so de detz,  
 Los quals ayssi vesser podetz.

#### [F<sup>o</sup> 97, r<sup>o</sup>]. Dels bordos de X sillabas

- 1460 Dieus qui muyren perdonetz al layro  
 Sus en la erotz autrejan lo rich do  
 De Paradis, la mi'arma salvatz  
 E'ls meus forjaytz, Senyer, me perdonatz.

- Cascus d'aquests XI n'enpara,  
 1465 Ayssi vezer ho podetz ara.

#### Dels bordos de XI sillabas

- Sia diligens, savis e coratjos  
 Pros ez arditz e fortz e vigoros  
 E de bon azberch (sic) garnitz de fina malla,  
 1470 Qui vol gasanyar d'aquest mon la batalla ;  
 L'elme ni l'escut, l'espaza ne la lança, etc.

#### Dels bordos de XII sillabas

- Pus avem dels bordos parlat  
 D'onze sillabas e tractat,  
 Lo compas mostrar nos cove  
 Que XII sillabas rete  
 1475 On per salut de nostras armas  
 Decla[ra]rem las dichas armas :  
 L'azberch es fermetatz e fervor de la fe  
 De Dieu, Nostre Senyor, que Santas (sic)  
 [Gleza cre,  
 E l'elmes es temors de Dieu c'om deu aver  
 1480 Nueg e jorn en son cor, etc.  
 Dieus nos arme si'l platz d'aycestras aran-  
 [duras<sup>2</sup>.

#### De las diversas maneras de bastos e primieramen dels principals

- Bastos avem de tres naturas  
 Coma principals, empeutatz,  
 E ceyll c'om nomna biocatz ;  
 1485 Principal son tuyg li versset  
 Cant hom principalmen los met  
 E no fan empeut ni bioch  
 Segon que par en aquest loch :

<sup>1</sup> Il y a ici une erreur dans le chiffre romain : il faudrait lire IX au lieu de VI et écrire les vers de la manière suivante :

Lo mon veg mal adreg e destreg — Car ab leg frany hom dreg per naleg.

Cf. Leys, G. A., I, 114 et J. A., II, 68. — <sup>2</sup> L. armaduras.

- 1490 *Mon cor se mor,  
Qar per luny for  
Mudar ne estar  
No puesch ni far ;  
Forfaytz he faytz ;  
Contra Dieu laytz,  
1495 Auzen, vezen  
E consenten  
Trop mals corals  
Ayxi com fals  
Per que dese  
1500 Prech Dieu qui'm fe  
Que'm do perdo  
Cum al layro  
El do.*
- [Fº 97, vº]. *Mon cor se mor, veus I bordo*  
1505 *De quatre sillabas, loqual  
Appellam versset principal,  
Car principalmen hom lo pauza :  
Testimoni fay d'esta cauza  
L'altres bordos qu'en ditz aqui  
1510 Car per luny for, ez enayxi  
Dels autres seguens entendatz.*

## Dels bordos enpeutatz

- Aquel bordos es empautatz (sic)  
Donques quant en pauza se met  
D'alcun principal bordonet,  
1515 Per que d'acort fassa gran festa  
Ab la fi d'aquel on se resta  
O d'ayceylls que mays pres l'estan,  
Aprop o de la part denan  
O de las pauzas que reteno  
1520 O del tot ab ellas s'aveno.  
Ayssó pot clar vezer cascus  
Quan ditz : *Mon cor se mor* layssus.  
Aquell *mon cor* empeutatz es,  
Pero, quand ab *se mor* es mes,  
1525 Tot ajustat principal sona ;  
Pero tot ayssó miels nos dona  
Complidamen aquesta cobla  
On hom soen la rima dobra :*
- Mant hom veg ques als altres defen  
1530 So ques apleg fay tot jorn e cossen,  
Quays presumen ques acabatz homs sia,  
Celan sos crims ab aytal maestria ;  
Layg pot estar doncs ayceyl qui blasmar  
Vol so don hom lo pot ocaysonar,  
1535 Car feys (sic) appar qui repren am so vol  
Los autres faytz e'l contrari far vol  
E col.*
- E si lay on esser no sol  
Regularmen deguna pauza  
1540 D'algun versset aquest se pauza,  
Nom d'empeutat per so no pert ;  
E pausam vo'n exemple cert*

*Per ço que d'aquesta scienssa  
Ajatz plus certa conoyxenssa :*

- 1545 *Totz homs es duptatz e prezats  
E honrats fort per sa riqueza ;  
E si'l fayl es fatz appellatz  
Per quant ques haia nobleza  
Preza de pretz o de linatge.*

## Dels bordos biocatz

- 1550 *Bordos biocatz pren lengatge  
De bioch, car d'aquí's dexten,  
Le qals aprop lo complimen  
Del basto principal se met  
[Fº 98, rº] E per si metex fa versset,  
1555 Ses que pauc ni pro no li cal  
Complir lo bordo principal,  
Si doncs en sentenssa no fay  
Segon com podetz vezer lay  
Can ditz : *perdo*, e pueys : *el do*,  
1560 Cascus fay biocat bordo ;  
Après qan ditz en autre loch :  
*E col*, fay eyxamen bioch.  
E pot sols esser oz ab par,  
Ab acort o ses acordar ;  
1565 D'una sillaba pren sosteny  
E al may tro quatre s'empeny ;  
A mens pero se deu abatre  
Can li principal son de quatre,  
Car si per dever no s'abayxa,  
1570 Tantost lo seu propri nom layxa.  
Passar no devo la meytat  
Dels principals li biocat  
Car trop es enuiosa cauza.*

## Ayci tracta de las pauzas

- Ayssí volem mostrar qu'es pauza,  
1575 La quals pot esser cossirada  
En dos maneyras e pazuada  
Cant al legir ponchadamen  
Per aver clar entendimen  
Per ço c'om ditz e pronuncia ;  
1580 L'autra vezets c'om fa tot dia,  
Pontan e verses e chansos,  
Qan en alcus lochs dels bordos  
E de las coblas far cove,  
Tiran ez empenyen l'ale,  
1585 Alcunas certas alenadas  
Segon dever pronunciadas  
Ab bon accen per bel caser.  
Si clar voletz pauza saber,  
Ges als non es mas ponchs leyls  
1590 Suspensius o plas o finals ;  
E d'aquí pauza *suspensiva*,  
*Finals* e *plana* se deriva,  
De la qals podetz vezer ara  
Segon que sentenssa declara :  
1595 *Qui no sab retener la lengua,**

*Greu sera c'om mal no li'n prenga,  
Per q'om la deu refrenar fort.*

- La *suspensiva* pren son port  
Can ditz : *qui no sab* en la fi ;  
1600 Al senyal ques ha prop de si  
(Un ponch ab la verga tenduda  
Az ensus) es tost coneguda,  
Qar aver deu aytal figura.  
En lo segon basto s'atura,  
1605 Qan ditz : *greu sera*, que la *plana*,  
La quals de son es mays certana,  
Hom la pot conoysser ades  
Al ponch que'l vezem estar pres.

- [F° 98, v°]. Tot pla ses altra maestria  
1610 La *finals* en lo terç se lia,  
Can<sup>1</sup> ditz *per com la deu*, la qual  
Hom conoyx al sieu ponch final  
Amb una<sup>2</sup> vergueta que bayxa.  
Perfietcha sentença e bona,  
1615 Car perfiech entendemen dona,  
Es de major actoritat,  
Per que requier lo ponch doblat,  
Si be mas d'u no's hom tengutz ;  
Mas lonchs uzatges nos adutz  
1620 Ad aysso far c'om deu tener.  
Aquest[e]s podon loch aver  
En cascuna part del bordo.  
Ses necessitat non es bo  
C'om pauze *que, par, qar* ne *quan*  
1625 Ez autres motz d'aytal semblan  
En fi de principal versset ;  
Pero si'l verbs aquí se met  
E'l nominatiu al seguen  
E l'acusatiu eyxamen,  
1630 O pel contrari, no'y ha vici,  
Qar no's pot aquest benefici  
Degus payrar per que'l tenem.  
En la fi de cobla devem  
Pauzar final e plana pauza,  
1635 Car de bon sen deu esser clauza ;  
Estiers non es drechuriera.

- E avem per altra manera  
Pausa segon qu'es alenada  
Es adonchs vol esser pazada  
1640 La *suspensiva* en lo mieg  
De versset per algun perfieig  
Com d'alénar un pauc recobra.  
En fi de bordo totz temps obra  
La plana q'autre loch no quier ;  
1645 Mas la *finals* la fi requier  
De cobla, car aq'i's repauza.  
Totz temps la *suspensiva* pauza  
Se met en la quarta sillaba  
Qan le bordos am X s'acaba ;  
1650 E si tant es que sia d'onze,

Crezem qu'en la quinta s'afonde ;  
E qan plus aut tro XII<sup>e</sup> pueja,  
D'estar al mieig loch nos enveja,  
Segon q'ayssos nos par assats  
1655 Per los verssets q'avem passats<sup>3</sup>  
Lassus qom tractem dels bordos.

- En lo mieig dels autres bastos  
Aquesta pauza pot estar  
Qi's vol, si cascus nombre par  
1660 Rete de sillabes qu'estiers  
No vezem que'y faça mestiers ;  
E si nompar nombre nos ret,  
[F° 99, r°] Coma qan es de V a VII,  
D'aytal versset es trop esquivá  
1665 Aquesta pauza *suspensiva*.  
Pero de rim no's part .I. briu  
Que troba multiplicatiu,  
Car la us per l'autre s'agenssa ;  
Pus hom pot haver conoxença ;  
1670 Dels bordonets e de lors pauzas  
Per las razos e per las cauzas  
Ditxas lassus, mostrar cove  
Del accen q'a lor se perte,  
So es en qals lochs dels verssets  
1675 Accen finalmen gardarets  
Per far dictatz polits e fis.

#### En qual loch del bordos (*sic*) deu hom gardar accen

- D'un accen vol esser la fis  
Dels verssets parios tots temps,  
Car estiers be no estan essempts  
1680 Ni separat ses desacort.  
Las pauzas accen d'una sort  
Volon, qu'estiers no caso bell  
E prendo tots temps per capdell  
L'accen agut, car el las rieig  
1685 Dins los bordos ez en lo mieig ;  
E car ades estan d'un bronch,  
Qar l'accen aquí trobo lonch,  
Perço l'agutz tart lor escapa ;  
E si .VIII. sillabas arrapa  
1690 Lo bordonetz, ges no s'esmerça  
L'accens qu'es lonchs sobre la terça ;  
Car aquí vezetz que mal sona  
Per aquest exemple coma (*sic*) dona :  
*Si mesura vols en tot cas*  
1695 *Ja laumen no vendras al bas.*  
Aquí l'agutz e'l greus per si  
Cay miels, si cum vezets ayssi :  
*Mesura vuellas en tot cas*  
*E de leu no vendras al bas.*  
1700 Longas pero novas rimadas  
Son d'aquest accen exceptadas,  
Si'l versset ab que proceeyxo

<sup>1</sup> Ms. *con.* — <sup>2</sup> Il y a, avant *una*, l'abréviation I. Aucun des signes énumérés ici ne se trouve dans le ms.  
<sup>3</sup> *Sic* ms.; lire *pauzat*.

Amb .VIII. sillabas s'acabixo,  
E pauza no'y ha suspensiva.

- 1705 Temps es q'om de rim vos escriva ;  
E podetz lo vezer ades  
Qar veus ayssi lo sieu proces.

#### La diffinicions de rim

- Rims es certs nombres de sillabas  
Si d'autre bordonet l'acabas  
1710 Ab divers oz ab plazents so  
Egals de sillabas o no  
Ab bell cazer, e majormen  
[F<sup>o</sup> 99, v<sup>o</sup>] Can se fay ab dreyg escien.  
Rim pot cascus o rima dir  
1715 Si qu'en ayssio no pot fallir.  
De quatre manieras usam  
De rims los quals ayssi pauzam :  
Stramp, acordan, ordinal,  
El quart ha nom diccional.  
1720 Stramps es nominatz per semblança,  
Acordang (*sic*) car vol acordanssa  
Ez ordinals orde requier;  
Diccionals so nom refier  
A diccio e veus los totz  
1725 Generalmen en quatre motz  
Ayssi cum son dig en comu.  
Veus en special cascu:

- E primeramen del estramp,  
Car primiers es intrats el camp,  
1730 Nos cove dir, e declar[ar] :  
Dos manieras podem trobar  
De rim estramp car la us es  
Comus, car en tal loch s'es mes  
Queu assats troba companyos,  
1735 Mas l'autres es tan sofraxos  
Q'a penas troba companya  
Per q'a nom car de carestia;  
Veus exemple de la maniera  
D'estramp comu ditxa primiera.

#### De rim stramp comu

- 1740 « Tan cossiros me fay estar la morts,  
Qan me sove que tot quan es arrapa,  
Qe luns solas no'm da joy, ni deports,  
Ans de paor me fay tremblar e frir  
E majormen qan vey que'm vay entorn  
1745 Tolen rauban mos amics que no dupa  
Jove ni viel, noble ni rich ni paubre,  
Ad orbas tray e fier que re no garde. »  
  
Rim car stramp son aquests dits  
Los quals vezets en ests escrieigs.

#### De rim stramp car

- 1750 « Pres ez enclaus estau dedins .I. cercle  
On me destreyen osses, nervis e cambas

Amors, e pueys fa m'aysi batre'ls polses  
Con li martelh con fero sus l'anclusa,  
Si qu'en languisc co si'm tenia febres;  
1755 Esbahits soy, vigares m'es que somi  
Car degun loc no puesc trobar don hiesca. »

Aras tractem dels acordants  
E primeramen dels sonants.

#### Dels rims acordants. E primeramen dels rims sonants borts

- Lo rim sonan que borts appar  
1760 Ayssi mostram per esquivar :  
« Encarcerat tenets mon cor amoros,  
[F<sup>o</sup> 100, r<sup>o</sup>] E delliuar no'l pot altra mas [vos,  
Quar fis aymans socors no vol luny temps  
Sino de liey on sos volers es ferm. »

#### Os enassi

- 1765 « L'amors qu'ieu port a mi dons es tan [granda  
Qu'en lo thesaur del realme de Fransa  
No vuelh per mieu ni major escasura,  
Perque l'amor de liey n'agues perguda. »  
  
Veus rim sonan qu'en tot loc val,  
1770 Per que l'appellam nos leal.

#### De rim sonan leal

- « No creses leu a tota gen  
Ni sembles a senyal de ven  
Que tantost qu'es ferits d'un toch  
Se descolega de son loch,  
1775 Car hom qui leu cre leumen fall  
E leu sen mal, dol, e treball. »

Dels consonans aysi parlem,  
Pero del bort primier tractem  
Per c'om ne cuella la sentenssa;  
1780 Si rims stramps donc no l'agensa,  
Tots temps finis en accen greu,  
Aysi'l pot hom conoxer lieu.

#### Del rim consonan bort

- « Tan m'a escalfat Amors lo cor e'l fege  
Que lu[n]ys cosells garir non pot de mege,  
1785 Sino de liey que del sieu foc m'abranda,  
Car ella sap la maniera co's tuda. »

Veus consonan leal que pleig  
Pot en tot loc estar capdreig;  
Accen agut tots temps empara,  
1790 En est exemple se declara.

## Del rim consonan leal

- Veus le Reys dels Reys que d'amon  
Es dexenduts en aquest mon  
Per nos rezemer del forjaig  
Que'l primiers homs havia faig ;*  
1795 *Veus cell qui vol esser menats  
A mort per salvar los dampnats.*

- Nos tenem simple leonisme  
E perfieg cascu per legisme ;  
Lo simple, si'l volets sauber,  
1800 Aysi'l podets tost clar haver.

## De rim simple leonisme

- Si be pot may soen Natura  
Segon rigor que noyridura,  
Per equitat mantas vetz obra  
En tan que noyrimens la sobra ;*  
1805 *Don noyrimen doncs no t'escape  
Que naturals vicis no't rape.*
- Tan prestamens feric (plutôt freic) Gastos  
De lansas, massas e bastos,  
Que passet los autres garriers  
1810 [F<sup>o</sup> 100, v<sup>o</sup>] E'ls fe romaner tots derriers.*

Veus rim leonisme perfieg  
Segon c'aysi vezets que's lieig.

## De rim perfieig leonisme

- Veus la corona de vida  
Qu'en la crotz tots nos covida ;  
1815 Veus cell que sa piats (sic) nos dona  
E'ls pecats del mon perdona ;  
Veus cell qui greu mort ha sofferta  
E fa de son cors offerta  
Per nos menar sus<sup>1</sup> l'altisme  
1820 Qan pres lo sant baltisme.*

## Os enayci

*A l'arma done sanetat  
Qui fuig a tota vanetat.*

Rims mays perfieg nomnar podets  
Cell ques ayssi pausar vezets :

- 1825 *So don lo cors pren noyridura  
Lo fay tornar en poyridura.*

## Dels rims ordinals. E primieramen dels rims dissolutz

- Dels rims estramps ez acordans  
Havem parlat segon romans ;  
Per qu'es raysos c'aysi tractem  
1830 Dels ordinals e declarem  
E que miells sien conogut ;  
Aysi mostram rim dissolut :

- On mays en amors cosiri,  
Son del sieu joy desiros ;  
1835 E'l desirs plazer m'aporta  
E desplazer mantas vetz,  
Plazer per bona speranza,  
Desplazer per lonch esper.  
Amors enayxi tot dia  
1840 En aquest trancol me te.*

- Midons qan vey ez albiri  
Amb son esgart amoros  
Tot le mieu cor s'en conorta  
Tan es vay liey purs e netz,  
1845 Si que d'autra remenbrança  
Ni luy (l. lunny) joy no pot haver,  
Car Amors enayxi m'ha  
C'ab liey estar me cove.*

- De rim singular atressi  
1850 Devem tractar aras ayssi.

## Del rim singular

- Una spina'm fier  
Que nueig e jorn m'acora  
Am gran cosirier  
Dedins mon cor demora ;  
1855 Per luy (l. lunny) alegrier  
No la puesch gitar fora,  
Don soy fort languits  
[F<sup>o</sup> 101, r<sup>o</sup>] Ez espaorits.  
La sua razits  
1860 Tan me puny e'm transfora  
Que soy ezbazits.*

- L'espina'm rescin  
De la mort que m'enbaussa ;  
Fogir per engin  
1865 No'l puesch las ! tan m'encaussa  
Per ley ni'm treby<sup>2</sup> ;  
Rictat ni luya bausa  
Trop m'es desplazens  
Car mot falsamens  
1870 Rauba mos parens  
E leva'l poyen ez ausa  
Contra totas gens.*

Los rims c'aysi vezets pauczats  
Pot hom appellar capcoats.

<sup>1</sup> Ms. *lassus*, avec la effacé. — <sup>2</sup> Ms. *treby*, *trehy* ou plutôt *trely*, avec abréviation de *n* sur *y*, ce qui donne *trelin* rimant avec *engin*. Cf. *Leys*, éd. G. A., I, 106 et 214.

**Dels rims capdautz en altra manera d'igs capcoats**

- 1875 *D'un castell parti joyosa  
Cavalgan sus mon rossi  
Ez entri m'en a Tolosa  
Un jorn d'aycest gran mayti.  
Anch no fu descavalgada*
- 1880 *Que m'pres marrimens e plors,  
Car han escola mudada  
Li clerch gentil a Cahors ;  
Doy (sic) soy lassa cossirosa.  
Ay! e quo fuy angoxosa,*
- 1885 *Car tan pauchs de clergues vi,  
Que m'tenian abondosa ;  
Car trop m'eren franch vezhi ;  
Tantost fuy dessaborada,  
D'aytan me forsset Amors ;*
- 1890 *Encaras no soy tornada,  
Tan m'es corals la dolors,  
Que luy solas no'm deporta.*
- En coblas diversas estar  
Rim dissolut e singular*
- 1895 *Volon per tots temps e caudat  
Segons q'avem dessus mostrat ;  
Si duy versset, o trey ses plus,  
Son d'un'acordansa, cascus  
Los nomna caudatz per dever ;*
- 1900 *Per aquests ho podets sauber.*

**Dels rims caudats**

*Pechs es qui vol trebalh ses pauza  
E folhs qui no garda sa cauza.*

**Os enayssi**

*Greu dara consell ad algu  
Cell qui per si non sap degu.*

**[F° 101, v°]. Os enayssi**

- 1905 *Bells Senyors Dieus, m'arma deffen  
En la mort de mal espaven,  
Car per te Paradis aten.  
Ver Dieus, aquella bondats pura,  
Que t'enduys q'en fos creatura*
- 1910 *E fayts a la tua semblansa,  
Prenda mon cos en emparansa  
E garda m'arma de tot mal  
E'm des joy e gauig eternal.*
- Dels continu[a]ts volem dir*
- 1915 *E vullats los aras auzir.*

**Dels rims continuats**

*Mayres de Dieu, sus en la mort,  
Dona, si'us platz, datz me confort*

- E menats me lassus al port  
On ay joy e gauig e deport  
Del Cel, lo qual desiri fort.*
- 1920

*Qui rims encadenatz volrra  
Atrobar aysi los pora.*

**De rims encadenats**

- Mant home saubon dir : mandatz  
Si de nos vos play luya res ;  
E puys diran, si'ls ademprats :  
Volentiers, si far ho pogues.*
- 1925

**Os enayssi**

- Am gen parlar, am bell respondre  
So que non es cujan mostrar,  
Mas finalmen no's pot estendre,  
Car fis amichs a tot appar.*
- 1930

*Ayssi cascus aras atenda  
Per ço que rims crozats cascus aprenda.*

**De rims crozats**

- Qui vol ganar dels autruys faytz e rive  
Sos fallimens enans pessar deuria ;  
Car tan grans es de cascu la folha  
Que si'm dizets aytan o mays puesc dire ;  
Mas cascus vol son par ades rependre,  
Car enayssi cujan aver lauzor.  
Fols e pechs es qui de l'autruy follor  
Vol aver prets ses es (sic) bos faytz entendre.*
- 1935
- 1940

*Qui vol rim muntiplicatiu (sic)  
Venga posar en aquest riu.*

**De rims multiplicatius**

*Lo mon veig mal adreig e destreg,  
Car a pleig frayn hom dreig per naleig.*

**Os enayssi**

- 1945 *Qui vezer e tener vol lo ver de (o ?) sauber,  
Per dever deu aver am plazer bon esper*

**[F° 102, r°]. Os enayssi**

- A tort han mort a cruzel mort  
Mon port conort e mon cofort,  
Deziros, cossiros e plosos bien seria.  
Si doncs vos, dona pros, cors joyos, no vezia.*
- 1950

*Veus rim serpenti que'us (sic) greus mot,  
Car vol acordansa per tot.*

## De rim serpenti

*Vos Dieus clartats clara  
Los mieus gardats ara.*

- 1955 De rim blocat la manera  
Podetz vezer assats pleniera.

## De rim blocat

*Huey fin'amors no reya pauc ni pro,  
Si bes cascus ditz c'ama lealmen  
E men.*

- 1960 *Car hom quan vol per amar gasardo  
O plazer, va fin'amors soptamen  
Fuig s'en;  
Si que luy temps amb aytal no's restaca,  
E qar no pot trobar voluntat franca,  
Es rancha.*

- 1970 *Si trobats las rimas nomnadas  
Per altra manera mescladas  
E no reteno luy compas  
Dels sobredigs, en aycell cas  
Rim desguaiat cascus l'apella,  
Car per si mateix se capdella  
E part los altres se desguisa,  
Qar vol mostrar novella sisa.  
E veus un exemple ses plus,  
1975 Car variar lo pot cascus.*

## De rims desguaiatz

- 1980 *Can be'm soy cossirats,  
Vey que la violentatz  
Sobra'l sen es aterra;  
Car tan es hauts pujats  
Engans, fraus e barats  
Que tots bes nos aterra.  
Bem part ques aquell erra  
Qui's mals conoix e'l be  
E'l sordeig se rete.  
1985 E qui dreig e dever  
Sosmet a son voler  
Desempara dece  
La dretxa per l'esquerra.*

- 1990 *Rims espars ve d'esparsa cobla  
O quan en aquella no's dobla.  
Per acordans ressembla mut,  
Per qu'om soen l'apella brut  
O bruta, si may vos agenssa;  
Car no'y fan ponc de differenssa,  
1995 Car en est cas, e rims e rima  
Tot es .I. qui trop no'y aprima.  
Aquest rim pot hom divizir  
En .II. o en .I. convertir.  
En aquests exemples seguens  
2000 Los podets vesser claraments.*

## [F° 102, v°]. Eximplis

- Qui de parlar vol esser trop cutxos,  
Am vilas motz, faxucs e desplazents,  
Quaix demostran qu'el es plus entendants  
D'avol agrat se ret als compayons;  
2005 Pero gen los apaya  
Qui parla bell ez enans que retraya  
Au ez enten so q'om ditz e rete,  
Car d'autramen no pot respondre be.*

## De rim espars en altra manera dig brut

- Aycella mon cor desira  
2010 Que tant pot e sab valer  
Que'l desirier e'l voler  
De tots naturalmen tira;  
Pauvre ni rich no sofana  
Tan es liberals e francha  
2015 Ez am degu no's restancha,  
Si de luy non ha gran cura.  
Lo (sic) rim seguen retrogradat  
Son per acordansa nomnat,  
Car fiom los rims de la primiera  
2020 Torna quaix per semblan maniera  
En la seguen cobla de pres;  
Ez ayssso mostram vos ades.*

## De rims retrogradats per acordanssa

- Si co'l solells si mateix abandona  
Ez en temps clar espan son beneffici,  
2025 Tot atressi, Dona, vostre prets dona  
Valor a cells qu'estan ses mortal vici,  
Car de tots bes etz escrins ez armaris,  
Miralls e lums, per qu'ieu, Dona, m'acori  
En vos servir, car laus havets notori  
2030 E de bos aps (sic) etz verays exemplaris.  
Vergiers d'amors e virtuos sacraris,  
Als fis aymants donats tal ajutori  
Que no lor nots tempesta ni contraris;  
Per qu'ieu de vos amar no'm desacori,  
2035 Car de virtuts conquistets la corona;  
Depueys bastis .I. real artiffici,  
Cant en vos [venc] Cel qui fe'l sacrifici,  
Si que'ls peccats dels penedens perdona.*

- 2040 *Veus exemple mays dreturier  
Ses reproansa del primier.*

- Mentre per una ribiera  
Sols anava deportan,  
Vi de luy una porquiera  
Un tropell de porchs gardan;  
2045 Ez ades per una rega  
Eney (sic) vas liey d'un garaig;  
Ez ac son cors per e laig,  
Escr e negre cum pega.*



- 2050 Grossa fo coma toniella (*sic*)  
E ac cascuna mamiella  
Tan gran que semblec Englesa.  
Hieu que la vi mal sabesa  
Casech mi tota la brassa ;  
[F° 103, r°] Ella estech coma fadassa  
2055 Ez eu dixi'l : «Na Cortesa,  
Bella res e gen apresada,  
Digats me si n'es piuzella.»  
Y en est mieg jos sa gonella  
Se grata fortment e brega  
2060 Lo sieu corcegas mal faig.  
Si'ls pans no fos del gamaig,  
Paregra'l tota la plega.  
E respondet entertan  
Am boeral votz grosseyra :  
2065 «Hom per que'm vas enujan ?  
Sec de part Dieu ta carreyya.»

Rims per bordos retrogradats  
Veus los vos ayssi declarats.

**De rims retrogradats per bordos**

- 2070 Mayres de Dieu, flors e fons graciosa,  
Lassus e'ls cels dats nos joy gracios ;  
De vos far volch sa mayre gloriosa  
Per nostr'amor Dieus le reys glorios.  
Pres eram tuig en greu mort ez amara  
Dins en l'infern per l'ennemich amar ;  
2075 Restaurat em per lo vostre fill car  
Am cruzell mort qu'en sofric, Verges cara.

Retornar enayxi podets  
Los dits bordonets si'us volets.

- 2080 Am cruzel mort qu'en sofric, Verges cara,  
Restaurat em ;  
Dins los inferns  
Pres eram tuig ;  
Per nostr'amor  
2085 De vos far volch,  
Lassus als cels,  
Mayres de Dieu.

- Qui subtils vol esser e prims  
Porte'n aquests enujos rims,  
Car petit me par que's sejourna  
2090 Qui rims per diccios retorna.

**De rims retrogradats per diccios**

- Rimas retornadas per mots  
Leumen per far son greus a tots.  
Al retrogradar per dever  
Las diccios podon haver  
2095 Tot aytal acort o semblan  
A cell qu'era pauzats denan,  
Amb .I. mateix significat  
E divers del primier pauzat,

- 2100 E ses tot acort examens  
Per (*sic*) esser le retornaments ;  
Pero trop fan plazer major  
Can be s'acordon entre lor.  
D'ayssò le dictayres fara  
So que mays li'n agradara,  
2105 [F° 103, v°] Mas que sentensa dona clara,  
Son casual no desempara  
La preposicions per re  
E mens habituts ni's cove.  
Mudar no's deu le sobrenoms ;  
2110 Aquo mateix d'alcus pronoms  
E de las co[n]jucios motas  
E las interjeccions totas.  
Regirar nos volem atras :  
Qui rimas vol d'aytal compas  
2115 Deu cercar los mots covenables  
Ez abtes e be retornables.  
Veus aysi rim d'aquesta sort,  
Cascu de sen ez amb acord :

- 2120 Venguts es le Senyors d'amon  
Saluts grans portar en lo mon ;  
Los sieus de mal vol restaurar.  
Dieus verays e homs es ses par ;  
Adorem luy sol tuig essempts ;  
Lauzem de Dieu lo nom tots temps.

- 2125 Cascu retrogradar hom sol  
Per esta manera qui's vol :

- D'amon lo Senyor es venguts  
En lo mon portar grans saluts ;  
Restaurar vol de mal los sieus ;  
2130 Ses par es homs, e veray Dieus.  
Essempts tuig sol luy adorem,  
Tots temps lo nom de Dieu lauzem.

**Doctrina de rims retrogradats per sillabas e letras**

- E si vols far dictat noell,  
No'y plangues un pauc lo cervell,  
2135 Retornar letras e sillabas  
Ez autras perfaig si l'acabas ;  
Car diccios alcunas so  
D'aytal retrogradacio  
Ez en re no mudo lo mot,  
2140 Ans es aquell matex del tot.  
E veus per sillabas retrayre  
Amia, savisa, repayre.  
De letra garentia clara  
Fan ala, vau, ama, tot, ara ;  
2145 E porets trobar autres mots,  
Que mudo lo sen e la vots,  
Si per sillabas los prendets.  
En aquests vezer o podets :  
Anguila, cava, tua, vera,  
2150 E vida, mayre, salva, pera,  
E para, gaba, cara, mia,

E soca, beva, braca, via,  
E trop d'aytals, aysi cum fola,  
E tacha, lacha, via, mola ;  
2155 Per letras havets res, noisal (sic),  
Rim, lop e sab, ram, nap e mal,  
E d'autres qu'om troba tot jorn  
Covenables en aquest torn.

[F<sup>o</sup> 104, r<sup>o</sup>]. E degus non haia vergonya  
2160 Si trop en aytals dictats ponya,  
Car trop son difficil e greu,  
Perque degus no'y esta leu.  
E q'om son temps trop no'y despenda  
Aquests versets cascus aprenda :

2165 Qui per sillabas retrograda  
Als non es mas : bada, folls, bada ;  
E qui de tornar letras usa,  
Dir li pot hom : musa, folls, musa ;

Car de gran afan tots temps so  
2170 E pueys no valo pauc ni pro,  
Ni res c'om vuella dir no'y pot ;  
Ges perço lo coratge lot  
Degus en los autres non haia  
Per temor que be no'y escaia,  
2175 Car aquells pot hom leu haver.

Los rims vullats ara sauber  
Los quals reforçats appellam.

#### Dels rims reforçats

Qan dos o mays bordos pausam  
Per esser mermats allogan (sic)  
2180 O multiplicatz abreujan ;  
Rimas adoncs son reforçadas.  
E veus las vos aysi pauzadas :

Lo mon veig casut fort en greu port e destreig  
2185 Car apleig vol descort e far tort contra dreig  
Per naleig.

E si per dever son destreig,  
Quis vol enaysi los acaba,  
En tres de novena sillaba :  
2190 Lo mon veig casut fort en greu port  
E destreig car apleig vol descort  
E far tort contra dreig per naleig.

Si mermat son per compas dreig,  
Hom pot los IX a VI abatre  
2195 En tres versets tornar a qatre,  
Amb .I. tan solamen bioc,  
Segon q'appar en aquest loch :

Lo mon veig casut fort  
En greu port e destreig ;

2200 Car apleig vol descort  
E far tort contra dreig  
Per naleig.

Dels rims diccionals apleig  
Podem tractar, car son derrier ;  
2205 E veus dirivatiu primier.

#### Dels rims diccionals. E primeramen dels dirivatius

Joves ni vells, si cossires la mort,  
(Mas la pahors de aquella sembla morta)  
No volgra tan cobezejar lo port  
De vanetat que te clausa la porta  
2210 De Paradis, ans fogira barat,  
Que finalmen cell que l'acuell barata  
[F<sup>o</sup> 104, v<sup>o</sup>] E fara be de ço que Dieus l'a dat,  
Car de sa fi degus no sab la data.

#### Os enaysi

En<sup>1</sup> vos ay mes, pros dona, mon atur,  
2215 Qan que mon cor en autra no s'atura,  
Per qu'ieu vos prech vas mi no siats dura,  
Car en amar ja no'm trobaretz dur ;  
Car seguit m'a forment ez a gran pas  
Vostra beutatz que totas autras passa,  
2220 Tro [que] del tot m'a fayt cazer al las  
De vostr'amor que'm te pres e m'enlassa.

#### Os enaysi

Mayres de Dieu, prega lo tieu fill car,  
C'ayxi com ell nos compret caramen,  
Lo Regne sieu de Paradis mot clar  
2225 Nos do si'l platz que'l vejam claramen.

Segon dever, temps es e lochs  
C'aysi parlem dels equivoccs.

#### De equivoccs

Equivoccs es un matex mots  
Egals e d'accen e de vots,  
2230 Que divers significat pauza,  
Segon que par en esta pauza.

Trenta sols e plus me costa  
Le rompemens de ma costa,  
Que l'autre jorn presi costa  
2235 Lo farsset<sup>2</sup> qu'es en la costa.

Dig havem qu'es equivoccs.  
Cascus ab un significat  
No son per equivoc comtat  
Coma soliells, aur, gleysa, creys.  
2240 Apres havem dit un matex

<sup>1</sup> Ms. On. — <sup>2</sup> Lire: la forest ; cf. Leys, éd. J. A., II, 115.

- Pels motz qu'om pot en dos partir  
E ls dos e (*en* ?) .I. pueys convertir.  
Car si d'un mot hom .II. fazia  
E pueys aquells per un metia,  
2245 Si be la votz es quaix egals,  
Equivocacios leyals  
Non es per ço mas contrafatxa ;  
E veus exemple c'ayso tracta :
- Hom que labor de re mena*  
2250 *Me par folls si no remena*  
*Lo blat que leumen semena,*  
*Car ab aquell gen se mena.*
- E dam vos exemple mays  
De contrafayts e de verays :
- 2255 *Saubers e sens assats e pro*  
*Son fermat ez ab tal estan*  
*Que far no podon mas lur pro*  
*Mentre c'am bell liat estan ;*  
*Per que ls veyretz leumen esemps,*  
2260 *Car de son par cascus estan,*  
[F° 105, r°] *Que gran fecors (sic) ades*  
*[se dan.*  
*E per la .I. cascus es semps,*  
*Car ses biays parto lo dan.*
- Egals dizem, car hom soen  
2265 Pauza dos motz jos un accen  
Ez a semblan manera d'u  
Son pronunciat per cascu.  
Examen sengles motz trobam  
Los quals per dever abreujam ;  
2270 E car [*en* ?] .I. son ajustat  
O singularmen abreujat,  
Son quaix semblan per egal votz  
Amb alguns autres entiers motz ;  
Pero no so dreig equivoc,  
2275 Mas contrafaig en aquest loch ;  
Car la vocal la qual s'esbeu  
Per abreujar lo mot hom deu  
A mieja votz pronunciar  
E l'altra meytat escanar,  
2280 Qui formar los vol per dever.  
E si del temps gardam lo ver,  
Pus lonc appar en la sillaba  
En que l'enbevemens<sup>1</sup> .....  
Que non es lay on es entiera,  
2285 E per ço no fan vertadiera  
Equivocacio ni pura.
- Veus doncs la segunda natura,  
Qui be vol gardar lo sieu trach,  
D'aquest equivocch contrafach.  
2290 Veus dos motz qu'en .I. se compono  
Ez amb .I. accen matex sono :  
*Gardem nostras lorjas (sic) c'oms*  
*No s mescl'am nos, sino no s coms.*
- Per los motz sengles abreujatz  
2295 Lo seguen exemple vejatz :
- Tres planetas veig e luna,*  
*Quaix resplan ayxi quo l'una,*  
*E l'autra fay senyal d'aura ;*  
*La terça per semblan daura*  
2300 *Ez ellumena tot l'ayre,*  
*Per qu'es desplaizents al layre.*
- D'accen dizem que son egal,  
Per que li mot accentual,  
Ho sien entier, o trenchat,  
2305 Segon qu'ades sera mostrat,  
Equivocacio veraya  
Ni contrafatcha que nos playa  
No fan ni consonansa bona.  
E veus l'exemple q'om vos dona  
2310 On le rims lajamen ranqueja,  
Car ges l'accens dreig no carreja :
- Quatre donas o tres so,*  
*Que, mentre lo cap treso,*  
*Lasus aut pres d'un canto<sup>2</sup>.*
- Egals de votz diem lasus,  
Car si plus loncs era la us  
Que l'autres en so ques ha mays,  
Equivocs non es ges verays,  
[F° 105, v°] Ans es de la manera terça  
2320 Dels contrafayts qu'es mays diversa.  
E c'ayso no us sembla desert,  
Aysi n'avets exemple cert :
- Qui rethorica demostra*  
*Ses bo mot, pauc val la mostra ;*  
2325 *Perque cell fa bona troba*  
*Qui bells motz e bos atroba.*
- De vots dizem per altra cauza  
Pels motz utrissonans q'om pauza,  
Car ni veray ni contrafaig  
2330 Equivoch no fan per l'empaig  
Del so ques han ara plenier  
Ez ades pauc e mejancier ;  
E car no van per cami dreig,  
No fan bell so, ni bell adreig ;  
2335 Cascus aysi vezer ho pot  
Si'l cor non ha trop dur o lot.
- Qui non hagues gitat fora,*  
*Mos afars deliures fora.*  
*Pero cascus pauc me presa,*  
2340 *Car yeu soy de pauca presa.*
- Divers significat dizem  
Per los autres motz ques havem  
Amb un ses plus significat,  
Coma cloquier ez honestat,

<sup>1</sup> Un mot manque : 1. *s'acaba* ? — <sup>2</sup> Il manque un vers ; cf. *Leys*, éd. J. A., II, 116.

- 2345 *Peyra, castell, au ez enten.*  
Divers havem dit examen  
Per aytals mots que no's desvio  
D'un sen mas ques aquell vario  
Segon temps, o cas, o persona ;  
2350 Car per ayso degus no dona  
Equivocacio que valla  
Ni rima que no'y haja falla.  
Li qual mot tornat appellam  
Ez ayso clar aysi pauzam :
- 2355 *Ades hay pazor de mal*  
*Car lonch temps ay<sup>1</sup> soffert mal.*  
*Sol qu'ieu en Paradis fos,*  
*Quis vol avesques fos.*
- Divers havem pauzat encara,  
2360 Car hom soen un mot empara  
Ad antras cauzas aplican  
Ez a divers fayts per semblan ;  
E car motas cauzas que so  
Prendo quaix per una razo  
2365 Autre nom qu'estiers non han ges ;  
Car per equivocs no son pres,  
Ans dizem que son retornat,  
Car per un mot son reputat,  
E los dictats cascus recusa  
2370 On hom d'aytals vocables usa.  
E que no'us sembla trop escur  
E d'ayso mays siats segur,  
[F° 106, r°] Demostram vos o claramen  
En aquest bordonet seguen :
- 2375 *A l'ombra dejos tres arbres*  
*Mos cavalls se levet d'arbres ;*  
*E'l garsos entre dos arbres*  
*Denan con foll estech d'arbres ;*  
2380 *Adoncs tal colp d'una costa*  
*De caul li diey sus la costa*  
*Que del arc rompec la costa.*
- Per autres exemples mostrar  
Ayso nos plats e declarar :
- 2385 *La cara veig que'm flameja*  
*D'ira com focs gan flameja,*  
*Car ades gan fuy el cap*  
*Del pont hom me det sul cap ;*  
*Pueys al hostal de la cara*  
*Verte (sic) ques ha bella cara.*
- 2390 D'aquells mots qui son abreujat  
Son examen li apocopat,  
Coma qui ditz : *que Dieus te saul.*  
*Un petit me dona de sal.*
- Aquo meteix de lors semblats (sic) ;  
2395 E car, segon nostre romans,  
Aspiracios petit sona,

- Fay equivocacio bona.  
Ayso crezats en aycell cas  
Lo qual vezets en aquest pas :
- 2400 *No't deslasos<sup>2</sup> del sieu ham*  
*D'aycella qu'ieu tots temps am ;*  
*Car si la pregas ez oras,*  
*Secors n'auras totas horas.*
- E qui diversas letras col  
2405 Equivocacio no col.  
Pero cove que be s'avengon  
Ez entre lor .I. so retengon,  
Coma b.t.d.q.c.  
E veus un exemple de b :
- 2410 *D'aycells on bos ses no cab*  
*No fasas govern ni cap,*  
*Ni't confises en luy, qar*  
*L'autre faig hom compra car.*
- Ayso mateix dels autres motz  
2415 Entendas que'l so, ni la vots  
En luya via no desvio,  
Si be las letras se vario,  
Las qals dessus nomnadas so,  
E totas las autras d'un so  
2420 O tengan lo mieg o la fi  
O'l comensamen atresi.  
Dels autres rims accentuals  
Veus la manera qu'es aytals.
- De rims accentuals utrissonans trencatz e peciats**
- 2425 *La rictats no pretz un boto*  
[F° 106, v°] *De cells c'ab frau lor haver*  
*Don creisho mays que li broto* [boto,  
*No fan en may, quan li fuell broto.*

Veus mots encaras semblans  
Don havem rims utrissonans :

- 2430 *Siats temprats e gen apres*  
*E fay de compas e de pes*  
*Tot so que faras ez apres*  
*Tas obras romandran en pes.*
- Veus mots trenchats e peciatz ;  
2435 E d'aquest pendrem rims trencatz :
- Mayres de Dieu, humils e gra-*  
*Ciosa flors e mot beuta-*  
*Doza pregatz vostre fill pre-*  
*Cios ques el m'aja merce.*
- 2440 Per so q'avem pauzat e dig  
Ez en aquest proces escrig

<sup>1</sup> Ms. ay, avec, au-dessus, une sorte d'i. — <sup>2</sup> Ms. desla sos.

Pot cascus aysi la maniera  
De rim vezer asats pleniera.  
E car ses rim cobla no pot,  
2445 Aysi li pagam so escot,  
Perso que miells sia saubuda  
E mays claramen conoguda.

**Aysi demostra que es cobla ; e quants bordos  
deu haver**

Cobla vol dir ajustamen,  
Car al mens .V. bordos compren ;  
2450 Li qal ensemps fan una clauza  
Que sen complit e perfieig pauza  
Ez amb aquests d'autres n'enlasa  
Que son en loc de bioc mes  
De qatre sillabas o tres  
2455 O mens ; empero si'l compas  
Mays principal fay son amas  
De qatre sillabas ses plus,  
Adoncs plus breus sia cascus  
Dels autres ajustats a lor.  
2460 Li verset biocat menor  
Passar no devo la meytat  
De cells als quals son ajustat,  
Sino can entre lor s'aveno  
E pauza de bordo reteno,  
2465 O qan en tal loch se cambixo  
Que'l bordo principal complixo ;  
Car ges adoncs biocs no fan,  
Ans enpeutat el mieig estan  
De lors principals bordonets.  
2470 Cobla no vol mas d'ueig versets,  
Si per .VII. o per mens sillabas  
Lo compas dels bordos acabas ;  
E si detz o mays ne cabix,  
Amb .XII. bordos se complix  
2475 Coblas (*sic*) lo quals passar no vol.

[F° 107, r°] Dansa .III. bordos al mens col  
E son respost, e .V. al may  
E la tornada que l'atray ;  
E soen amb alguns biocs ;  
2480 E dansa per los autres lochs  
Tro .V. bordos cobla se merma  
Ez al may sobre .IX. s'aferma ;  
E degus d'aquells no s'avansa  
Otra .VIII. sillabas en dansa.  
2485 Trop atrobam menors pagellas  
En redondells e viandellas,  
Si be d'aquestas no curam,  
Car cert compas no'y atrobam.  
E qui pazor ha de rependre  
2490 No prenda lo major ni'l mendre,  
Car hom qu'es savis pren lo mieig,  
Car mays hi troba de profieig  
E cascus ne fa mays son pro.

#### De VI manieras de coblas

De coblas .VI. manieras so  
2495 Generalmen segons romans,

Estrampas e las acordans :  
Las ordinals estan de pres  
E las diccionals apres ;  
Pueys trobaretz las parsonieras  
2500 E las sentencials derrieras.  
Coblas estrampas, ordinals,  
Acordans ni diccionals  
No cal declarar, car lasus  
Las pot trobar si's vol cascus,  
2505 On le (*sic*) rim car amb ell s'aveno ;  
E d'aycells propri nom reteno ;  
E qui segon aquells havecha  
Lo nom d'aytals coblas no's pecca,  
Car amb ells se volo deffendre.  
2510 Doncs a parsonieras dexendre  
Hom deu en aquesta partida ;  
E veus primier de capfinida.

#### De cobla capfinada

*Verges, sendiers verays e pons,  
Pons de salut e clara fons,  
2515 Fons de purtat e viva dotz,  
Dotz que'ls peccatz deneja totz,  
Tots nos guidatz, Verges Maria,  
E mostrat nos del Cel la via.*

Per coblas se fay examen.  
2520 Coblas capdenals mantenen  
Volem declarar aysi pres,  
Si cum requier nostre proces.

#### De cobla capdenal

*Amors fay home gay e pros,  
Amors l'aman ret coratjos,  
2525 Amors viu ab alegretat,  
Amors fay del estranch privat,  
[F° 107, v°] Amors noyris e dona forsa  
Amors en abteza s'esforça,  
Amors agensa tota res,  
2530 Amors dits qu'om sia cortes,  
Amors fay home franch e larch,  
Amors leugier troba tot carc,  
Amors fay pats de manta guerra,  
Amors declinet Dieu en terra,  
2535 Amors los coratges ret jis  
E fay gasanyar Paradis.*

Per coblas examen se fay  
Ez entre dos bordos o may,  
Segon que'l dictatz s'endeve.  
2540 De recordativa cove  
Cobla mostrar en aquest pas ;  
E veus aysi lo sieu compas.

#### De cobla recordativa

*Venguts es del Cel Dieus venguts,  
Rezemuets nos ha rezemuets,*

- 2545 *Amem lo Salvador amem,  
Adorem sol Dieu adorem,  
Tengam sos mandaments tengam,  
Redam lauzor a Dieu redam.*

- Per coblas se fay mantas vetz  
2550 Ez entre dos o mays versets  
Un bordo retornan del tot  
O dos o solamen un mot,  
Segon lo plazer del dictayre.  
En aquest loch nostre vejayre  
2555 Digam de cobla retronchada :  
E veus la qu'es aysi pausada.

#### De cobla retronchada

- Fons de vertut, ajuda nos ;  
Regina del Cel, deffen nos ;  
Cambra de Dieu, empara nos ;*  
2560 *Verges humils, ensenya nos ;  
Flors de purtats, deneja nos ;  
Stela del Cel, guida nos ;  
Lums dels Sants, clarifica nos ;  
Gauig de Paradis, salva nos ;*  
2565 *Mayres de Dieu, prega per nos  
Lo tieu fill sant e glorios.*

- Per coblas enaysi mateix  
Ez entre dos bordos negueix  
Se pot far o mays retronchan  
2570 Un verset o dos, o tornan  
Un mot, o dos, o tres, o plus.  
A cobla s'atenda cascus  
*Duplicativa* per sauber,  
Car la podetz aysi vezer.

#### De cobla duplicativa

- 2575 *Qui fe'l Cel e la terra ? Dieus.  
[F° 108, r°]. Qui sap e ve totgan es ? Dieus.  
Qui fo net de tot pecat ? Dieus.  
Qui vench del Cel en lo mon ? Dieus.  
Qui trasch sos amichs d'infern ? Dieus.*  
2580 *Qui juzgara finalmen ? Dieus,  
Qui per amor gandi los sieus.*

- Per una cobla se pot far  
Al finir es al comensar  
E per divers[as] qan obs es  
2585 Ez entre dos bordos o tres  
Tornan un poc, o dos o may  
Oz un bordo, segon que play  
A cell qui troba lo dictat ;  
Gayre non es acostumat  
2590 Quez hom retorna dos bordos,  
Car totz dictatz es enujos  
Can retornan lo verset dobla ;  
Veus aysi *desfrenada* cobla.

<sup>1</sup> Sic, aux deux rimes. — <sup>2</sup> Ms. comesat.

#### De cobla desfrenada

- Lauzor donem lauzor a Dieu,  
Donem lauzor al fill de Dieu ;*  
2595 *Vençut ha Dieu lo mon vençut,  
Vençut ha Dieu per sa vertut ;  
Dieus ha vençut amb gran victoria  
E'ls sieus amichs ha mes en gloria.*
- 2600 No garda luny temps on se met  
Ni cap ni mieg de bordonet  
Ni fi, mas que lay on se pot  
Se met de cors e de gran trot ;  
Tots temps fay replicacio  
2605 D'una mateixa diccio  
O de mays o de mot diversas  
No continuats, mas diversas <sup>1</sup>,  
Segon que la cobla declara.  
*Affectuosa* vejats ara.

#### De cobla affectuosa

- 2610 Si be variar la manera  
Hom pot de la cobla derriera,  
O la meytat o qaych, pero  
Lo compas no fug per aysso ;  
Car si las coblas precedens  
2615 Hom fa crozadas, noresmens  
*Poyra paucar divinativa*  
La final o *replicativa*,  
O si mays li play d'autra guisa ;  
Qar diversamen se desguiza  
2620 Compas dels bordonetz gardat  
E del crozamen comensat <sup>2</sup>  
Am las acordansas finals  
E'l compas remandra leylals.

#### De las coblas sentencials

- Veramen, veramen gran tort  
Pres Dieus quan fo liuratz a mort.*  
2625 *Senyer, Senyer, vos nos gardats  
De mort perdurable sius platz.  
[F° 108, v°] Salva, salva nos, verays Dieus,  
Regarda vas los fizels tieus*  
2630 *E vulhas los de mals deffendre.*
- E no deu hom coblas rependre,  
Si be son continuadas  
De diccios soven tornadas  
Ni degun'autra, quals que sia ;  
2635 Qar si'l final bordo varia  
O dos, per so lo nom no pert,  
Perque de sen clar ez ubert  
La concluzios nos s'abayshe ;  
Per so compas degus no layshe.
- 2640 Hauzidas havetz las manieras  
De coblas ditxas personieras ;

Per que's tayn c'om d'ueymays empare  
E las sentencials declare ;  
E car primeramen se mostra  
2645 *Dubitativa, veus la mostra.*

**De las coblas sentencials. E primeramen dubitatives**

*Lo primier jorn qu'ieu pogui veyre  
Una gentil dona de veyre,  
Filla d'un bell home de veyre,  
Amiey de tot mon cor dese,  
2650 Car no'm lexet partir de se,  
Tro m'ac servit e tengut pro  
En son hostal e sap me bo ;  
Car es aytal que no'm te pro  
Ni'm tenc pro, ni pro no'm tendra ;  
2655 Perque, s'ieu puesch, ja no'm perdra.*

Per altra guisa se pot far  
Coma : «*La Regina vos gar  
De Paradis !*» ez atretal  
Qui ditz : «*Jhesus vos gard de mal !*»  
2660 *O'l cloquier hay de Sent Cerni  
Vist sobre costas de rossi ;  
O cell qui s'es ab mi dinats,  
Mal pro li fassa, n'es anats ;  
O yeu en Garona vi nau  
2665 De peyra fort e de calhau ;  
O qui ditz : l'erguell del mon ges  
Hom no deu prear un peages (sic) ;  
O quan te lievas del loch tieu,  
Dic : no'us movats en nom de Dieu ;  
2670 O qan hom per algun sofisme  
Vol far aytal paralogisme :  
Vin manja de ma cosina ;  
Auticents es ma cosina ;  
Doncs hom manja d'Auticen ;  
2675 Solvets nos aquest argumen.*

*En qal manera se fassa,  
Am dubitativa s'enlassa,  
[F° 109, r°] Car estiers non es appellada.  
Veus cobla duptosa nomnada.*

**De cobla duptosa**

2680 *Tants perills de la part de say  
Nos laxet Adams qu'ieu no say  
Si'l deig appellar primier payre,  
Colobre, serpen, o desayre,  
Malaveig, mort, tristor, o que ;  
2685 Car Paradis perdre nos fe.*

*Dig havem de cobla duptosa  
E vey aysi contrariosa.*

**De cobla contrariosa**

*Tan sap Alexandres de guerra  
Que del mon conqueric la terra,*

2690 *Car ell encauset avaresa  
Am larguetat ez am franqueza,  
Los pros e'ls arditz avansava  
E dels novалlos no curava ;  
Als humils dava senyoria  
2695 E'ls ergullos al bas metia.*

*Veus cobla qu'es enversa ditxa  
En aquest loch seguen escritxa.*

**De cobla eversa**

*Valors de lauzor no dexten,  
Mas lauzors de valor prendem ;  
2700 Ne d'onor ges no ve lauzors,  
Mas de lauzor dexten honors ;  
Sabers de bon sen per dever  
No ve, mas bon sen per sauber.*

*Diversa cove declarar  
2705 Per q'om la pot aysi trobar.*

**De cobla diversa**

*Si be fuy paubres e mendichs,  
Ara suy acesats e rics ;  
Can era joves fuy duptats,  
Ara suy viells e menspreats ;  
2710 De mi solien far lo govern,  
Ez ara fan ne lor esquern.*

**Oz enaysi**

*Tu est folls e malicios,  
Savis suy hieu e piados ;  
Tu hiest malautes ez hieu sas,  
2715 Gentils homs soy e tu vilas ;  
Mos fills es forts, pros e leals ;  
E'l tieu es flacs, pigres e fals,*

*Vist havets de cobla diversa,  
E pauzam vos aysi reversa.*

**De cobla reversa**

2720 *Tu sentes greu freig en calor  
E caut arden en gran frejor ;  
En dol tu rises tolas horas  
Ez en gran alegrier tu ploras ;  
[F° 109, v°] En la forest als pexos tendes  
2725 Ez en la mar los leos prendes.*

**Oz enaysi**

*Recompli lo vi del tonell  
Ez am lo pa talha'l coltell ;  
Uebri la clau am la sarralha  
E'l dall am l'erba del prat dalla ;*

- 2730 *Am los singulars<sup>1</sup> los lebriers cassa,  
Ez am lo tonell fier la massa.*

*Methaforada per dever  
Après aquesta vol seer.*

#### De cobla methaforada

- 2735 *Qan vey los auzellets salvatges  
Chantar en diverses lengatges,  
E s'alegrar ez esbaudire  
E vey los prats e ls jardins rir,  
Los boys fullats e la gran mar  
Dels blats en espich ondejar,  
2740 Adoncs mon cor per la dousor  
Del gay temps reviu en amor.*

#### Oz enaysi

- En la ost [v] del Rey de França  
Targas, escuts e tropa lansa,  
Elmes, espahas flamejans,  
2745 E may sagetas anc (aut ?) volants,  
Don l'ayres cascus fo lassus  
Am los darts que lansech cascus.*

*Cobla gradativa requier  
Qu'aysi mostrem so monstier.*

#### De cobla gradativa

- 2750 *Per vertut dels sens corporals  
Naix tota voluntats corals ;  
E pueys de voluntat complida  
Ve benanansa que s'avida ;  
De benanansa naix plazers,  
2755 De plazer gauig e bos saubers.*

#### Oz enaysi

- Cascus deu amar disciplina  
Per conquerir bona doctrina,  
Car de doctrina dexendens  
Es saubers, e de saubers sens,  
2760 De sen be far, e de far be  
Naix valors, e de valor ve  
Lauzors e de lauzor honors,  
E d'onor pretz a tots senyors.*

*Veus ornativa que'ns ateyn.*

#### De cobla ornativa

- 2765 *Dece que'l solells demostret  
Sos rayts pel mon ez estendet,  
So fo lo primer jorn de may,  
E li auzellet foren gay*

- Per la sua dousor del temps,  
2770 [F° 110, r°] E cantero trastuig esemps  
Cant viro la clartat del jorn  
Am gran son ez am gran sejorn  
Diverses cantis plazens e fis  
Mout dousament per los jardins,  
2775 Adons me leviey de mon lieig  
Ez am joy ez am gran delieig  
Vas lo Consistori joyos  
Aniey retrayre mas chansos.*

- Atras conoxets ornativa  
2780 E veus aysi permutativa.*

#### De cobla permutativa

- Abram hac dos fills per egal,  
Un bort ez un autre leal ;  
Escrig es, no crezats que'us menta,  
Que la us fon de la serventa  
2785 E l'autre de sa muller hac,  
Lo qual appellam nos Isac,  
Don figuram dos testaments,  
Lo viell e'l novieil examens.*

#### Oz enaysi

- Una real Verge sera  
2790 Que de la razits naxera  
De Jesse gitans una flor  
Que s'en pujara sus l'aussor.*

- Ayso mostret que per Maria  
Nostre Senyor Dieus naxeria  
2795 Del sem del Rey David fisel  
Pels sieus pujar lassus el cel.*

#### Oz enaysi

- Gaynes<sup>2</sup> aquest fals galiayre,  
Aquest trachor, Judas trichayre,  
Qui'l pot en sa cort sostener ?  
2800 Car si'l fes hom dreig e dever,  
Tost viran lo sieu faig deliure  
Car non es dignes de plus viure.*

*Exclamativa sa gran vots  
Vol aysi demostrar a tots.*

#### De cobla exclamativa

- 2805 *Jusieu malvats e menyscrezen,  
Jusieu fals e desconoxen,  
Jusieu, ta mal cosell haguets,  
Can Jhesu Crist pendre volguets ;  
Jusieu greumen havets obrat,  
2810 Car havets Dieu a mort liurat ;*

<sup>1</sup> Sic ms.; 1. singlars. — <sup>2</sup> Ms. Gaynes nes.



Jusieu qal escusacio  
Haurets de tan gran trahicio,  
Qan venrets estar denan Dieu  
Per auzir lo jutjamen sieu ?

Oz enaysi

- 2815 *Ha malvays, e que poyras dir ?  
Ha fals, on te poyras gandar ?  
Ha ribals, trachors deslials,  
Cum poyras cobrir tants de mals,  
[F° 110, v°] Tants engans, tan grans tra-*  
2820 *E tantas malediccios, hicios  
Com feytas has per to naleig ?  
Cosell ni remey no'y veig.*

Divinativa se perforssa  
Ques aysi demostra sa força.

De cobla divinativa

- 2825 *Pros appar e de bella talla  
Cella que's pels am lo cap talla  
Ez am lo sieu ventre soste  
Tot so ques homs e femna ve ;  
E dona mantas vets o fier*  
2830 *Per guerra, pats o castier,  
O per servir am los sieus pes ;  
Pero qan pes (sic) lo cap ades,  
Neta la trobarets e pura  
O tals que's n'avidia natura ;*  
2835 *E qan es sol'espehacada  
En home la veyrets tornada <sup>1</sup>.*

Oz enaysi

- .VII. mostro cell qu'en esta vida  
Menja son cap, e'l cors n'avidia  
2840 *E pel mieig es resplandens causa  
Ez am los pes tot quant es pauza ;  
Mas si de .VII. .I. s'en amerma,  
En laborar los camps se ferma ;  
E si la .I. de .VI. ne fall,*  
2845 *Los pells se tall ades atall ;  
E pueys qan es venguts a .IIII.  
Aqui veyrets las alas abatre <sup>2</sup>.*

- Rescosta vol lo sieu compas  
Ara mostrar en aquest pas  
2850 *On hom per les letres del cap  
Lo nom d'una persona sap.*

De cobla rescosta

Gran lauzor, Senyer, hajats vos,  
Us (sic ; l. vers) Dieus verays e glorios,  
Jhesus, creayre de tots bes,

- 2855 *Lums e clardats de tot quant es,  
Hostia vivens don li fisel  
Esperon lo regne del Cel,  
Miralls d'amor qar de greu mort  
Moren havets lo mon estort,  
On estech longamens perguts,  
Lumeyra <sup>3</sup> de totes vertuts,  
Joy, vida, pats, benazuransa,  
Nostra gaug e nostra esperansa,  
Jutges verays, Senyer, si'us plats,*  
2865 *Enans que'l jutgamen fassats,  
Remetets los nostres peccats <sup>4</sup>.*

[F° 111, r°]. Per autras manieras assats  
Aquesta cobla se pot far.

- De sillabicada tractar  
2870 *Volem, si be pauc es prezada,  
Car trop nos appar enpatxada.*

De cobla sillabicada

- Sura me tengas tot en cas,  
E dras no leu deven al bas ;  
Car hom que sura no me col*  
2875 *Despen leu dre trop de se dol ;  
Car dona esra <sup>5</sup> vol esser chura  
En me loc on tot franch so jura.*

Cobla podets proverbial  
Conoxer en aquest senyal.

De cobla proverbials

- 2880 *Segurs es qui va simplamen,  
E qui trop pueja bas dexten.*

*En trop parlar fallimens cap.  
Savis es qui temprar lo sap.*

- Fols homs declara tot son cor*  
2885 *E'l savis sap hi metre for.*

*De ton amich val mays la plaga  
Que del fals c'am baysar t'apaga.*

Oz enaysi

- Ses gazarde pendre servezis grans,  
Volem (sic) profieg don troys porto damp-*  
[natge,  
2890 *Far de l'autruy ufanas e bobans.  
Malvestatz es plena de gran otratge.*

- Tot son poder espauzar en un lans,  
A tota gent revelar son coratge,  
O sa rictat, sos peccs, o sos enans,*  
2895 *Es <sup>6</sup> venetatz, que mou de gran folatge.*

<sup>1</sup> Mot de l'énigme : Raimonda. — <sup>2</sup> Sic ms. ; l. batre ; le mot de l'énigme est paraire. — <sup>3</sup> Ms. lum veyra. —  
<sup>4</sup> GUILHEM MOLINIER est écrit en acrostiche. — <sup>5</sup> Lire e fra. — <sup>6</sup> Ms. Es avenetatz.

*Venjar del tot sas antas e sos dans,  
Dir mal d'autru am ver o fals lengatge,  
Fan creysher mals, discordias ez afans  
E d'amistat rompo lo pariatge.*

- 2900 Temps e lochs es qu'aysi memoria  
Fassam de cobla derrisoria.

#### De cobla derisoria

- Mal armats es Pons ez ardots  
Si que tuig cell ques ha ferits  
De gladi son mort e vençut*  
2905 *Que non pres colp en son escut ;  
Vejats si pot hom pro servir  
Cell que sap enayxi ferir.*

#### Oz enaysi

- Qui sap de Sancta Crotz l'offici  
Leu pot empetrar benefici ;*  
2910 *Quis feyn a donar mut ni sort  
Atrobata terra<sup>1</sup> la cort ;  
Qui servir sab als cardenals  
Empetra rendas avescals.*
- Asemblativa son afar*  
2915 *[F° III, v°] Vol en aquest loch demostrar.*

#### De cobla asemblativa

- Si cum Sants Peyres am sas claus  
Tench Paradis ubert e claus,  
Per lo poder que Dieus li det,  
Cresi q'aytals virtuts paset*  
2920 *Als Papas que venen apres,  
Am que la claus sol non erres.*

*Exemplificativa cura  
Ques aysi mostra la figura.*

#### De cobla exemplificativa

- Apendre pot quis vol del ca  
Que vench am gran pessa de pa  
Al riu d'un'ayga qu'era clara,  
E mentre lays se regara*  
2925 *Autre ca vic am semblan pessa ;  
Adoncs sautet dedins la vessa,  
So que non es cresec que fos,  
De rapar l'autre fo cutxos,  
E laxet cella que tenia*  
2930 *Per haver ço que no vezhia :  
No deu hom voler va per cert  
E qui tot ho vol tot ho pert.*

*Après eximplificativa  
Veus aysi cobla responsiva.*

#### De cobla responsiva

- Nostras Flors vuella estudiar  
Qui sauber vol art de trobar ;*  
2940 *E si del tot ades entendre  
Hom no las pot, a nos attendre  
Vulla per sauber la vertat,  
Car nos los mostrarem de grat.  
E si leys<sup>2</sup> del tot apparia*  
2945 *E ponch de letras no saubia,  
Als bos dictatz antichs attenda  
Perço que'l sauber miells aprenda ;  
E pueys haura lo bon lengatge  
Dels trobadors per lonc usatge,*  
2950 *Si que pòra far en romans  
Mants dictats bells ez agradans.*

*Après responsiva pauzada  
Vol esser cobla tensonada,  
Nomnada per alguna gen*  
2955 *Interrogativa soen.*

#### De cobla tençonada, en altra maniera appellada interrogativa

- Bertrans m'a pregat que l'ajude ;  
E per que hieu al vila rude  
Que tot lo mal ques ha pogut  
M'a faig aytan can ha viscut ?*  
2960 *Pero no m'en gal del truan  
Que finalmen n'a faig son dan.*

#### Oz enaysi

- Ha las ! ques has ? greu mal ! e gal ?  
[F° III, r°]. Fervor d'amor ? oy hieu.*  
[Coral ?]  
*O be ! de me ? de te ! perque ?  
Car pros, joyos, tot cors e bos  
Es bells, isnels ez amoros.<sup>3</sup>  
Peccat malvat has contra Dieu  
Passat que dat t'a lo nom sieu.*  
2965 *Vers es, mas ges als non puesch far,  
Car pres ses bes me fas estar.*  
2970

*Cobla conclusiva son joch  
Vol demostrar en aquest loch.*

#### De cobla conclusiva

- En quan que Dieus verays homs fos  
Sufertet mort e passio ;*  
2975 *Doncs ell volch sufertar la mort  
Per lo sieu o pel nostre tort ;  
No per lo sieu, car no pequet ;  
Pel nostre doncs la sufertet.*
- Car parla breu compendiosa  
Si com vezets es graciosa.*  
2980

<sup>1</sup> Ms. *t'ra*. Lire *corta* ; cf. *Leys*, éd. J. A., II, 163. — <sup>2</sup> Sic ms. ; l. *laycs*. — <sup>3</sup> Ms. *examors*.

**De cobla compendiosa**

- Jhesus del Cel es dexenduts  
Del Sant Sperit concebut  
E nats de la Verge Maria ;  
E per un de sa companyia  
2985 Trazits als Juheus e liats  
E ses fortaig a mort liurats ;  
E resucitet enapres  
Ez aparech als sieus ades ;  
Pueys s'en puget lassus els<sup>1</sup> Cels  
2990 On recibra los sieus fisels.*
- Veus aysi cobla contrafatxa  
Que so que dits feyn ez afatxa.*

**De cobla contrafatxa**

- L'aze's complany e dits : ay las !  
Luy temps no poray esser gras,  
2995 Car deport, solas ni sejorn  
No'm sove qu'ieu hagues un jorn,  
Mas colps, maldig e bastonadas,  
Don senti mas costas macadas ;  
Qar tojorn me rompo la pell  
3000 Am un gran tros de taparell,  
Dece qu'ieu intri l'ostal,  
Me blasma cascus e'm dig mal ;  
Vezer no'm volon en lor plassa  
Ni res no m'es grazits qu'ieu fassa ;  
3005 Aylas ! que poray far ni dir  
Miels er trop que'm laxa morir !*

**Oz enaysi**

- La Terra dits : tot lo mon hieu  
Sostench may que res aprop Dieu ;  
Yeu soy governs e noyrimens  
3010 D'erbas e d'arbres e de gents,  
Per que deig esser mot amada  
E terra mayres appellada.*
- Breus mots occupativa pendre  
[F° 112, v°] Vol e gran re donar entendre.*

**De cobla occupativa**

- Lo furt ques has fayt del sauteri  
3015 Diray mas no ge l'asulteri ;  
Las plagas examen dir vuell  
Que fist ad Huc per ton erguell ;  
Empero ges no vuell retrayre  
3020 Lo murtre que fist non ha gayre.*

**Oz enaysi**

*Vay avant, per pauc no t'o dich ;  
Be veig don has lo cor inich  
E conosh per que parlas tan*

<sup>1</sup> Ms. el. — <sup>2</sup> Ms. los avec r suscrit.

- Am cella que't menas denan ;  
3025 Empero ja non diray plus  
Leu me pot entendre cascus.*

*Distributiva se garnis  
En est loch, car distribuïs.*

**De cobla distributiva**

- Cell qui son paubre d'esperit  
3030 Seran lauzat e benezit,  
L'umil seran benasurat  
E l'innocen el cel montat.  
Cell qu'en est mon hauran victoria,  
El Cel hauran complida gloria,  
3035 E li misericordios  
Hauran lo regne glorios.*

*Pusque sabets distributiva,  
Ara vejats designativa.*

**De cobla designativa**

- Aquest tot jorn porta sos gans,  
3040 Com diga que Senyors es grans ;  
Un anell d'aur li vey portar  
Per vanamen aquell mostrar ;  
E porta lors<sup>2</sup> sabats pintats  
Perço que sembla delicats ;  
3045 Questios fay ez arguments  
Per mostrar qu'ell es entendens.*

- Cobla partida vejats ara,  
La qal mot lengatges empara ;  
3050 Fatxa fon per en Rambaut,  
Un Cavaller pros ez asaut.*

**De cobla partida**

- Bells Cavallers, tan es grans  
Le vostre grans senyoraiges  
Quez un jorn mones (?) mocho.  
Oy me laso ! que faro,  
3055 Si cella que j'ay pus chiera  
Me tua no say por quo ?  
Ma dauna he que diot tibors  
Ni peu cap sancta Qiteyra,  
Lo coraso m'avets tonto  
3060 E mon dousamen furtado.*

*Veus meytada sus aysi  
Am mieig romans e mieig lati.*

**De cobla meytadada**

- [F° 113, r°]. Arbor vite fructiffera,  
3065 Per cuy le mons es restaurats,  
A ruina mortifera,*

Mayres de Dieus, vos me gardats ;  
*Natum hora* lo Rey de gloria,  
*Sine mora* que'm do victoria ;  
 3070 *E perora*, per ma deffensa,  
*Mortis ora*, que'l fals no'm vensa,

Cobla *constructiva* derriera  
 Mostram per aquesta manera.

#### De cobla constructiva

*Alma*, sancta, *parens*, mayre  
*Creatoris*, del Creayre,  
 3075 *Tuis*, als tieus, *prebe*, dona,  
*Diadema*, la corona,  
*Paratum*, appellada,  
*In excellis*, en los Cels,  
*Que*, laquals, *datur*, es dada,  
 3080 *Fidelibus*, als fizels.

Segon lati gardar no cal  
 Accen, mas en lo mot final,  
 Car aqui deu esser tots us.  
 Vist havets de coblas lassus :  
 3085 En la segonda part s'esmersa  
 Ez aysi comensa la tersa ;  
 E mostram vos qu'es *vers* ades  
 E dels autres dictats apres.

#### [ TERÇA PARTIDA<sup>b</sup> ]

Aysi comensa la *terça partida*<sup>1</sup> on tractam dels  
 dictats e primerament de vers

*Vers* es us dictats en romans  
 3090 De sen, car es verays tractans,  
 E car dir se pot de virar ;  
 D'amors examen pot tractar,  
 De lauzor o d'ensenyamen,  
 E qis vol de reprendimen ;  
 3095 E conte de .V. a .X. coblas,  
 E la tornada si la doblas  
 Far se pot, neys en tot dictat ;  
 E deu haver lonch so pausat  
 E noell am plazens montadas,  
 3100 Am dexendudas e passadas  
 Mot bellas e mot graciosas  
 E dousas e melidiosas ;  
 Qi vol far *tornada* complida,  
 La meytat de vas la finida  
 3105 Prenga de la cobla derriera  
 E seguen aquella manera  
 En nombre par tornada fassa ;  
 La qal meytat d'un bordo passa  
 Can troba non pars lo[s] versets  
 3110 E merma d'autre mantas vets ;  
 Per egal vol esser pausada

En tot dictat qan es doblada.  
 [F° 113, v°]. Pero soen pauzam major  
 La denan e l'autra menor.  
 3115 Al *senyal* la una se dona,  
 L'autra pel nom de la persona  
 A laqual per honor donar  
 Vol hom son dictat presentar.

Per orde cansos apres ve  
 3120 De laqual tractar nos cove.

#### De canso

*Cansos* es dictats que d'Amors  
 Principalmen o de lauzors  
 Deu tractar am bells mots plazens  
 .V. o .VII. coblas retenens  
 3125 O .VI. e vol per so dever  
 Aytal coma vcrs deu haver.

Apres canso ve serventes ;  
 E vejats son compas qin es.

#### De serventes

*Sirventes* es dictats que play  
 3130 E servis se leumen que may  
 De vers o d'alcuna tenso<sup>2</sup>  
 Qan a las coblas ez al so,  
 Amb aytal mateix' acordansa,  
 Os altra d'aquella semblansa,  
 3135 Os ab diversa, mas que tenga  
 L'autre compas e'l so retenga,  
 Tractans de maldig jeneral  
 Per xastiar cells que fan mal,  
 O de fayts mantas vetz de guerra  
 3140 Que's deu far en alguna terra.

Dansa devem mostrar a tiera  
 E vejats aysi la manera.

#### De dansa

*Dansa* dictats es gracios  
 Amb un tan solamen respos  
 3145 Ez am tres coblas atresi  
 Ad aquell semblan en la fi ;  
 E la tornada vol per fort  
 Esser tots temps d'aquella sort ;  
 Lo comensamen de las qals  
 3150 Deu hom [per] compas far egals ;  
 Empero quan a l'acordansa  
 Son divers ha d'una semblansa.  
 Del respos han diversitat  
 D'acort o qis vol d'egaltat ;  
 3155 De meja cobla ses biaix  
 Pren son [compas]<sup>3</sup> respos o quaix,

<sup>1</sup> Cf. Leys, éd. J. A., III, 175 sq. — <sup>2</sup> Peut-être *censo* (pour *canso* ?) — <sup>3</sup> Rétabli d'après le texte des Leys, éd. J. A.

Qar de dos versets mays o mengs <sup>1</sup>  
 Al plus es sos variamens.  
 Degus versets que dansa col  
 3160 Passar .VIII. sillabas no vol ;  
 [F<sup>o</sup> 114, r<sup>o</sup>]. D'amors deu tractar per de-  
 E gay so per dansar haver. [ver]

Descort vejats en aquest loch,  
 Car aysi vol mostrar son loch.

## De discorts

3165 *Descorts* es dictats mot divers  
 D'aytantas coblas com ha vers,  
 De rim, de so desacordables  
 E de lengatges variables,  
 E singulars o d'un amas  
 3170 O totas de divers compas ;  
 E deu mays segon que'ns appar  
 D'amors o de <sup>2</sup> lauzor tractar,  
 O de querella, car no'm vol  
 Midons aymar ayxi com sol  
 3175 O de tot ensemps, qis volia ;  
 Si far tornada mays plahia,  
 Retenga cascus la maniera  
 La qual lassus pauzem primiera,  
 On dels lengatges que dits so  
 3180 Deu hom far compilacio ;  
 E si de tot l'es esquerrier,  
 Prenda cell ques ha mes derrier ;  
 Pero si trop li torna grieu,  
 Qar troba la tornada brieu,  
 3185 Retensa <sup>3</sup> pot far cadaüs  
 De tots los lengatges desus,  
 Aysi cells <sup>4</sup> ha pazats a renga,  
 Mas que las acordansas tenga,  
 Les qals vezets ques ha per si  
 3190 Cascuna cobla vas la fi ;  
 Car d'aquell loch vol acordansa  
 Recorsa que dreig la balansa  
 E segon dever la compassa ;  
 Lo compas de cobla no passa,  
 3195 La qal ab tots bordos s'afina.

E veus de tenso la doctrina.

## De tenso

*Tensos* es debats on tensona  
 Cascus per sa part eazona  
 Per mantener son propri faig ;  
 3200 E deu hom fenir aytal plaig  
 De .V. a .X. coblas al may ;  
 E pueys tornada cascus fay  
 En laqual deven elegir  
 Jutge per lor plaig diffinir ;  
 3205 E'l jutges, lor compas seguen,  
 Poyra dictar son jutjamen,

E, sis vol, per novas rimadas,  
 Car en est cas son costumadas ;  
 Lo qal deu hom dar ben adreig  
 3210 No pas recitan segon dreig.  
 [F<sup>o</sup> 114, v<sup>o</sup>]. Pero ges mens non es prezats  
 Can segon dreig es recitats ;  
 E no vol so de sa natura,  
 Car sol de bonas razos cura,  
 3215 Si doncs non fay en aycell cas  
 Qan d'autre loc pren son compas  
 O d'autra q'aver deja so <sup>5</sup> ;  
 Car adoncs per miells alegrar  
 Se pot en autre so chantar.  
 3220 Partimens vol aysi far pauza  
 Per que vullats vezer sa cauza.

## De partimen

*Partimens* es, segon romans,  
 Questios dos membres portans  
 Contraris donats ad alcu  
 3225 Per so que deffenda la .j.,  
 Can el remanen sec la via  
 De tenso que no s'en desvia.  
 E qis vol partimens encara  
 Diverses lengatges empara  
 3230 E tensos e las pastorellas  
 E coblas ques han lor pagellas,  
 Como son monjas e vaquieras,  
 Ez ortolanas e vergieras.  
 Dictats qu'es d'autrus lenga tots,  
 3235 Si be plazens appar a mots,  
 En nostre jutgamen no's met  
 Qan que'l trobem subtil e net ;  
 Qar d'erguell mou e fay otratge  
 Qi vol jutgar l'autre lengatge,  
 3240 Si no's mezclats ab nostra lenga,  
 Car adoncs soffrem q'om lo prenga.  
 Vey aysi pastorela presta  
 Qe d'esquerns fa tots temps gran festa.

## De pastorella

Us bells dictats es *pastorella*  
 3245 Que VI. o VIII. coblas capdella  
 E .X. alcunas vets e may  
 Am noell so plazen e gay,  
 No ta lonc cum canso requier,  
 Ans lo vol un pauc viacer.  
 3250 Pero can .XXX. coblas passa  
 Cascus pot dir qu'es longa masa.  
 D'esquern deu pazar son dictat  
 Ses fare <sup>6</sup> e ses dir viltat.  
 Retroncha vullats sauber tuig,  
 3255 Si be petit porta de fruiç.

<sup>1</sup> Lire *menys*. — <sup>2</sup> Ms. *da*. — <sup>3</sup> *Recensa* ? lire *recorsa*, comme dans le texte des *Leys*; cf. *infra*, v. 3192. —  
<sup>4</sup> *Aissi co'ls*, *Leys*, éd. J. A. — <sup>5</sup> Lacune d'un vers. — <sup>6</sup> *Sic* ms.

## De retroncha

*Retroncha* dictats es d'acort  
Am vers, car es del sieu resort,  
Exceptat que totas vegadas  
[F.<sup>o</sup> 115, r.<sup>s</sup>] Sefay de coblas retronchadas.

- 3260 Planch volem mostrar en apres  
Per que vejats lo sieu proces.

## De planch

- Planch* es dictats q'om fay per dol  
Que de .V. a .X. coblas col,  
Am so noell e quaix playen  
3265 E lonc e pauzat e plazen ;  
E soen per abuzio  
Se pren de vers e de chanso ;  
E deu hom dire lauzors grans  
Am plazens mots e mays los dans  
3270 Q'om pren e son apparegut  
De so q'om playn ez ha perdut.

En aquest loch derrier escrig<sup>1</sup>  
Podets trobar a escondig.

## D'escondig

- Escondics* es trop bos dictats  
3275 Per loqual cell qu'es acusats  
Se desencausa tota via ;  
Estiers de canso no's desvia.

\*\*\*

- La tersa parts en esta qarta  
Fenix, e veus aysi la qarta ;  
3280 En las .VIII. parts devez mostrar  
D'oracio per ensenhar  
Alcus accidens necessaris  
Ad atrobar per examplaris ;  
E so ques aysi no sera  
3285 En las LEYS D'AMORS trobara  
Cascus si per dever o cerca,  
Car mot es breus aquesta merca.

## [ QUARTA PARTIDA ]

Assi comença la quarta parts on tracta de las  
VIII<sup>2</sup> parts d'oracio

- Huyt parts havem d'oracio  
E mostram vos aysi qal so.  
3290 En lo primier loch es le noms  
Ez en lo segon le pronom ;  
Mas le verbs del terç loch no's part  
Tots temps ; l'adverbis vol lo quart ;

- Particeps es la part sinquena  
3295 E conjuncçios la sizena ;  
Preposicions fay son cap  
Del seten loch, car servir sab ;  
Interjeccios va derriera  
E sech las autras parts a tiera :  
3300 E veus las vos totas escrihas.  
E dizem may que parts son dichas  
De paritat, car son pazadas  
E nombre par e collogadas ;  
[F.<sup>o</sup> 115, v.<sup>o</sup>] Pero miells parto de *partir*,  
3305 Car tuig li mot ques hom pot dir  
Son de la una d'estas parts.  
E ses aquestas les .VII. arts  
A penas pot sauber degus.

Ayssi tracta d'alcus accidens de las ditxas parts  
d'oracio. E primeramen del gendre

- Aras cove que nos alcus  
3310 Accidens mostrem li qual so  
D'aquestas parts d'oracio.  
E veus lo gendre qu'es primiers,  
Car a bon romans fa mestiers.  
*Homs e thesaur* son masculis,  
3315 *Purtats e dona* femeni.  
Del comu son *vergiers, plazents,*  
*Gensors, millors ez avinents,*  
*Fortis e lials, gentils, e grans.*  
Neutri no sab nostre romans,  
3320 Que'l masculis ha son loch pres,  
Si doncs sustantivats non es,  
Coma : *tot ayso m'es noell,*  
*Agradan e plazen e bell ;*  
*Tot ço qu'es tieu e mieu e vostre*  
3325 *Sia comu d'ueymays e nostre*  
*E despondut en cominal.*

- Qui bon romans vol e leal  
Lo masculis deu ajustar  
Am l'altre masculis son par ;  
3330 E'l femenis femeni vol,  
Coma : *bos homs drechura col*  
*E bona femna lealtat ;*  
Car trop fa gran desegaltat  
Qui dits : *bell moller, espos bella.*  
3335 Le masculis tropz motz capdella  
Segon lati, los qals hom pauza,  
Car es acostumada cauza,  
Segon romans, en femeni ;  
Car estiers bon romans ni fi  
3340 Degus no pronunciaria  
Qui d'ayso lo lati seguia ;  
Car hom nostre parlar confon  
Qui pauza *bell flor e clar fon,*  
Car nostres lengatges empara  
3345 Del tot *bella flor, e fon clara,*  
E *bon'amor e valor fina.*

<sup>1</sup> Ms. *scrig.* — <sup>2</sup> Au-dessus de VIII est écrit un *t* (le *t* de *ueit*, sans doute).

- Am soloecisme s'enclina,  
Qu'es vicis grans, qui ditz : *blanch flor* 3400 *Ez amats tots temps e servits,*  
*E sols adorats senes fi.*  
*E per est'arma peccador.*  
3350 *Ez en parlar fa gran forfaig*  
*Qui dits : bella mel, dousa laig,*  
*O tota la sanch es vermella,*  
*O ditz : bonas cauls apparella ;*  
[F° 116, r°] *Qar aquests mots pot hom* 3405 *Dieus es noms substantius aysi,*  
[repandre] *Tot poderos, benignes, sans*  
*Son ajectiu am lors semblans ;*  
*Vos pero, quanque plurals sia,*  
3355 *Qui no'ls met en masculí gendre ;* 3405 [F° 116, v°] *Per honor e per senyoria*  
*O qui dits : las ordas, la papa ;* *Prendem soen per singular.*  
*Serpents e us e mars arrapa*  
*Casqu ; pero la serp dictats.*

## Del nombre

- Nombre cove que sapiats  
3360 So es saber lo singular  
Que d'una cauza vol parlar  
Coma : *yeu soy de Dieu serventa.*  
Le plurals tots temps representa  
Gran re de causas, so es motas,  
3365 Coma : *las donas veno totas,*  
*O li Senyor cojugat so.*  
Si romans vols leal e bo  
A singular singular dona  
Coma : *tu hiest bona persona ;*  
3370 Aqo matex el plural fay,  
Coma : *li nostre clerc son gay*  
*E tuig li cavaller alegre.*  
E qui vol lo contrari segre,  
Nostre dictat del tot ranqueja,  
3375 Coma : *duy bar tot jorn garreja*  
*E'l Rey ffrances fay lo passatge.*  
  
Pero, segon nostre lengatge,  
Can duy o mays nominatiu  
Del singular e substantiu  
3380 S'ajuston am copulativa,  
Le verbs plurals am lor s'abriva,  
Coma : *Pascals e Ffrances cuello,*  
*Qan le rosiers e la vits bruello.*  
E soen aytals parladura  
3385 Verb singular vol per figura,  
Coma : *fraus, engans e tensos*  
*Naix e creix tot jorn entre nos.*  
Substantiu diem scienmen,  
Car si .XX. ajectiu o cen  
3390 Son ad un substantiu donat,  
Deven esser pronunciat  
Singularmen ; e qui sauber  
O vol aysi o pot vezer :  
  
*Dieus tot poderos, sans e dignes,*  
3395 *Glorios, humils e benignes,*  
*Sia beneziats e lauzats,*  
*E grazits e glorificats,*  
*Temsuts, honrats e beneziats,*
- Las habituts volem mostrar,  
Per las gals soen conoyxem  
D'aquests .VI. cases ques havem :  
3410 Nominatiu e genitiu  
E datiu ez acusatiu  
Vocatiu, ablatiu derriers.  
Le nominatiu es primiers  
Ez es amb'aytals abituts  
3415 En lo singular conoguts ;  
*Le vol en la votz masculina*  
*E la fay en la femenina.*  
E qan le genitiu rete  
Lo masculí fay *del e de ;*  
3420 E si'l femenís l'acompanya,  
*De la tantost ab luny<sup>1</sup> s'afranya,*  
*E de soen coma de justa ;*  
Le datius fay a qan s'ajusta  
Al masculí ez *ad ez al ;*  
3425 Am femeni fay atretal,  
Exceptat que d'al fay a la.  
Si l'acusatiu en la sala  
Intra del masculí fay lo ;  
E qan dexten vays la mayso  
3430 Del femeni tantost la dona  
Le vocatiu ses mudar sona,  
Amb o pauzat es entendut.  
A las habituts attendut  
De l'ablatiu siats tuig ara,  
3435 Car mantenen ques ell empara  
Lo masculí fay per *ab, am,*  
*Am lo motas vetz hi trobam*  
*Ez en lo, si quel, e soen*  
Lo pauzat absoludamen,  
3440 Coma : *lo Rey vençut e mort,*  
*Han tuig li sieu gran desconort ;*  
Gayre non es *si quel* en us.  
  
En lo plural vejats cascus  
On le nominatiu fay *li*  
3445 *E las qan es del femeni,*  
Non ha plus, ni de plus no cura.  
Genitiu es d'aytal natura  
Que *dels e de* requier e vol,  
Am femeni *de las de col.*  
3450 *Ad fay le datius als oc a,*  
Mas ques *ad als* vol mays .I. a,

<sup>1</sup> Ms. *luy* avec abréviation de *n* ; l. *luy*.

- Can se met am femeni gendre.  
Acusatiús los vol deffendre ;  
Am femeni pero fay las.  
3455 [F° 117, r°]. Del nominatiu lo compas  
Vol tots temps segre vocatiús,  
Am masculí fay ablatiús,  
Per *ab* ez *am*, *ab* los, *amb* los  
Ez *en* los, e *si* *quels* e *los* ;  
3460 Am femeni fay examen  
Per *ab*, *am*, *ab* las, *am* las, *en*,  
*En* las, *sique* las, *ellas*, qu'es  
Tots temps absoludamen pres ;  
*Si que* las gayre no metem.  
3465 *Ab* ez *amb* escriure<sup>1</sup> devem,  
Am *b*, car hom lo pronuncia  
Vocal siguen e miells se lia  
Ques *m* no fa luya vegada,  
Coma qui dits : *vay* *amb* *amada* ;  
3470 Estiers le *b* *ab* en *m* muda  
Ez *amb* vol *b* haver perguda,  
Coma : *Bertrans* es *am* *En* *Magfre*.  
Encaras l'ablatiús fay *de*  
En singular ez am plural,  
3475 Coma : *tu* *yiess* tots *ples* *de* *mal*  
*Ez* *hieu* *de* *bes* e *de* *vertuts*.  
  
Motas d'aquestas abituts  
Vezem que son mantas<sup>2</sup> vegadas  
Per preposicions paúzadas,  
3480 Coma : *de* (l. le) *marges* es *d'evori*,  
*E* *per* *mon* *pro* las *leys* *decori*,  
*E* *tot* *jorn* a la *sgleya* *vau*  
*Am* *Duran* ez *amb* *Ermengau* ;  
O qui dits : *ara* *soy* *en* *pats*,  
3485 *Pero* *gran*  *festa* *no'y* *fassats* ;  
O sian prepozicions  
Os abituts, car entre nos  
Gran diversitat no'y trobam.  
Lo mantas vets cor lo (*sic*) *viram*,  
3490 Per c'om luy mot no diga laig  
El mieig del ajustamen faig  
De l'abitut e del sieu cas,  
Coma *lo* *camí*, *lo* *cabas*,  
Car am le trop mal sonaria.

**Del liamen de la abitut ab son casual, lo qal  
prendem per declinacio en romans**

- 3495 Veus per qual manera se lia  
Abituts ab son casual ;  
Ez en romans cercar no'us cal  
Luy altra declinacio ;  
E veus la declaracio :  
3500 Nominatiús le *Princeps* dona  
E la *Regina* gasardona ;  
Genitiús del *Rey* es la joya  
E de la *Regina* *Savoya* ;  
Datiús a *Dieus* ez al *Senyor*

- 3505 E a la dona fayts honor ;  
[F° 117, v°] Acusatiús lo *Rey* honrats,  
En lo nom de *Dieu* exalçats ;  
Vocatiús : *Bertrans* o *Bertranda*,  
La vostra *valors* es mot *granda* ;  
3510 Ablatiús per *Dieu* ez am *Dieu*  
Ez en lo nom *benehit* sieu  
Orats *amb* honor *Dieu* lauzan  
Lo *Senyor* del mon ajudan  
E la sua digna virtut  
3515 Am la qual tots temps nos ajud.

- Nominatiús plurals li *clergue*  
E las *sors* honran lo *dimergue* ;  
Genitiús dels *Reys* es la terra  
E de las *gens* tots temps la guerra ;  
3520 Datiús als *pros* ajudarets  
Ez a las *donas* servirets ;  
Acusatiús los *Sants* tots temps  
Lauzats e las *Sanctas* essempts ;  
Vocatiús : *Martirs* glorios  
3525 E *Verges* preýats *Dieu* per nos.  
Ablatiús per bonas *doctrinas*  
Ez en *verayas* *diciplinas*  
De *virtuts* ez *amb* *alegriers*  
Lauzem *Dieu* e'ls *Sants* *dretchuriers*,  
3530 Amb oracios ez am cants,  
Los *Angels* del Cel ajudants.

- Veus la manera per la qual  
S'ajuston am lor casual  
Las habituts desus nomnadas.  
3535 Las diccios mantas vegadas  
Ses abitut hom pronuncia  
Coma bell *m'es* o *bo* *seria*,  
*Quals* es *aquells* o qui *fara*  
*So* que *Dieus* vol, *salvat* sera ;  
3540 Ad *aquell* *darem* bell *juell*  
*Qui* *dira* bell un *redondell* ;  
*Plasers* e *gauigs* es huy en terra,  
*Car* *Dieus* lo mon ha traig de guerra ;  
*Hucs* e *Bertrans* parlo tot *jorn*  
3545 Ez *hieu* e *tu* nos *dam* *sojorn*.  
Ez ayso pel nominatiu  
Prendets e per l'acusatiu.

- Li autre cas ses abitut  
Despullat son e del tot mut,  
3550 Exceptat ablatiu absout,  
Coma : vos *m'avets* lo *mal* *tout*,  
*Dieu* *ajudan* per sa *merce*.  
Degus per le no pauza se,  
Ni so per lo, ni sa per la,  
3555 Car s aquí ges bell no ca,  
Coma : so *vergiers*, so *ramells*,  
Sa *maysos*, se *cavalls* es *bells* ;  
Ni *vuella* se *mudar* en s  
Ni dire li dona, li res,  
3560 [F° 118, r°] Car no curam d'aytal compas.

<sup>1</sup> Ms. *scure*, sans signe d'abréviation. — <sup>2</sup> Ms. *matas*, cf. 3535.



## De las terminacios del cas

- Las terminacios del cas  
Volem que sapiats apres.  
Regularmen finis en s  
Le nominatiu singulars  
3565 Coma : *le vis es bells e clars*  
*E'l pas leugiers, saubors e blancs ;*  
*Le Reys appar suaus e francs.*  
*Savis e certs e liberals.*  
Mas le nominatiu plural  
3570 Regularmen ses s termena,  
Coma : *li foll hauran greu pena*  
*E li fisel gran alegrier.*  
*Si'l Rey e clerc son dretxurier,*  
*Le mons sera miells governats.*

## Excepcios dels femenis

- 3575 Le femenis es exceptats  
De la presen regla, car fa  
Lo sieu nominatiu en a  
Singular coma : *femna, dona,*  
*Bertranda, veraya, Garona,*  
3580 *Noyrida, tua, mia, nostra.*  
L'excepcios examen demostra  
Femeni can en a se pausa  
E dits en a per esta cauza ;  
Car nos havem femenis mots  
3585 Que fan ses a la final vots,  
Coma : *rasors, Tibors e naus,*  
*Flors, dignitats e gentis e claus,*  
Li qal tots temps lo singular  
Nominatiu volon gardar ;  
3590 Empero lo plural no teno  
Coma : *las bellas donas veno*  
*E las naus son apparelladas*  
*E las dignitats autrejadas.*  
*Mays son plazens las Damicellas.*  
3595 .....  
Gensors e leumen plus istillans <sup>1</sup>  
E mays gentils ez agradans  
Las diccios participans  
Alcunas vets am masculi  
3600 E qan locs es am femeni,  
Coma *plazens, grans e humils*  
*Leals e mors ez utils*  
Volon del tot segre la via  
D'aquell a cuy fan companyia ;  
3605 Car si'l masculi gendre colo,  
La sua regla del tot volo,  
Coma : *fort, humil e plazen*  
*Son l'escudier ez avinen ;*  
Si pueys en femeni se mudo,  
3610 La sua regla no refudo,  
[F° 118, v°] Coma : *las Verges son plazens,*  
*Leals, humils ez avinens,*  
*Gentils ez agradans a tots.*

- En a trobam gran re de mots  
3615 Del masculi coma *legista,*  
*Propheta, Papa, canonista*  
*Ez evangelista, li qal*  
Teno la regla del plural  
Nominatiu, coma *li Papa*  
3620 *Son de la fe sosteyn e capa ;*  
Los quals noms masculis tots temps  
Trobam del singular essempts  
Coma : *le papa tolssa* (sic)  
*Te voluntiers clausa la ma*  
3625 *Car pazor ha de larguejar.*

## Excepcios dels mots integrals

- Encaras s'en deu exceptar  
Noms integrals, car aquell cert  
Hom troba per que re no pert,  
Coma *gros e gras e revers,*  
3630 *Cors, gracios, fals e divers ;*  
E qui d'ells se vol donar cura,  
Encaras han altra natura,  
Car tuig que may son allongat  
Segons qu'es miells acostumat,  
3635 Coma *divers* pot far *diverses*  
*Escas escassas, e vers verses ;*  
Tuig li primier nominatiu  
E'l segon e li vocatiu  
E tuig li oblic singular  
3640 *Bras e fals ses plus devo far*  
*Divers e gracios, ez os,*  
*Cors virtuos e gras e gros,*  
Ez aysi dels autres aytals.  
Tots temps en los oblics plurals  
3645 Devetz paucar o *bras o brasses*  
*E cors e corses, gras o grasses,*  
*Divers diverses, gros o grosses*  
*E fals o falses ; os ez osses,*  
*E virtuosos virtuos.*  
3650 Encaras sapiats que nos  
Dizem nostre son <sup>2</sup> tuig que may,  
Car en tot aysso no s'esqay,  
Coma, *pros temps repaus e murs*  
Ses o e sses e, *ris ez us*  
3655 Si d'usar pren significat,  
Segon qu'es miells acostumat  
Es digs lassus, car hom la vots  
Allonga soen d'alcus mots  
[F° 119, r°] Integrals particularmen ;  
3660 E car no's dits cominalmen,  
Sino per singular <sup>3</sup> usatge,  
No lauzam trop aytal lengatge,  
Coma si paucas *votz o voses*  
*Dots o doses, nots o noses.*  
3665 Allongar no's vol *peccayrits,*  
*Ni perdits ni governayrits,*  
*Ni degus que tenga lor clam,*

<sup>1</sup> Sic. Le vers précédent manque. — <sup>2</sup> Ms. son son ; cf. le vers 3633. — <sup>3</sup> Ms. singulari.

- Car d'aytals mots ges no curam ;  
 Per que no pauzas *pecayrisas*,  
 3670 *Perdisas*, ni *governayrisas*.  
 Bona costuma doncs e llonga  
 Prenda cells q'aytals mots allonga,  
 Car vicios estiers seria.

## De las diccios parcials

- Diccios havem d'autra guia,  
 3675 Que son *parcials* appelladas ;  
 E podon esser allongadas,  
 Coma *ceus*<sup>1</sup> vezets que fa *cruses*.  
 D'allongar aytals mots non uses,  
 Si be non es acostumat.

## Dels mots indifferens

- 3680 *Indifferen* son appellat  
 Li mot que podon termenar  
 Lo nominatiu singular  
 Amb s o ses, coma *coms*,  
 E *vescoms* ez *homs* e *prosoms* ;  
 3685 *Nominatiu* plurals vol *comte*,  
 Ez *home*, *prosoms*, *vezcomte* :  
 Tuig li oblic fan atretal  
 Del singular e del plural,  
 Exceptat que'l plurals vol s :  
 3690 *Clercs* ez aquest direts apres  
 E tuig li *clerc* o tuig li *clergue*  
*Canten* be que son de *Rosergue* ;  
 E los oblics *clergue* direts,  
 Si plural senes s hi metrets.
- 3695 *Sants* e *benezits* si'us volets  
 En tot cas allongar podets ;  
*Santes* a tart (*l. tort*) pero se dits,  
 Car leumen *sants* es miells aysits.  
 E lo nominatiu primier  
 3700 *Sants* no pren degun allonguier,  
 Si propis noms l'es ajustats,  
 Coma : *Sants Peyres*, *Sants Bertrans*,  
 Car *Sants Peyres* no prendem.
- Seners*, *Sen* e *Senyer* dizem :  
 3705 *Mosen Bernat mo Senyers* es ;  
*Tots temps mo senyer* es *cortes* ;  
*Salvayres* es *Dieus*, o *salvayre*,  
 [F° 119, v°] Ez aysi dels autres en *ayre*.  
 Bos es *paratges* o *paratge*  
 3710 Ez aysi dels autres en *atge*.  
*Tres* o *trey* son e *duy* o *dos*  
 E *sieys* o *detz* totas sasos.  
 Ara ve la *gens* o la *gen*,  
 E'l *gauigs*, e'l *gauig* creys *examen* ;  
 3715 E'l *joys*, e'l *joy* per tot s'espan,  
*Cridars* o *cridar* m'es desfan (?)<sup>2</sup>  
 E *servirs* o *servir* m'agrada ;

- Honrar* la Verge coronada  
 E *servir* me play ses offendre ;  
 3720 *Aysso* metex devets entendre  
 Dels autres infinitius mots  
 D'aytal o de diversa vots,  
 Coma *deffendre*, *creyre*, *perdre*,  
 E *querre*, *decebre*, *desperdre*,  
 3725 *Escriture*, *secorver*, *vezzer*.

- Gra*, *cor* e *sor*, ez *or* e *ser*  
 No volon terminar en s  
 En singular e mens ades  
 Neutri sustentivats ; pero  
 3730 *Tots temps* no's pot seguir ayso,  
 Car perque no fassa dubtar  
 En s vol soen termenar,  
 Coma qui dits : *mals te xastia*.  
*Als* poyrets dire tota via,  
 3735 *Al re*, *vers* o *vers* (sic), *mays* o *may*,  
 E *mestiers* o *mestier* me fay,  
 Segon que miells s'endevendra.  
 Noms integrals s tots temps ha,  
 Coma qui dits : *miels es que fassa*.
- 3740 Trop mot trobam que ses s passa,  
 Can las vots pauzam solamen  
 So vol dir materialmen,  
 Coma per *h home* s'escriu  
 E de *Dieu* es del genitiu,  
 3745 *A*, *e*, *i*, *o*, *u*, *b*, *c*, *d*,  
 Ses s pronunciar cove ;  
 En singular am lors semblants  
 En aquest nombre termenans  
 Ses s atrobam *hieus*, *tu*, *cell*,  
 3750 *El*, *aycell*, *est*, *tost* ez *aquell*,  
*Aquest* e *le*, qan pronom es.
- De *re* digats, o *luya res*,  
 Mas que'l prendats en genera ;  
 En can es en especial  
 3755 O *qaix*, adoncs en s termena,  
 Coma so disets que *Serena*  
*Es bella res* o *trop m'agrada*  
*Servir la gentil res honrada*,  
 Car ella sap valer a tots.
- 3760 Per tot lo plural direts mots,  
 Si per moltesa lo pauzats,  
 E *manhts* am *h* per gran digats ;  
 [F° 120, r°] E qan per *mouts* lo pauzarets,  
 Ses *h* lo pronunciarets.
- 3765 *Sants* muda s en t soen ;  
*Mants* e *cants* e *tants* examen.  
*Sants Pauls* o *Sant Paul*, *Sant Andrieus*  
*Prego per nos lo fill de Dieu*.  
*Mants homs* o *man hom* qu'es el mon  
 3770 *Per sa gran colpa* se confon.  
*Tants homs* o *tant hom* se decay ;

<sup>1</sup> Sic ms. et copie. Lire *crus*. — <sup>2</sup> Lire *d'espan* ?

- Qant home so vengut dessay ;  
 Èz ayssi d'aytants, atretans.  
 Luny temps no vullats mudar sants,  
 3775 Si per sobrenom se cambisch  
 Can ajectius en s fenisch  
 E'l substantius per s comenssa.  
 Adoncs la paraula s'agensa  
 Si'l final s del ajectiu  
 3780 Hom no profer, si be s'escriu,  
 Coma : grans senyors e grans pestres  
 Fo Sants Cernis e Sants Silvestres.  
 Ez enayssi vos direts san  
 En lo dig cas, no contrastan  
 3785 Qu'en la Escriptura sia s.

- Midons, sidons direts apres,  
 E tots homs viu en bona cura  
 E tuig li san volon dretura ;  
 E veus le polis o'l poli.  
 3790 La regla no te quis vel qui ;  
 Exceptats pero quins e quals.  
 E direts Vidal, o Vidals,  
 Tibaut o Tibauts, Ermengau  
 Oz Ermengaus m'an faig gran frau.  
 3795 Ez ayso matex entendets  
 Dels autres propis ques havets,  
 Si donques no son del compas  
 Dels integrals, coma Thomas,  
 O no son de vots femenina,  
 3800 Coma Bertranda, Mantellina,  
 Estatcha, si propis noms es,  
 O si de grec o qaix se pres  
 Coma Peragoges o ge,  
 Sinodoches, sinodoche,  
 3805 Parameons, parameon ;  
 E digats Sions o Sion.  
 E cells qui son aytals o qaix  
 Issir no vol de son relays  
 Le sobrenoms coma qi dits :  
 3810 En tots fayts es pros ez ardots  
 Mossen Ramonet de Tolosa,  
 Am vida leal e joyosa,  
 Al Gay Sauber ja gran abrich  
 Mossen N'Esteve del Garrich,  
 3815 E Mossen Bertran de Morlas,  
 A lunh bo fayg no clau las mas ;  
 E Mossen Bertrans Barrau  
 [F° 120, v°] Es d'umil cor franc e suau ;  
 Per metre pats sos dits afilla  
 3820 Mossen Pere de Gamevila ;  
 Pons Isalguier es gays e pros,  
 En Frances Barrau certs e bos ;  
 Pere de Prinhac tots nos soste,  
 Guillems de Gontaut dicta be ;  
 3825 Huc d'Agramon, N'Estolt Arnaut,  
 En Johan d'Agramont asaut  
 Son tuig ez am bells fayts e rics  
 Sabon mantenir los amichs ;

- Johan Paga tan es benignes  
 3830 Que d'un comtat seria dignes ;  
 Tan es Bernat Vinhas plazens  
 Qu'es agradans a tolas gents ;  
 Bernat Terrier es tot leals  
 En tots temps francs e liberals ;  
 3835 Per Sabatier en res no fench,  
 Perque pretz e valor atench ;  
 Tenir li play dreig lo timo  
 E no sap dir als obs de no,  
 Car mercenier es en sos fayts ;  
 3840 Si disets Pey ges no forfayts  
 O Peyr ab r coma Peyr Huc,  
 O Pey Bernat es am lo Duc.  
 Maestres ab s o ses s  
 Direts si propis noms l'es pres,  
 3845 Car enaysi's acostumat ;  
 Li mot en s h, terminat,  
 Coma peysch, boysch, huysch, o carcasch,  
 Gandisch e creysch, puysch e pantaysch  
 Podo quis vol ses h finir.  
 3850 En lo singular poyrets dir  
 Nostres am s o ses s nostre ;  
 Aquo matex dizem de vostre ;  
 E si'l nominatiu reteno  
 Del plurals senes s termeno,  
 3855 Coma li nostre son leyal.  
 En lo nominatiu <sup>1</sup> plural  
 Nos o nasautri (sic) pauzaretz,  
 E vos o vosatri direts.  
 Cascus eys oz osses empara,  
 3860 Mateys o mateyxes encara ;  
 Aysi mateys trobam que sono  
 Gran re dels autres e's compono,  
 Los qals hom pot... per us.  
 Il os ilh devets dir cascus,  
 3865 E cill ez aquilh ez aycill,  
 Ist, aysi, cist, aquist, aquilh ;  
 Encara direts miey o mieu,  
 Li lor, siey o tieu, siey o sieu ;  
 [F° 121, r°] E qui dits el, cell e aycell,  
 3870 Est ez aquest, cest ez aquell  
 No fall en re, car en usatge  
 Havem tots temps aquest lengatge,  
 Perque mantener lo devam.  
 Tot so que dessus dig havem  
 3875 Del nominatiu singular  
 O del plural devets notar  
 Pel vocatiu, car vol apleig  
 Esser governats d'aquell dreig  
 Qan a la terminacio.  
 Dels obligz singulars e plurals  
 3880 Dels nominatius havem pro  
 Ara parlat, perque dece

<sup>1</sup> Ms. minatiu.

- Dels oblics tractar nos cove,  
 Li qual luy temps de s no curo,  
 Qan am lo singular s'aturo,  
 3885 Si non es doncs noms integrals ;  
 E qan le nombres es plurals,  
 Volon s tots temps en la fi.

### De las personas

- De las personas atressi  
 Cove tractar, las qals son tres :  
 3890 *Hieu soy, tu hiest, ez aycell es.*  
 E qui de bon dictat s'enansa  
 Fassa d'aquestas acordansa ;  
 Qar si diets *eu vas, tu vau,*  
 A nostre romans fa gran frau,  
 3895 Qar devets dir : *yeu vau, tu vas.*

### De temps

- Temps deu hom gardar en tot cas  
 Presen, preterit, inperfeig  
 E'l perfeig, e'l plus quam perfeig  
 E'l futur, e veu lo present :  
 3900 *Eu vau, e tu vas, examen*  
 Preterits inperfeigs *donava,*  
*Vehia, cridava, mandava ;*  
 E'l preterits perfeigs *mandet,*  
*Vic ez ausic e demandet ;*  
 3905 E'l plus quam perfeig tota via  
*Lo sieu voler mandat havia ;*  
 E'l futurs dits ques *amara*  
 E qui bons dictats far volrra  
 D'aquests far vuella bon acord,  
 3910 Car a bon romans fa gran tort  
 Qui dits *yieu me diey aquell jorn*  
*Que veig mon amich gran sejorn,*  
 Car *hieu me dau* vol per dever :  
 So q'aysi falch podets vesser  
 3915 En las LEYS D'AMORS don trazem  
 Per abreujar so que dizem ;  
 [F° 121, v°] Car huey vol hom breus es-  
 Veus apres vicis e figuras. [cripturas.  
 Pus que la quarta parts termena,  
 3920 Aysi comensa la cinquena.

### [ CINQUENA PARTIDA <sup>a</sup> ]

#### Aysi comensa la cinquena parts. De vicis e de figuras

- Tres Reys atrobam mals e fiers  
 E trop sobranciers e divers  
 Que son estat el temps antich  
 De tres Reginas enamich :  
 3925 Le noms del primier *Barbarismes,*

- E le segon *Soloecismes,*  
 Mas le terç es *Allebolus.*  
 Tan las garrejava cascus  
 Que paubras n'eran e mesquinas ;  
 3930 E veus los noms de las Reginas :  
 So es saber *Na Diccios,*  
 Ez apres es *Oracios ;*  
*Sentensa* dizem qu'es la terça.  
 La guerra fo grans e diversa,  
 3935 Car *Barbarismes* deslials  
 E *Soloecismes* tot fals  
*Diccio* garrejavan fort  
 Ez *Oracio,* ses luy tort  
 3940 Qu'elas en re no los tenian,  
 Am X sagetas ques havian  
 Per nom partit e en cominal  
 Fasian la guerra mortal ;  
 Si que *Barbarismes* tot dia  
 D'una part *Diccio* feria,  
 3945 *Soloecismes* segetava  
 Fortment d'autra part e nafrava  
*Oracio* molt cruzelmen.

- E veus los noms expressamen  
 De las sagetas sobre ditxas,  
 3950 Las qals aysi vezets escritxas :  
*Acirologia* primier  
 Pausam, quar empostamen fier ;  
*Cacephaton* lejamen sona  
 E *Pleonasmos* trop mensona ;  
 3955 Mas *Perisologia* lieig  
 Paraulas tropas ses profieig ;  
 E tots temps *Macrologia*  
 De petit faig gran proces fa ;  
*Tautologia* vol e pauza  
 3960 Trops mots per una sola cauza ;  
*Eclipsis* petit vol contendre,  
 Car ço que nos dits vol entendre ;  
*Tapinosis* se bayxa tan  
 Que pauc reputa so qu'es gran ;  
 3965 *Cacosinteton* vicios  
 Orde requier de diccios ;  
 [F° 122, r°] *Amphibolia* vol duptosa  
 Sentensa <sup>1</sup> per qu'es perillosa ;  
 Las X sagetas havets ara.

- 3970 De *Cacosinteton* encara  
 Sapiats ques ha un cayrell  
 Plus fort qu'espazha ni coltell  
 On ha VII cayres principals  
 Mots prims e tallans, entre'ls quals  
 3975 Veus *Transposicions* ades  
 E *Transportacios* apres,  
*Collisios,* *Fres* ez *Hiats* :  
 Cinch n'avem dits si be comptats ;  
 Pel VI<sup>e</sup> <sup>2</sup> prendetz *Metatisme*  
 3980 El VII<sup>e</sup> ha nom *Laudacisme.*  
 Mots d'autres cayrells hi trobam

<sup>1</sup> Ms. *sentesa*. — <sup>2</sup> Le ms. porte VI, et au vers suivant VII, avec, dans les deux cas, un *e* suscrit : *selen* et *seizen* ?

- Los quals examen esquivam,  
Car apres e durs e tallans  
Los atrobam segon romans,  
3985 Lo qual li principalmen son dig.  
E veus los vos tots per escrig.  
*Replicacios* es mot dura  
E quaix si trop se desmesura ;  
*Mots pessans* per auzir desplay  
3990 E *rims fexucs* atretal fay ;  
*Mot tornat* trobam vicios  
E *rim tornat* trop enujos ;  
Desplazens es *pauza tornada*  
E *bordos tornats* desagrada  
3995 Ez es cargats a todas gents.  
Un autre cayrell examens  
*Amphibolia* possezis,  
Que de mots cayres se garnis  
Per motas fallacias que so  
4000 Dins e defora *diccio*,  
De las qals hom no cura gayre  
Segon romans ; com autre cayre  
La trobam vas laü tantost  
Ques ha nom *Liamen empost*  
4005 De *Diccios*, car laig se porta  
E que red la sentensa torta ;  
E car las juncturas son netas,  
Aquestas d'aquestas sagetas  
So escusablas mantas vets ;  
4010 Ez adoncs vos las jutgarets  
Ses far tort per veras figuras.  
Estiers sagetas greus e duras  
Dizem que son am vicis grans  
Que redo fals nostre romans  
4015 E segon us e segon art.
- Allebolus* de l'autra part  
*Sentensa* greument segetava  
E molt cruzelment la tranchava  
[F° 122, v°] Amb una sageta mot fera  
4020 Li quals *Improprietas* era,  
Si que'l fahia mal e dan,  
Fazen del autre gran boban,  
Car era trop presumptuosa ;  
Mas una dona graciosa  
4025 Asauta, plazens e cortesa  
E part las autras miells apreza  
E la plus nobla per dever,  
Gentils e de mot gran poder  
E sobre totas la mays rica,  
4030 So fo madona *Rethorica*,  
Cogitet per sa gran valor  
Que pogues far patz entre lor ;  
E regartet be las asinas  
E trobet que las tres reginas  
4035 Havian tres sors mot azautas,  
Noblas e de gran poder nautas ;  
Veus aysi lo nom de cascuna :  
*Metaplasmus* era la una  
Qu'era sor de Na *Diccio*
- 4040 E *Scema* sor d'*Oracio* ;  
La sor de *Sentensa* foc bella,  
La qual hom Na *Tropus* appella ;  
E vic los tres Reys mals e fiers  
E disoluts e ses mollers,  
4045 Perque matrimoni parlet  
Ades entre lor e tractet ;  
Finalmen tan saub far e dir  
Que'ls matrimonis fe complir ;  
*Barbarismes*, la us dels tres,  
4050 Per moller *Metaplasmus* pres,  
*Soloecismes* atretal  
Hac *Scema* per moller leal ;  
L'autra sor pres *Allebolus*,  
La quals havia nom *Tropus*.
- 4055 Tan eran de gran malancoli  
Que no stech per lo matrimoni  
Qu'entre lor brega no fos grans  
Entro ques haguero <sup>1</sup> inffans :  
De *Metaplasmus* hac per temps  
4060 *Barbarismes* estan essemps  
XIIII fillas de las qals  
Trobam los propis noms aytals :  
So qu'es el cap *Prothesis* da,  
*Afferesis* tol e sostra,  
4065 *Epenthesis* cresch e conferma  
So qu'en lo mieig *siconpa* <sup>2</sup> merma.  
*Paragoges* tots temps apon  
La fi ques *Apocopa* ton.  
[F° 123, r°] *Extasis* breu fay allongar  
4070 E lonch *Sistoles* abreuja.  
De .I. fa dos *Dyeresis*  
E de dos .I. *Sineresis*.  
Vocal *Sinalimpha* per cauza  
Esbeu qan en la fi se pauza,  
4075 La qual escriure cascus deu  
Si be pronuncian s'esbeu ;  
Pero d'escriure no curam  
Letra que no pronunciam.  
*Olypsis m*, segon lati,  
4080 Escana qan es en la fi.  
*Antithesis* en un loch muda  
Vocal e consonan e muda.  
*Metathesis* aytal se fay  
D'un loch en autre quan s'escay.  
4085 XIIII doncs fillas ses plus  
Havem las quals *Metaplasmus*  
Hac de so marit *Barbarisme*.
- Las fillas de *Soloecisme*  
La (*sic*) quals hac de *Scema* lor mayre  
4090 Ara volem per nom retrayre.  
*Prolemsis* lo plural empara  
Lo qal per motas parts declara ;  
*Zeuma* diversas clauzas doña  
Las qals ab .I. sol verb razona.  
4095 *Yposeusis* cascuna clausa  
De sengles verbs fay estar clausa ;

<sup>1</sup> Ms. *haguers*, avec abreviation sur *e*. — <sup>2</sup> *Sic* pour *sincopa*.

- E qui sech lo sieu dreig sendier,  
Luyñ temps copula no requier.  
*Sylemsis* motas clausas ponh  
4100 Las qals amb ab .I. sol verb cojonh.  
*Anadiplosis* examen  
Soen .I. vocable compren.  
*Anaphora* vol totas vets  
Comensar clausulas e versets  
4105 Per una sola diccio  
E may o per oracio.  
*Espinalemsis* atresi  
Lo mot del cap vol en la fi.  
*Epizensis* per cert  
4110 Vol son talen mostrar apert.  
*Paranomazia* s'acaba  
O letra mudan o sillaba  
D'un mot ad autre quaix semblan  
Diversamen significan,  
4115 Coma *prenden pendan tot dia*,  
*Corta hiest cortis de cortesia*.  
*Scesinomatón* volentosa  
Es tots temps ez afectuosa,  
[F° 123, v°] Qar diccios motas nos pausa  
4120 Quaix significans una causa,  
Coma *peccat e malvestat*  
*Has jaig e gran iniquitat*.  
*Paranomenes* vest lo cap  
De cascu mot d'u mateix drap,  
4125 Coma *d'onor ets dona digna*  
*Bona, beutadosa, benigna*.  
*Omoepiteton* vol per egal  
Cascu vocable casual  
En una sillaba finir  
4130 Per que's pot a rim convertir.  
*Omoeteleuton* los mots  
Del verb finisch examen tots  
E una sillaba per que  
Hom ne pot rima far dece.  
4135 *Poliptoton* son cors sejourna  
Can una diccio retorna,  
Per divers cases varian  
Orde seguen o delaxan.  
*Irinós*<sup>1</sup> en tot loch s'abriva  
4140 Am construccio suspensiva.  
*Polissinteton* es can nos  
Pauzam gran re d'oracios  
Otra .II. las qals tota via  
Hom ses copula pronuncia.  
4145 *Dialiton* fa lo contrari,  
Entendre's pot ses exemplari.  
*Sinteton*, car es trop efruna,  
Dos oracios met en una.  
*Antitetón* fay abayssar  
4150 La .I. contrari per son par.  
*Antiteta* vol per semblans  
Sentensas o contrariants,  
Coma *freols*<sup>2</sup> hiest e hieu forts,  
*Aquell es vius ez aquell morts*.  
4155 *Antitosis* pauzan un cas

<sup>1</sup> Sic ms. — <sup>2</sup> Ms. *fre eols*.

- Per autre frayn nostre compas.  
*Ipallatge* del tot reversa  
So que dits, car es trop reversa.  
*Sintesis* l'orde natural  
4160 De las diccios e leal  
Fa torbar am sas maravillas.  
  
*Scema* dones hac aquestas fillas  
De *Soloecisme* per temps  
Estan o conversan essempts;  
4165 Entre las quals fillas nomnadas  
De sors atrobam maridadas,  
[F° 124, r°] Car am paraulas de presen  
*Silemsis* pres concebimen;  
Del qal hac fillas per sasos  
4170 Ez agro nom *concepcios*  
*De gendre, nombre, de persona*,  
E l'autra de cas se mensona:  
Qatre n'avets, si comptats be.  
  
*Na Synthesis* en apres ve,  
E trobam que fa maridatge  
4175 Ez hac per marit *Pariatge*;  
De luy hac *Evocacio*  
Ez apres *Apposicio*;  
E veus VI nebodas ses plus.  
  
4180 Apres le Reys *Allebolus*  
Amb *Tropus*, sa moller, estech,  
Don XIII fillas engendret:  
*Methafora* lo so transporta,  
*Catacresis* l'autre nom porta,  
4185 *Metalemsis* de gra en gra,  
*Climax* d'u mot ad autre va,  
*Metonomía* vol l'escut  
Del contenen pel contengut  
E del faig per aquell qui fets;  
4190 E pel contrari mantas vets  
*Antonomasia* s'agensa,  
Per ço car per gran excellensa  
Pronuncian lo nom comu  
Enten lo propri nom d'alcu.  
4195 *Epiteton* l'acciden pauza  
Q'om ses dir enten per la cauza.  
*Sinodoches* vol coma glota  
Per una part la cauza tota,  
Ez adoncs sembla gen noyrida  
4200 Qan lexa'l tot per la partida.  
Per construccio de lati  
Se fay encaras atresi  
*Sinodoches*, mas no curam  
Sino d'aquesta que pauzam.  
4205 *Onomotopeya* tray  
Nom del so que la cauza fay.  
*Perifrasis* fay laig dictat  
De petit per cauza d'ornat  
E per esquivar laig parlar  
4210 Vol sas paraulas agensar.  
*Iperbaton*, car se transmuda,

- Red la sentensa confunduda.  
*Iperbole*, qan s'enardis,  
 Que mays que no parla mentis.  
 4215 *Allegoria* nos dits un  
 Ez als enten del faig autrar (*sic*).  
*Omozeusis* tol ignoransa  
 Qar sab per alguna semblansa  
 [F<sup>o</sup> 124, v<sup>o</sup>] De so qu'es cert ez entendut  
 4220 Declarar lo mens conogut :  
 E veus las XIII fillas totas.
- E trobam ne d'aquestas motas  
 Ques agro marit e senyor.  
*Yperbaton*, qu'es entre lor,  
 4225 Hac *Turbo* per marit primiera,  
 Del qual hac V fillas a tiera.  
*Istologia* nom pren  
*Ysteron Proteron* soen ;  
 Sentensa vol d'aytal compas  
 4230 Que's vest so qu'es denan detras.  
*Anastrophe* met tot derrier  
 Lo mot qu'om deu pauzar primier ;  
*Parenthesis* denan la clausa ;  
*Thesis* vol mot empeutat  
 4235 El mieg del vocable trenchat ;  
*Syneresis*, que los muts transmuda,  
 Nos ret la sentensa cormuda,  
 Cofusa del tot e mal clara.
- Autra de las fillas encara,  
 4240 Qu'es *Allegoria* nomnada,  
 Atrobam que fo maridada  
 E pres *Alexim* per son par,  
 Le qals vol dir estranys parlar,  
 Ez hac ne VII fillas leals  
 4245 E volem vos dir ara quals :  
*Ironia* vol fort rependre  
 Am sa gran vots e dar entendre  
 Tot lo contrari de sos dits ;  
 Vejats quo's de bona rasits !  
 4250 *Antifrasis* vol exemplari  
 D'un mot on pauza son contrari,  
 Segon cell que naturalmen  
 Deu haver e don se dexten.  
*Enigma* sentensa rescosta  
 4255 Nos dona per esser espota.  
*Carienthismos* ques (*sic*) diga  
 So qu'es greu per dire mitiga.  
*Paroemia* nos enclina  
 Am bells proverbis a doctrina.  
 4260 *Sarcosmos* ha'l cor tan inich  
 Que tots temps a son enemich  
 Dits vilanias a tot for  
 Ez ontas am gran crebacor.  
*Antismos* trop sap e conoix,  
 4265 Car ontas dits tan sap del mosh,  
 Cubertamen e vilania  
 Ayxi cum si no l'en calia  
 Ses gumar (*guinar* ?) e ses tot cimbell.

- Omosensis* hac marit bell  
 4270 En *Clarus* don hac per sasos  
 Tres fillas mot bellas e pros :  
 [F<sup>o</sup> 125, r<sup>o</sup>] Ycon lo primier loc empara,  
 Car lo mens conegut<sup>1</sup> declara  
 Per semblan del mays conegut  
 4275 Si que son amduy contengut  
 Dejos un gendre jeneral  
 Quos (*sic*) mays pres os especial ;  
*Parabola* d'ayso no's fench,  
 Car en declaran fort s'en plench  
 4280 Lo mens conegut per lo may ;  
 Ayso pero tots temps se fay  
 Per la semblansa que s'atura  
 Entre lor, car estiers no cura  
 Degus qu'estia jos un gendre,  
 4285 Entenda nos qui sab entendre ;  
*Paradigma* tots temps sermona  
 Am bells exemples que nos dona  
 Per ensenyar bonas doctrinas.

Mostra que Retthorica estrenet alsunas de las  
 ditxas fillas ez alsunas de las nebodas de  
 las Flors del sieu Vergier.

- Encaras la[s] ditxas Reginas  
 4290 Eran soen en desacort  
 Am los marits, car lo gran tort  
 Que fayt havian a lurs sors  
 En bes ez en lors propis cors  
 Se retrahian entre lor ;  
 4295 La gentils e de gran valor  
 Asauta, plazens e mot rica,  
 La noble dona Rethorica,  
 La qals tractet lo matrimoni  
 Per abassar lo malencoly  
 4300 E per dar gauig ez alegrier,  
 S'en intret dins lo sieu vergier  
 E cullich de las bellas flors  
 Qu'eran de diversas colors  
 De las quals foren estrenadas  
 4305 Motas de las fillas nomnadas,  
 E las nebodas examen ;  
 Per encausar entieramen  
 La malencoliosa reuma,  
*Conjuncio* det a Na Zeuma ;  
 4310 *Ipozeuzis* gran festa fe,  
 Car hac dos bellas flors dese :  
 La una *Disolucio*  
 E l'autra fo *Disjuccios* ;  
*Anafora* trop s'alegre[t]  
 4315 Qan *Repeticio* le det ;  
*Epinalemsis* hac joy gran  
 Can vic *Conversio* denan ;  
 [F<sup>o</sup> 125, v<sup>o</sup>] *Complexios* gran gauig li fay  
 E *Conducacios* may ;  
 4320 Festa *Paranomasia*  
 Per *Agnominacio* fa ;

<sup>1</sup> Ms. *congut*, avec abréviation sur *ngu* ; plus bas on lit *conegut*.

- Omoepitotom* fort s'esjauzit,  
Car *similiter cadens* vic ;  
4325 *Similiter desinens* ara ;  
*Dialiton* so mal refrena  
Qan pren article per estrena ;  
*Antiteton* retench am si  
Contrari per flor atresi ;  
4330 *Antiteta* mot se deporta  
Qan la flor *Contencio* porta ;  
*Methafora* s'alegra trop,  
Qan ve *Translacio* de prop ;  
*Catacrexis* am gauig estrench  
4335 *Abuzio* qu'en res no fench ;  
*Metalensis* trop rica fo  
Per *Climax* e *Gradacio* ;  
*Metonomia* volc ades  
De *Nominacio* de pres ;  
4340 *Sinodoches* fort se mitiga  
Per *Intellectio* s'amiga ;  
*Parifrasis* no fo pueys trista  
Ques hac *Circuicio* vista ;  
*Allegoria* rits e gana  
4345 Qan *Permutacio* gasana ;  
*Anastrophe* roman ses ira  
Mentre que *Transgresio* tira ;  
*Iperbole* s'es alegrada  
Car *Superlacios* le es dada ;  
4350 *Ironia* per son dever  
*Exclamacio* vol haver ;  
*Paromia* tantost pren  
*Sentensa* per flor examen ;  
E veus quals foren estrenadas  
4355 Aquestas novas transformadas  
Vos declaram ses tot sofisme.

Ayç tracta dels tres vicis. Ez apres de las figuras per altra manera may's propria. E primeramen de Barbarisme.

- Primier direm de *Barbarisme*  
Qu'es una parts d'oracio  
En cominal loquicio  
4360 Estranya mot e viciosa ;  
Veus ne doctrina copiosa,  
[F° 126, v°] Si be mantas vetz l'escusam  
Per las figuras qe'y trobam,  
Car leumen escusa figura  
4365 Acostumada parladura,  
Si cum vezer poyrets ades  
Per los exemples que son pres.  
  
E primier pauzam la manera  
Qu'es de barbarisme primera,  
4370 On creix la diccio tots temps  
De letra, sillaba, de temps,  
Qan a l'accent ; ez aysso clar  
Per aquests exemples appar :  
Si pronuncias *vertudos*

- 4375 De letra creix la diccios,  
E de sillaba *guindohier*  
Per *virtuos* e per *guynier* <sup>1</sup>,  
De temps, d'accent, cossi dizias :  
*Tu hiesi fizels e bos cristias* ;  
4380 En aquell ti fas lonc accent  
Le quals es greus naturalmen ;  
E car d'un temps hom crex la salsa,  
Per so l'accens aqui se falsa ;  
Qar accens greus, segon dever,  
4385 Un temps breu ses plus deu haver,  
E l'accens greus en .II. se ferma <sup>2</sup>,  
So qu'es dig crex, mas ara merma ;  
E si vezer aysso volets,  
Aquest exemple retenets :  
4390 Qan dizes *colomier dece*  
*Mermas* la diccios de b  
E d'una sillaba *follements* (sic),  
Qan es pauzat per *folamens*,  
E d'un temps si dizes *mot bes*  
4395 *Hac en est mon Alexandres*,  
On greu per lonc hom pronuncia  
E greus en agut se desvia,  
Per que l'accens es desleals ;  
E car appar avols e fals  
4400 En tots dictats nos es escrits,  
Exceptat pero los antichs  
Que podon esser escusat.  
  
So que vezets ara mermat  
Per *Barbarisme* se desvia <sup>3</sup>;  
4405 De letra mudar pren doctrina  
Per *Belenguier* e *Catalina*,  
E de sillaba *cinch e punch*  
O qan per *honc* es pauzat *hunc* ;  
Pel mudamen d'accent prendets  
4410 Los versets que lassus havets,  
Car muda[n] se crexon merman ;  
[F° 126, v°]. So matex se fa trasportan  
D'un loc ad autre ; mantenen  
O podets vezer de presen  
4415 Si *drom* per *dorm* pronuncian  
*Translacio* de letra faen, <sup>4</sup>  
E de sillaba si *palaura*  
Pauzam per acordar amb *altra* ;  
*Granhola* garentia porta  
4420 Que *h* examen se transporta ;  
Qar barbarismes soen rena  
Las composicions amena  
Malas e greus de diccios  
Ayxi cum son *collisios*,  
4425 *Fres*, ez *hiats* e *metatisme*,  
E d'autres mots e *laudacisme*,  
Los quals en jos hom pot vezer.

#### De soloecisme

De *Soloecisme* sauber  
Vos cove la sua manera,

<sup>1</sup> Ms. *guymier*. — <sup>2</sup> Ms. *fma*. — <sup>3</sup> Il manque un vers. — <sup>4</sup> Sic ms. ; l. *fam*.



- 4430 Per que veus aysi la primiera :  
 Qui pauza bell ez albarda  
 Per bellamen e per sauseda,  
 Trop per mots o vay per estay,  
 Adoncs solocisme fay ;  
 4435 O qan dels colps hom se rancura,  
 Car per vol esta parladura.  
 A mostrar la forma segonda  
 Aquest exemple nos aonda ;  
 Am soloecisme s'arapa  
 4440 Qui dits las ordes e la papa,  
 O per est'arma pecador,  
 Car pauza sobregran error ;  
 Aquell no parla senes falla  
 Qui dits gran quantitat de palla,  
 4445 O la tenso ques has retratxa  
 Non ha trop qu'es estada fatxa,  
 O qan Bertran hac parlat pro  
 Va s'en mantenen vas mayso,  
 O presants en loch de presada  
 4450 Flors odorants per odorada,  
 Dieus qui perdona los peccats  
 Dona me joy am los salvats ;  
 Pero trops vicis escusam,  
 Car acostumats los atrobam,  
 4455 Segon qu'es estat dig lassus ;  
 Ara parlem d'Allebolus.

#### Del terç vici appellat Allebolus

- Allebolus vol dir estranya  
 Sentensa, per que s'acompaya  
 Tropus de luy que li destassa  
 4460 Lo vici ques ab luy s'enlassa.  
 [F° 127, r°]. Alleos grech es qu'estrays sona  
 E Bole sentensa nos dona ;  
 Mas per estrany deu cascus pendre  
 Inproprietats, car entendre  
 4465 Fay cuminalmen altra cauza  
 Q'om no pronuncia ni pauza,  
 Segon qu'om pot la jos trobar  
 En aquest loch devem mostrar  
 Las X sagetas cominals  
 4470 Don havem X vicis mortals.

#### De Acirologia

- Acirologia s'atura  
 Amb esta seguen parladura :  
 Tots temps hay esperansa gran  
 Que dampna Dieus amb lo Satan  
 4475 Ez hay pazor que sia sauls ;  
 O qui dehia : volps leylals  
 O negra neus o canso blancha ;  
 Perque de vici non es francha.  
 Un mot pero trobam pausat  
 4480 Per autre, car es costumad,  
 Cum trop per mot, va per esta,  
 O'l tonells per s'escorr s'esva.

#### De Caceffaton

- Cacephaton es quan laig sona  
 La diccios ques hom mensona,  
 4485 Coma garran, dada, bobas,  
 Mermamen, gorga, corr per glas ;  
 Pero d'ayso força no fam,  
 Si donques l'accent no falsam.

#### De Pleonasmos

- Pleonasmos trop vol parlar  
 Per miells ço que dits confermar,  
 4490 Coma yeu aney de mos pes  
 A Paris per que m presentes  
 Al Rey, lo qual de mos huells vi,  
 E de mas aurellas auzi,  
 4495 Qan de sa boca dis ques hieu  
 Anes manjar al palays sieu ;  
 Ez aquest parlar hom suferta  
 Per mostrar sentensa plus certa.

#### De Perisologia

- Perisologia mante  
 4500 Qui dits yeu jau mal e no be,  
 O trop soy freols e no forts,  
 Oz hieu soy vius, e no pas morts,  
 Gays ez alegres no marrits,  
 Savis e no fols, o qui dits :  
 4505 Qan yeu puesch far be yeu lo jau,  
 [F° 127, v°] E qan no puesc, hieu m'en  
 Aquest parlar es reproats [estau ;  
 E majormen en los dictats.

#### De Macrologia

- Macrologia no sofana  
 4510 La seguen parladura vana :  
 L'enbaxador qu'eran trames  
 De part lo noble Rey Frances  
 A nostre Payre Spirital  
 Son retornat a lor hostal.  
 4515 O qui dits : vist Nostre Senyor  
 O hieu, salva la vostra honor.  
 Segon alcus aquest derrier  
 Acirologia refier ;  
 Mantas vets del primier usam  
 4520 E'l derrier del tot reparam.

#### De Tautologia

- Tautologia trops mots dona  
 Per una cauza que mensona,  
 Coma : Durans ell matex canta  
 E de sas mateyxas mas planta.  
 4525 Empero, car trop es en us,  
 Aquest parlar soste cascus.

## De Eclipsis

- Eclipsis* fay qui dits : *has ne*  
*Ja ja bon jorn e bona fe,*  
*Ja Senyer be plenisonan,*  
 4530 *E cil que son d'aquell semblan ;*  
*O qui dits : quis vuella la prenga,*  
*Quis vuella per bona la tenga ;*  
*Ayso tot jorn es sostengut,*  
*Qan so que fall es entendut*  
 4535 *Cominalmen, qu'estiers seria*  
*Vicis que payrar no's poria.*  
*Abituts e conjuccios*  
*E motas proposicions (sic)*  
*Eclipsis nos te rescundudas,*  
 4540 *Las quals pero son entendudas,*  
*Coma : sus lo pas de la mort,*  
*Verges, prech vos que'm dets conort,*  
*La mi'arma vuellats deffendre,*  
*L'enemichs no la puesca pendre ;*  
 4545 *Per mal engays ni desayre*  
*No renegaray mo Salvayre.*  
*De temer, honrar ni servir*  
*No t'en pot mas tots bes venir.*  
*Als Princeps, Ducs, Reys e Marques*  
 4550 *Es le governs del mon comes.*  
 [F° 128, r°] *Li faig, las doctrinas de Dieu*  
*De Marchi (sic), Johan, Luc, e Mathieu*  
*Nos mostro la via per on*  
*Devem pujar al Cel amon.*

## De Tapinosis

- 4555 *Tapinosis* se baysa tan  
*Que fay petit de so qu'es gran,*  
*Com qui dits : gorch de la mar,*  
*O capella vol appellar*  
*Alcun prelat o servidor*  
 4560 *Cell qu'om reputa per Senyor,*  
*O qui'l Rey Marques appellava*  
*O'l Comte Cavaller nomnava,*  
*E qan tramet letras lo Papa*  
*Esta manera no'l escapa ;*  
 4565 *Humilitat enaysi col,*  
*Qar ser dells sers nomnar se vol ;*  
*Ez aytal parlar hom recusa,*  
*Si doncs per causa no s'escusa.*

## De Cacosinteton

- 4570 *Cacosinteton* ha son loch  
*E fier e ponch de son estoch*  
*Per ajustamen vicios*  
*E mal pauzat de diccios*  
*Ez aspre mot contra dever,*  
*Segon qu'om pot aysi vezer :*  
 4575 *A Jesu te companch coman*  
*Lo qual qe't prech gar de tot dan ;*

Aytal parlar tenem per va,  
 Car so que dits no pauza pla.  
*Cacosinteton* examen  
 4580 Trobam que's fa regularmen  
 En VII manieras e veus qals  
 Nomnadas per nos principals.

## De transposicio

- Transposicions* es primera  
 E fas (sic) se per esta maniera :  
 4585 *Mays val correccios uberta*<sup>1</sup>  
*Que no fay amors trop cuberta.*  
*Las diccios aysi pauzadas*  
*Vejats assats ben ordenadas,*  
*Las quals si volets transportar*  
 4590 *En esta guisa se pot far :*  
*Val correccios mays uberta*  
*Trop amors que no fay cuberta.*  
*E veus la sentensa perguda*  
*Qu'era de primier entenduda ;*  
 4595 *Per qu'om deu asejar los mots*  
*Per dar entendimen a tots,*  
*Clar ez ubert ses tot embarch.*  
*De transposicio lo carch*  
*Suffertan can es costumats*  
 4600 *E'ls primiers sens non es mudats,*  
 [F° 128, v°] *Car anronphe\* per dever*  
*Aytal parlar vol sostener,*  
*Coma d'amichs val mays la plaga*  
*Que de fals c'am baysar t'apaga ;*  
 4605 *Be pot estar per esta guisa,*  
*Can la sentensa no's cambia,*  
*Estiers seria vicios.*

## De transportacio

- Per clausulas *Transportacios*  
 Se fay, la quals es escusabla  
 4610 Qan per so non es variabla ;  
*E per que miells sauber o deja,*  
*Cascus aquest exemple veja :*  
*No blasmes lo foll am follor,*  
*Perque folls no sembles am lor.*  
 4615 Aquestas paraulas estan  
*Pro be segon nostre semblan,*  
*Las qals per clausulas sius volets*  
*Transportar en aysi podets :*  
*Per que folls no sembles am lor,*  
 4620 *No blasmes lo foll am follor.*  
*E quar per lo transportamen*  
*Hom no's depart del primier sen,*  
*Aytal parlar tenim per bo.*

## De Collisio

- Veus apres de *Collisio*.  
 4625 *Collisios* es viciosa

<sup>1</sup> Ms. *ubria*. — <sup>2</sup> Ms. *anrophe*, avec abréviation (de *on* ?) sur *o* ; *r* paraît expenctuée. L. *anastrophe*.

E contesios' e ritxosa,  
 Aspra de sillabas e dura,  
 Pesants e de greu anadura,  
 Com bells *Reys hiest e grans e nauts*  
 4630 *Larcs, francs, justs, forts, castls ez asautz;*  
 E car es de natura greu  
 Reproam del tot lo sieu treu,  
 Si mays de tres sillabas passa  
 Ez el mieig de lor no s'enlassa  
 4635 Sillaba plana viaciara  
 Ez a pronunciar leugiera,  
 Coma no fa re que far deja.

#### Del vici appellat fre

*Fres* appellats es can freneja,  
 Coma : *per ricor recusava*  
 4640 *E per rancor riotejava,*  
*O bells remells o grans Reys es ;*  
 D'aytal parlar es hom repres ;  
 Ayso pero dig es estat.

#### De hyat

Vocals denan vocal hiat  
 4645 E divers mot fay engendrar ;  
 D'ayso no cal exemple dar,  
 Car dig n'es so que s'en pot dir.

#### De metacisme

Hom deu *metacisme* fogir,  
 Car ni bell no's porta ni pla  
 4650 Denan vocal senes meja ;  
 E car es lassus estat dig,  
 Recorrets al primier escrig,  
 On ayso trobarets mays ple.

#### De laudacisme

De *laudacisme* nos cove  
 4655 Mostrar, legals es en usatge,  
 Coma qui dits : *veus bell lengatge ;*  
 Per que'l pauzam ses tot rependre.  
 Aquo matex devets entendre  
 D'autras gran re letras q'avem,  
 4660 Segon que d'ayso miells tractem  
 Lassus vas lo comensamen.

#### Dels autres vicis no principals. E primeyramen de Replicacio

Los autres vicis examen  
 Volem mostrar no principals,  
 Los quals trobam fexucs e mals.  
 4665 *Replicacios* es primera,

La qal trobam trop sobranciera,  
 Car a bell dictat clau la porta  
 Qui scienmen no s'en deporta ;  
 Greu e fexuga ret la vots  
 4670 Per qu'es desagradants a tots :  
 Car la sillaba qu'es mays...  
 E'l mot ses mieig seguen apres  
 Fay comensar, si cum vezets  
 E vezer encara podets  
 4675 Per una letra per que'ns pesa,  
 Coma : *ma mayres m'a malmesa,*  
*O : morts, malaments m'as morgut !*  
 Encaras siats percebut  
 Q'autras diversas letras so  
 4680 Amb aytal replicacio :  
*Verges jauzens, sia per vos*  
*E'l Regne del Cel glorios*  
*Karles, car cars nos era fort.*

#### Las excepcios de replicacio

A bell dictar no fay luy tort  
 4685 Qui d'esta guisa parlar vol :  
*L'angels Gabriels lo cel col ;*  
*Pons Pilat, Barthomieu March*  
*D'aquest greuig no porio luy carch ;*  
 Ni l'abituts, car no's deslia  
 4690 De son casual luya via :  
*Ayxi com la luna s'espan*  
*Creix le linatges de Duran.*

[F<sup>o</sup> 129, v<sup>o</sup>] Lo vici tenim per menor  
 Can pauza cay e'l mieig de lor ;  
 4695 E qan la fis aqui se pauza,  
 Aytal dictat hom no deslausa.  
 E d'ayso pot cascus lo ver  
 Per aquests exemples haver :  
*Dona gentils, tots jorns me fier us darts*  
 4700 *De vostr'amor que'm ponch de totas parts.*

Examen es menors encara  
 Can las sillabas ques empara  
 Mostran qualque diversitat  
 Coma *per Sancta Trinitat,*  
 4705 O quan hom dir no pot estiers,  
 Coma, *de VI sols hay mestiers ;*  
 Ez escusar se pot del tot  
 Qan se fay per dire bell mot ;  
 Li antich d'ayso foro sem,  
 4710 Per que dizem qu'en so exem.  
 Qui d'ayso huey scienmen usa  
*Paranomasia* l'escusa,  
 Si compas adretchamen sech ;  
 E d'ayso Nats de Mons usech,  
 4715 En lo vers qui dits : *la valors*  
*Reys rics romeus mas<sup>1</sup> mans millors ;*  
 Vejats per vos lo romanen.

<sup>1</sup> Ed. Bernhardt, p. XII. Ce passage-ci indique que la citation est empruntée au sirventès *La valors*, éd. Bernhardt, p. 127.

## De quax replicacio

- Ensenyar volem mantenien  
*Quax replicacio* per tal  
 4720 Que sapiats si pot far mal,  
 Qan algunas vetz passa leu,  
 E soen cay en vici greu ;  
 E q'ayso miells puecats entendre  
 Aquests versets vuellats apendre :  
 4725 *Quax replicacios se fay*  
*Qui dits : cors avinens e gay,*  
*O qui pronuncia : tot es,*  
*O : non han fag so qu'es empres.*  
 E payram vos d'aytal parlar,  
 4730 Mas qu'om del seguen mot se gar  
 Que no comense per semblan  
 Letra, car ha vici mot gran  
 Es adoncs per nos reputat,  
 Coma qui ditz : *tot es tayllat,*  
 4735 Car lajamen nos par que sona.

## De rim fayxuch

- Un autre vici qu'om mensona  
*Rim faxuch* tot jorn reproam  
 En los noells dictats que fam ;  
 Li antich no sian repres,  
 4740 Car d'ayso no curavan ges ;  
 E fam d'aquest vici deveu,  
 Car lo compas de semblan ret.  
 Pero no'l cal duptar l'arest  
 Qui sab continuar lo test.  
 4745 [F° 130, r°]. Rims fexuchs en la fi se met  
 Ez en lo mieig de tot verset ;  
 E ges la pausa no soffana,  
 Car aysi cum persona vana,  
 Que vol contrafar la maniera  
 4750 D'un gran Senyor trop ufaniera,  
 Fay aquest vicis atretal,  
 Car lo sieu verset principal  
 Vol semblar per acordansa  
 E rims pauzar d'una semblansa  
 4755 En la fi mays que no requier  
 Le compas comensats primier,  
 O que's deu segre per dever ;  
 Car si dos versets deu haver  
 D'un acord e depueys ne vols  
 4760 Tres o mays pauzar que no sols,  
 Adoncs la obra desparias,  
 Car lo compas dels rims varias.  
 Per sol ayso novas rimadas  
 Dizem que son despariadas,  
 4765 Car faxuc rim no duptan ges  
 Sol qu'en la fi no sia mes.  
 E veus mots exemples disperses,  
 Am gran re de bordonets diverses :

- Am gran cosir me fayts, Amor, languir,*  
 4770 *Per qu'eu vos prech que'm vuellats per servir*  
*E pueys estorts seray d'estas langors,*  
*Sino la morts conosch que'm pren de cors ;*  
*E ja lauzors no'us sera ni valors,*  
*Si per vos mor vostre fis aymadors.*  
 4775 *Langor, tristor, dolor e plov, tot dia*  
*Sofri per vos, car no'us vey, bell'aymia.*

- Dona plazens, de tots mos sens*  
*Vos prech que'm siats conoxens.*  
*Los mieus peccats, Dieu glorios,*  
 4780 *Me perdonats si que joyos*  
*Puesca venir lassus a vos*  
*Al Sant Regne precios ;*  
*Vas lo port cascun jorn*  
*De la mort feu un torn ;*  
 4785 *Re no veig que'm retorn,*  
*Tan es de gran sejorn.*

Pusque de rim faxuch es vist,  
 Sia de mot pesan enquist,  
 Car aysi deu haver son loch.

## De mot pesan

- Mots pesans fier ab un estoch*  
 4790 *Qu'es grius e pus amars que sueja,*  
*Car los auzents ades enueja.*  
*E c'ayso miells e clar se mostre*  
*Entendets aquest dictat nostre :*  
 4795 *Qui vol un mot soen tornar*  
*Fora de rim fay engendrar*  
*Mot pesan si doncs en lo mieig*  
 [F° 130, v°] *Dos versets al mens hom no*  
*Coma, segon nostre poder* [lieig,  
 4800 *E segon nostre pauc sauber,*  
*Dieu ajudan, nostre salvayre,*  
*Del Gay Sauber nostre vigayre.*  
*Nos play aysi mostrar a tois ;*  
 Empero tots los seguens mots,  
 4805 *Can, e, o, qar, si, que, per, vi,*  
*Habeo, sum ez atrasi*  
*Ez hom podets tornar soen,*  
*O qan se fay ab escien,*  
*O qan es necessaria cauza,*  
 4810 *Segon q'appar en esta clausa <sup>1</sup>.*  
 Dels bordonets parlat havem,  
 Perque dels rims tractar devam.  
 Rims es certs nombres de sillabas,  
 Si d'autre bordonet l'acabas,  
 4815 O qan estiers dire no's pot,  
*Coma d'or, enor, pot e pot,*  
*De mes en mes e d'an en an,*  
*De jorn en jorn, e lor semblan ;*  
 Un mot pero soen tornam  
 4820 *Qan per figuras l'escusam,*  
*Segon qu'es dejos tractat <sup>2</sup>.*

<sup>1</sup> Ms. *clausal*. — <sup>2</sup> Une au deux lettres sont effacées devant *tractat*.

**De mot tornat ; e de rim tornat ; e de pauza tornada ; e de bordo tornat**

- Encaras havem mot tornat  
Qan una diccios pausada  
Es motas vets e retornada  
4825 Am lo rim que dessus li cay,  
Si donques scienmen no's fay  
O s'en tornada no cahia  
O mot equivoc no redia ;  
Ges per compostas diccios  
4830 No tenem dictat vicios,  
Coma *tenir e retenir*,  
*Dona, perdona, mantenir*.  
E ges diversitat de cas  
Ni de temps no l'escusa pas.
- 4835 En novas rimadas havem  
Rim tornat, lo qal deffendem  
Qu'om no'l retorna luya vets,  
Sino ques al mens XX versets  
Hom pogues al mieig atrobar ;  
4840 Mot tornat li volem donar  
En so qu'es dig per compayo.  
Pauza de verset ni bordo  
No vuella retornar degus,  
Si donques C (*sic*) versets o plus  
4845 Hom no pot trobar en lo mieig ;  
En lo romans qu'om soen lieig  
Coma'l *Breviari d'Amors*,  
[F<sup>o</sup> 131, r<sup>o</sup>] *Dels Reys e dels Emperadors*,  
Tan son lonc e de gran escrig  
4850 Qu'om no'y pot gardar ço qu'es dig ;  
Mas en cas de necessitat  
Devem esser tuig escusat,  
O quan le dictayres o vol  
Per dreig compas far a son vol.

**De amfibolia**

- 4855 *Amfibolia* te lo cep  
De sen duptos ab que decep,  
Coma cell q'ab mi s'es dinats,  
*Mal pro li fassa, n'es anats*.  
D'aytal parlar degus non usa,  
4860 Per so qu'en aquell hom no musa,  
Si donchs scienmen non fasia  
(Car adoncs escusats seria)  
O quan tot jorn es en usatge,  
Coma *yeu faray mon viatge*  
4865 Mas que sol Dieus me gar de mal.

**De empost liamen de diccios**

Un cayrell ha grieu e mortal  
Aspre, dur e fort e punyen  
Appellat *empost liamen*  
De diccios, car soen pauza

<sup>1</sup> C'est-à-dire: *carbe* et *carbo*. — <sup>2</sup> Ms. *nolan*.

- 4870 Divers sen que man home laua  
Si que fay musar ez atendre  
En als de so qu'om deu entendre ;  
E q'ayso miells cascus entenda  
En aquests dos versets entenda :  
4875 *Car be volia Mantellina*  
*Aytan com fasia Maurina*.  
Aquest parlar cascus encausa  
Per so qu'en dupte no s'en lausa ;  
Al mays qu'om pot hi deu fogir,  
4880 Car ges del tot no'y pot gandar,  
Coma *cascus a la mort va* ;  
E car aysi dupte no fa  
E miells no's pot dir ni pauzar,  
Vici no'y deu hom reputar.
- 4885 Encaras escusacio  
Han *car e qar e per e so*,  
Car d'aquests hom plus soen usa ;  
Empero *car* del tot recusa  
*Be* que no vol ni *bo* luy temps,  
4890 Car entre lor, qan son essemps,  
*Car be fan e car bo*<sup>1</sup> tantost.  
Dig es del liamen empost ;  
E car de sentensa duptosa  
Havem tractat e viciosa  
4895 XVII vicis vos mostram,  
Los quals en *Sentensa* trobam  
Per ço que s'en garde cascus.

[F<sup>o</sup> 131, v<sup>o</sup>]. **Dels .XVII. vicis de sentensa.**  
**E primeramen de contradiccio**

- Contradiccios* es la us  
Que de son dig pausa'l contrari :  
4900 E dam vos aquest examplari :  
  
*L'amors qu'ieu port a midons es entiera*,  
*Qar proceig de bona voluntat ;*  
*Mas decebuts soy per may de meytat*,  
*Car fencha m'es d'amar e mensongiera*.  
4905 *Per que tot jorn l'amor qu'ieu l'ayse merma*,  
*Car per amor ella no la'm*<sup>2</sup> *conferma*,  
*Ez on mays es vas mi de brau respos*,  
*En amar leys soy may volunteros*.  
  
*Contradiccios* es aysi.

**De separacio**

- 4910 *Separacios* atresi  
Volem que sia conoguda,  
Car la sentensa ret cornuda  
E de las cauzas comparansa  
Fa que non ha luya semblansa.  
4915 E c'ayso plus clar vejats ara,  
Aquest exemples ho declara :

*Aysi matex qo'l fruyts agensa  
L'arbre qan es vertis e fullats,  
Hay en mon cor gran penedensa,  
4920 Car per midons no soy amats.*

*E que d'ayso mays siats certs,  
Veus exemplari mays cubert :*

*Ergulls es rasits de tots mals,  
Per qu'ieu vos prech ques ab los sauls,  
4925 Verges, me prendats sus el tro,  
En la celestial mayzo.*

*Aytal parlar cascus refuta,  
Car dur cor ha grosier e ruda  
Qui vol ni mante ni rahona  
4930 Parlar ses conclusio bona.  
E veus separacio ditxa.*

#### De vana digressio

*Vana digresios escritxa  
Es ayxi que tots temps varia  
Sa thema per aquesta guia :*

*Mays pot valer vezis promdas  
4935 Que frayres ni cosis lunyas,  
Per qu'om deu servir ez amar  
Sos bos vezis e tener car  
Ez en lors negocis valer  
4940 Ez ajudar de son poder.  
Car de clercia naix valors,  
Nobleza, fis prets e lauzors,  
Amors es bona voluntats  
De la qual nos ha Dieus amats,  
4945 Ez apparech qan, a gran tort,  
Volch per nos soffrir cruzel mort,  
[F<sup>o</sup> 132, r<sup>o</sup>] Don son delit nostre peccat ;  
Per qu'om deu voler caritat,  
Car el Cel es de Dieu vezina ;  
4950 Ell mateix nos dona doctrina  
Que luy n coma Senyor honrem  
E de tot nostre cor amem.*

*Aytal sentensa re no val  
Qan la materia principal  
4955 En re pauc ni pro declara  
Ez appar en so qu'es dig[ara]  
Qan ditz que de Clercia naix ;  
Pero tant vol portar lo faix  
Del principal fazen ajuda.  
4960 Per embasis es sostenguda,  
So es per digressio bona ;  
L'exemplis dessus nos ho dona,  
En ayso que dits amors es  
Per qu'om no la sofana ges ;  
4965 Car d'amar l'exemples comença  
E mostram ques amors l'agensa  
El dona mays clar az entendre.*

#### Del stil mudat

*Estil mudats vuellats apendre,  
Que vol en sos comensaments  
4970 Paraulas tots temps excellens,  
Cum si volia dir gran faig,  
Pueys caix soptamen en trop laig ;  
Car de sentensa gran e nauta  
En trop humil dexten e sauta ;  
4975 E que plus clar vejats la cauza,  
Veus un exemple qu'om vos pauza :*

*L'alteza de la Deytat  
Provesich per sa gran bontat  
Al mon tot<sup>1</sup> de gran perill  
4980 Can trames en terra son fill  
A pendre carn de la Vergena,  
Per deliurar home de pena ;  
Per lo qual, Senyer, pregui vos,  
Mas juntas e de genollos,  
4985 Que vos pietat e merce  
M'ajats e m fassats algun be.*

*Veus l'estil naut mudat en bas ;  
E car amduy no so d'un bras,  
Non pot hom far bon edifici.*

#### De Iteracio

*Iteracios autre vici  
4990 Engendre, le qals mays enueja  
Quel terç jorn no fa vents ni plueja ;  
Una sentensa retornar  
Iteracio fay, pauzar  
4995 Pero per declaracio  
Pot haver escusacio ;  
E soen per motas figuras  
[F<sup>o</sup> 132, v<sup>o</sup>] On poyras, si del sauber curas,  
Ayso trobar plenieramen,*

#### De foravertat

*Foravertat deu examen  
5000 Cascus en los dictats fugir,  
Si trufan no s'en vol cubrir.  
Foravertats es qui dizia  
Ques az en sus l'ayga corria,  
5005 O ques hom sos camps semenés  
Enans que ls mogues ni ls ares ;  
Pero, car pauso lo contrari  
Son agradan li reverssari,  
Mas que faig sian per dever.*

#### De error

*Error no deu hom sostener,  
5010 Cossenten per faig ni per dig,*

<sup>1</sup> Ms. *toc* (ou *tot*?) avec une sorte d'abréviation audessus de o. L. e *tolc*? ou *tocat*? cf. *Leys*, éd. G. A., III, 118: *al mon pauzat en gran perill*.

- Ni per solas, ni per escrig.  
 Error es qui dits luya re  
 O pauza contra nostra fe ;  
 5015 Perque dictats ques ha luy toc  
 D'error deu esser mes el foc ;  
 E veus error aysi rebosta.

## De desonestat

- Desonestats* sia rescosta,  
 Perso qu'en luy dictat no's pauza  
 5020 Ni's met, ne apparer no s'ausa.  
 Aquells fay deshonestats dictats  
 Qui dits e langots e viltats,  
 Os alcun do no drechurier  
 O desconvenable requier,  
 5025 O de ley on amors l'aresta  
 Demanda causa desonesta,  
 Coma baysar os autre do  
 Qu'es a peccat occasio.  
 Car mantenen amors defall  
 5030 Qan peccats sobre le assal,  
 Car d'amor es grans enemiga.

## De maldig especial

- Maldig especial* no diga  
 Qui no vol esser deceubuts  
 En sos dictats e mal volguts ;  
 5035 Pero qan es en jeneral,  
 Sostenem lo coma leal  
 Per xastiar d'alcunas gens.

## De jactansa

- Jactansa* trop es desplazens,  
 Car en sos dits es gaboliera,  
 5040 Per qu'es als savis esquerriera.  
 Degus doncs no's deu trop gabar  
 [F<sup>o</sup> 133, r<sup>o</sup>] En sos dictats ni trop lauзар,  
 Car lauzors en autrui loc crex  
 E decay en lo sieu matex ;  
 5045 Qui de sa boca trop se lauза  
 Miells fora que la tingués clausa ;  
 Car hom que sa lausor declara  
 L'envileisis e la mascara ;  
 E veus *jactansa* que finis.

## De sobre lauзар autri

- Sobrelaus* aysi proceis :  
 E per qu'om miells gardar s'en deja,  
 Son proces en aquest loch veja :  
 A sos dictats gran vici dona  
 Qui lauза trop altra persona.  
 5055 *Sobrelaus* hom pero retrayre

No pot de Dieu, ni de sa Mayre ;  
 E qu'om dictats fassa pus nets,  
 Sobrelaus mostram per versets :

- Bells Senyors, suaus e benignes,*  
 5060 *Humils, asauts, de tots bes dignes,*  
*De beutats passats Absalon*  
*E de fortaleza Sampson ;*  
*Plus savis ets que Salamos*  
*E mays entendants que Platos ;*  
 5065 *Aristotil sobremuntats ;*  
*Tan ets per subtil reputats*  
*Plus apres est que Socrates,*  
*Ni clerics que de mayre nasques.*  
 5070 *Mays de bes son en vos asis*  
*Qu'en degun Sant de Paradis.*

- Aytals lauzors es viciosa*  
*E massa grans e trop pomposa,*  
*Car autras lauzors honorables<sup>1</sup>*  
*Pot hom dir, e mays covenablas*  
 5075 *Si be son vistas ufanieras,*  
*Car del tot no son vertadieras,*  
*Coma qui dits : Senyer, vos ets<sup>2</sup>*  
*Savis, cortes e mot discrets*  
*Ez avinens e drechuriers*  
 5080 *En fayts ez en dits vertadiers,*  
*Mot poderos ab gran riquesa,*  
*Prezats e temuts per nobleza,*  
*Suaus, humils e conexents,*  
*Francs, liberals, pros e valens,*  
 5085 *Gays e joyos es avizats,*  
*Alegres, ardis e temprats,*  
*Garnits de bon sen natural*  
*E de tots bos aps atretal ;*  
*En vostres fayts ets valeros*  
 5090 *Ez a tots que may gracios.*

- Pero, car acostumat es,  
*Mi dons es la pus bella res,*  
 [F<sup>o</sup> 133, v<sup>o</sup>] Pot hom dir, *que jos, ne ja sia,*  
 Car Dieu e la Verge Maria  
 5095 E'ls Sants e las Santas exemps  
 D'aytal parlar volem tots temps.  
 E soen aytal parladura  
 Sostenem per .I.<sup>a</sup> figura  
 Qu'es *Yperbole* mensonada,  
 5100 Qan trobam qu'es acostumada.  
 E veus d'aquest vici la fi.

## De Verbozitat

- Verbozitat* havets aysi :  
 Qui longas paraulas espan  
 Ses necessitat que no fan  
 5105 En verbozitat vol cazer  
 Segon q'aysi pot apparer :

<sup>1</sup> Ms. *honorabls*, avec abréviation de *e*, mais au vers suivant : *covenablas*. — <sup>2</sup> Du vers 5077 au v. 5092 inclus se trouve une accolade dans le ms.

- Car Senyers, sapiats que l'autrier,  
Can hieu parti de Montpeslier,  
Per anar dreig a Tolosa,  
5110 Trobey la via trop fangosa ;  
Pero gayre no m'o prezava,  
Car trop bon roci cavalcava.
- En un castell, pres d'un estany,  
Qu'om dits ques ha nom Cabestany,  
5115 Vengui jazer lo segon jorn,  
On fuy servits am gran sejour ;  
Mas depuys a pagar l'escot  
Fuy mescomptats per .I. arlot,  
Si que los sills me fe ronsar  
5120 Qan vench a mon escot pagar.
- Vas Cabessac presi'l cami  
Cavalgan e qan fuy aqui  
D'un bell vi clar l'oste'm mostret,  
Mas al liurar lo'm camiet ;  
5125 Qaix l'atrazia de color,  
Mas divers era de sabor,  
Sabem disch<sup>1</sup> que per sa villat  
Del milhor m'avía liurat,  
O que ja Dieus pro no'l tingues  
5130 O'l fochs Sant Antoni l'ardés ;  
Amen, car per cert ben mentich.
- E puy vau m'en am cor inich  
A Carcassona cavalcan ;  
E qan vench al solell colgan,  
5135 Hieu fuy per l'osta receubuts  
Am bells dits ez am grans saluts.  
Empero ges no ieys del cor,  
Car trop me vendech oltra'l for  
La liuraso de la civada ;  
5140 Enqueras no's tench per pagada,  
Car trop me falsat la mesura  
Si be la viella de perjura  
[F° 134, r°] Jurava que mon dreig havia.
- E l'endema tengui ma via  
Si qu'en l'ostal qu'es pres del barri  
5145 Hostaley de Castelmoudarri ;  
Ez us macips del hostalier  
Ades m'aportech mieig quartier  
De moto per obs de sopar ;  
5150 Pero dos tants m'en fe pagar  
Que no'l compret, si be jurava  
Que per cert aylant li costava.
- E pueys qan vench a l'endema,  
Tengui mon cami bell e pla  
5155 E vengui la nuyt a Tolosa ;  
Am cara plazen graciosa  
Fuy receubuts e gen servits  
E de tots aquests fraus gaudits.  
E fau vos sauber atretal  
5160 Qu'ieu elegit hay bon hostal,

<sup>1</sup> Lire: si be'm dic ; cf. Leys, éd. G. A., III, 132.

- Savi doctor, bos compayos,  
Subtils e d'apendre curos.  
Entro mieja nuyt os entorn...  
Vuell apueys aprendre tot jorn ;  
5165 E vull que sapiats atresi  
Ques hieu me levi gran mayti  
Vau a l'escola volentiers  
En tan que'y soy ab los primiers,  
Ez enaysi fau mon poder  
5170 D'apendre mayti nueig e ser.  
Dieus per sa bontat vos ajut,  
E vos do joy e gran salut.
- Aysi podets vezer qu'om pauza  
Gran re de paraulas ses causa,  
5175 E qui les escriu o las manda  
Sembla ples de fadessa granda ;  
Car abastava que dices  
Per esta guisa sis volgues :
- Fas vos saber, Senyers, qu'ieu hagui  
5180 El cami gran treball e lagui,  
Molts perills passats e greus mals ;  
Soy a Tolosa, sas e sauls,  
Dieus ajudans e soy tot dia  
Am mot honesta companyia,  
5185 Al miells que puesch estudian  
E mas escolas frequentan.  
Jhesu Xrist vos do bona vida,  
Qui sos clamants en tots fayts guida.
- Verbositat no vuellats doncs,  
5190 Car dictats pauza massa loncs  
E gran re paraulas ses fruiç.

### De ambiguitat

- Ambiguitat sapiats tuig,  
Car tot dictat ret vicios  
Per lo sen que pauza dubtos.  
5195 [F° 134, v°] E naix aquest vicis ades  
Qan amphibolia l'es pres,  
Segon q'avem lassus mostrat,  
E per exemples declarat,  
On finalmen vos remetem.

### De brevesa

- Brevesa soen reprendem,  
Car la sentensa ret escura,  
Don cascus mantas vets rancura.  
Coma : yeu vos pregui per Dieu  
5200 Pesets d'un gran negoci mieu.  
Lo fayt d'Estort, mon compayo,  
5205 Vuellats procurar a son pro.  
Causa per so qu'es divulgada,  
E cominalmen recitada,  
O manifestamen saubuda,



- 5210 Evidens e per fe cresuda  
Pot hom pausar coma notoria  
En breus mots per haver memoria,  
Coma : *Dieus es al mon venguts*  
*Del Sant Esperit concebuts*  
5215 *E de la Verge Mayre nats,*  
*Sots Pons Pilat crucificats,*  
*Morts, sebolits e volch dexendre*  
*Als Inferns per los sieus deffendre,*  
*Ez al terç jorn resuscitech*  
5220 *E sus els Cels pueys s'en pujec ;*  
*E car estat era promes,*  
*Lo Sant Esperits Dieus trames*  
*Als sieus en semblansa de foc.*

## De generalitat

- Generalitats en tot loch*  
5225 *Pausa sen confus ez escur ;*  
*E que miells ne siats segur,*  
*Veus un exemple general,*  
*Per demostrar que re no val :*  
*Us homs es morts d'una companya*  
5230 *E pecejats per gent estranya ;*  
*E veus generalitat ditxa.*

## De transposicio e vulgar

- Transposicions es escritxa*  
*Lassus en autre loch, per que*  
*Vulgar vos demostram dece*  
5235 *Per lo qual so qu'es prepausat*  
*Cominalmen es menysprezat ;*  
*E car es trop comus a tots,*  
*En re no play la sua vots.*  
  
*Vulgars appar totas vegadas*  
5240 *Qui dits paraulas divulgadas,*  
*E trop comunas examen*  
*Per so que son prepausamen*  
*Puesca d'aquellas proseguir*  
*[F° 135, r°] E declarar ço que vol dir ;*  
5245 *Las quals no redo volentos*<sup>1</sup>  
*Home per auzir ni curos ;*  
*Car en re no son inductivas*  
*Ni dels ausens excitativas,*  
*Coma : per Dieu serets tuig saul,*  
5250 *Mas que be fassats e no mal ;*  
*Qui be fara be trobara.*  
*Aytals exemples cascus ha*  
*En gran menysprets dece que'ls au,*  
*Si que ses aurellas hi clau*  
5255 *En so que pus auzir non vol,*  
*Ans leumen cascus dire sol :*  
*Aytan sen, dixera, n'agras*  
*Us homs fantastics e fadas*  
*E ses bo sen e ses maniera.*  
5260 *Aras havem ditxas a tieria*

- Las X sagetas cominals*  
*Am que fassiam trop de mals*  
*Le Reys appellats Barbarismes*  
*E sos companys Soloecismes*  
5265 *A las Reginas desus ditxas.*

## De las XIII fillas que Soloecismes hac de sa muller, Na Mataplasmus

- Set per II vets fillas escritxas*  
*Poyra trobar aysi cascus,*  
*Las qals hac de Metaplasmus*  
*Soloecismes sos marits :*  
5270 *D'aquest sauber veus ne la una,*  
*E pueys ausirets de cascuna,*  
*Si com per orde les trobam.*  
  
*Protesis primier declaram,*  
*Que trastuig per tuig vol pausar,*  
5275 *Car tots temps crex al comensar ;*  
*E naut per aut requier encara.*  
*Epenthesis lo mieig empara*  
*E crex aqui totas sasos,*  
*Coma genoyer, vertudos,*  
5280 *Per vertuos e per gonier (sic).*  
*Paragoges la fi requier*  
*E pren creximen tota via,*  
*Coma qui vesentre dehia*  
*Per vesen e dire per dir.*  
5285 *Afferesis tots temps ferir*  
*Vol lo comensamen de mot,*  
*Tollen coma tecat e bot,*  
*Per nebot e per entecat.*  
*Sincopa reig lo mieig raubat,*  
5290 *Coma follmens per follamens.*  
*Veus Apocopa qu'es mordens*  
*La fi coma per salve saul.*  
*[F° 135, v°]. Aytal parlar coma leal*  
*Prendem, can es acostumat,*  
5295 *O sia loncs os abreujats*  
*En qualque part de diccio.*  
  
*Extasis Diascole so*  
*A nos d'ocasio mot greu,*  
*Car fan allongar so qu'es breu.*  
5300 *Per que nos huey las esquivam ;*  
*E veus exemple que'us pausam :*  
*Perforsa t'en que tots temps sias*  
*Verays e catholics cristias ;*  
*E veus ti greu qu'es aysi loncs*  
5305 *Per que'l sos es braus ez enbroncs ;*  
*Ez as rema greus qu'es aguts.*  
*Ayso clar es als entenduts,*  
*Perso qu'es dig en l'exemplari.*  
  
*Sistoles fay tot lo contrari,*  
5310 *Car so qu'es lonc fa breu tornar ;*  
*Ez aysi podets ho trobar :*

<sup>1</sup> Ms. *volntos* avec abréviation traversant l.

- Si vols haver lo cor subtil,*  
*Au ez apren d'Aristotil.*  
 Veus to qu'es loncs en greus tornats  
 5315 *E til greu en agut mudats.*  
*E car l'accens lajamen sona,*  
*Dizem ques huey gran vici dona*  
*En los dictats noells qu'om fa.*  
*Dieresis tots temps nos da*  
 5320 *D'una sillaba dos, per que,*  
*Si costumats es, payra se,*  
*Coma si disets Mathieu*  
*De tres sillabas; pero yeu,*  
*Dieu, mieu, tieu, sieu, e lor semblan*  
 5325 *Una sillaba ses plus han,*  
*Cascu pero pausat per si.*  
*Sineresis se met aysi*  
*Que vol dos sillabas en una,*  
*E letra non esta deguna*  
 5330 *E d'aytan si vo'n donats seyn*  
*L'atrobam de sincopa lueyn,*  
*Coma cambiats es de tres*  
*E per dos sillabas es mes;*  
*E si l'abreujar es en us,*  
 5335 *Repandre no'l vuella degus,*  
*Coma car sia, tu sias, vos siats,*  
*O sian, o sian pronunciats.*  
*Pero mays no es bella causa*  
*Qui per dos sillabas las pausa,*  
 5340 *Coma siats, sia, sian.*  
*Dos mots examen atrobam*  
*Pausats en I, coma II quens,*  
*Quems e <sup>1</sup> quens e ques examens,*  
*E mes e quet e trop d'aytals.*  
 5345 *Ez es l'ajustamens leals*  
*[F<sup>o</sup> 136, r<sup>o</sup>] Qan loncs usatges no'l sofana.*  
*Veus Sinalimpha que nos pana*  
*Del mot la derriera vocal,*  
*Coma: de bon'amor coral*  
 5350 *Cascus deu amar payre e mayre.*  
*E si be s'esbeu al retrayre,*  
*Segon art vol esser escritxa,*  
*E car soen vezem que tritxa*  
*Mants homens (sic) al pronunciar,*  
 5355 *Per so que no'ls fassa pecar*  
*Es trop miells si no l'escrivem.*  
*Olipis trobar no'l podem*  
*Ques haja loch segon romans.*  
*Trop le Metacism es pesans*  
 5360 *Perque m denan vocal osta,*  
*Car ges no vol aytal riosta*  
*Arts de romans ni de lati.*  
*Antitesis vejats aysi*  
*Que letra per altra cambia*  
 5365 *En un loc coma qui disia:*  
*Onta per anta, unch per onch,*  
*Arda per arna, punch per ponch,*  
*E bulch per bolch e dit per det.*  
*Ez aytals mots hom vos permet,*
- 5370 *Qan loncs usages los comporta.*  
*Methatesis d'un loc transporta*  
*Ad altra letra coma craba;*  
*Aquo matex fay de sillaba*  
*Coma balizi <sup>2</sup> ne doram (sic);*  
 5375 *E d'aquest soen nos payram*  
*Qan lonc usatges lo soste.*
- XXIII sillabas (sic) nos cove  
 De Soloecisme pausar  
 En aquest loc e declarar  
 5380 *Ques hac de sa muller que fo*  
*Na Scema, sor d'oracio.*  
*Tractem de Prolemsis ades*  
*E de las autras en apres.*  
*Prolemsis lo plural cabisch*  
 5385 *E pueys en parts lo divisisch,*  
*Coma: cantem de bell compas,*  
*La us nautet e l'autre bas.*  
*Dos auzells volans vey pel mon,*  
*La un d'avall, l'autre d'amon;*  
 5390 *O qui dits: enplegadamen*  
*Parlat han cascus follamen.*
- Zeuma gran re causas abraza*  
*Las quals ab un sol verb enlassa,*  
*Coma: lauzor, honor e gloria*  
 5395 *Hajats vos, Reys de gran victoria.*  
*Bertran s'enardisch e Guirauts*  
*Vos fayts mas non ges tuiq grans sauts <sup>3</sup>;*  
*Pons o Guillems a gramaig bru;*  
*Hieu estudiay miells que tu.*  
 5400 *Ucs se governa coma Reys.*  
*[F<sup>o</sup> 136, v<sup>o</sup>] Vos no saubets ni yeu las leys;*  
*Degus no canta sino hieu.*  
*E veus de Zeuma lo torn sieu,*  
*Li qal van qaix per una corda.*
- 5405 *Conjunccios ab luy s'acorda,*  
*So es una colors molt richa*  
*Que'l det madona Rethorica;*  
*Gran re de causas vol ab si*  
*Ab un verb com vezets aysi:*  
 5410 *Avols aysina fay peccar*  
*Ez avers soen follejar.*
- Ipozeusis vol manta causa*  
*E te d'un verb cascuna clauza;*  
*E car no cura d'autra mescla;*  
 5415 *Luy temps copula no s'i mescla.*  
*La color de la sua flor*  
*Que'l det la dona de valor*  
*Es Dissolucios, que sap*  
*Mantener aquest primer cap,*  
 5420 *Fazen de Zeuma lo contrari.*  
*E par en aquest exemplari:*  
*Vertats decay, falsetats s'enantisch,*  
*Enveja creys, caritats desparisch,*

<sup>1</sup> Sic ms.; 1. quem e (que'm e). Au vers suivant lire m'es et que't. — <sup>2</sup> L écrit au-dessus d'un premier z: bazizi. — <sup>3</sup> Ms. sants.

- 5425 Cobetats corr, franqueza fort s'estanca,  
Lealtats mor, engans per tot s'afranca,  
Dretxura fuig, tort s'es mes en caydera.  
E fa se per altra maniera  
Qu'es trop ad alcus mays comuna,  
Can senes copula deguna  
5430 Us nominatiu mots verbs lia.
- Disjuncçios aquesta via  
Sec del tot e fo li donada,  
Car es flors bella coronada,  
Coma : deffenda, salva nos  
5435 La virtuts de Dieu glorios.  
Ayso mateix vos demostram  
Per aquests versets que pausam :  
Dels Cels Jhesu Xrist dexendet  
El cors virginal s'aombrat  
5440 Don nasquet gloriosamen  
Ses tacha, ses corrompimen ;  
D'infern vensech los enemichs  
Don traix prozaments sos amichs,  
Los gais menet ab gran victoria  
5445 Sus el cel en la sua gloria.
- Silensis ab un verb arrapa  
Dessemblants causas jos sa capa ;  
E podets ho vezer en jos :  
Silemsis es concepçios  
5450 De gendre, nombre, de persona.  
E veus exemple qu'om vos dona  
De gendre : Pons e Na Bellvis  
[F° 137, r°] Son li plus bell d'aquest pahis ;  
De nombre : Hucs e Sanc despendo,  
5455 Isarns ez Olivers aprendo ;  
E de persona retenets  
Aquest exemple que vezets :  
Hieu e tu dousamen cantam,  
Hieu ez Anthonis disputam.  
5460 Tu gayamen e cells cantats,  
Tu de fi cor ez Hucs amats.  
Davids e'l savis Salamos  
Dero mants ensenyaments bos.  
Soen trobam nominatiu  
5465 Qu'en aysi concep ablatiu :  
Eymerich ab sa muller canta,  
Bertran li respon ab l'enffanta.
- Ez anadiplosis la fi  
Pren al comensar enaysi :  
5470 Vergiers, sendiers verays e pons,  
Pons de salut e clara fons,  
Fons de purtats e vera dots,  
Dots que'ls pecats deneja tots,  
Tots nos guidats, Verges Maria,  
5475 E mostrat nos del Cel la via.  
Anafora torna soen  
Un mot en lo comensamen ;  
Qan Rethorica l'estrenet  
Repeticio li donet ;
- 5480 Ambas son asaut d'una sort  
E vejats aysi lor acort :  
  
Amors fay home gay e pros,  
Amors l'aman ret coratjos,  
Amors viu ab alegretat,  
5485 Amors fay del estrayn privat,  
Amors noyris e dona forsa,  
Amors en abteza s'esforsa,  
Amors agensa tota res,  
Amors dits qu'om sia cortes,  
5490 Amors vol home franc e larc,  
Amors troba<sup>1</sup> tot carc,  
Amors conserva joventut  
Amors a tots dona vertut,  
Amors fay patz de manta guerra,  
5495 Amors enclina'ls cels en terra,  
Amors los coratges ret fis,  
Amors duts hom a Paradis
- Per clauzas se fay atresi  
E podets ho vezer aysi :  
5500 Dieus nos creet, Dieus nos da vida,  
Dieus nos rieig tots, Dieus nos da vida,  
Dieus benesisch, Dieus santifica,  
Dieus viure fay, Dieus fructifica.  
Am coblas procezir podets,  
5505 Per esta forma si'us volets,  
Ez es de major agradansa  
Segon q'appar en esta dansa :
- [F° 137, v°] Bos saubers joyos<sup>2</sup>  
Me fayts e baudos  
5510 De mor agradiva.<sup>3</sup>
- Bos saubers me fay  
Lo cor gay  
Car veray  
Prets ha d'onor ;  
5515 Belazor no say  
Don morray,  
S'ieu non hay  
Breumen s'amor.  
Ay cors gracios  
5520 Luy altra ses vos  
No m'es agradiva.
- Bos saubers tan es  
Gays e ples  
De tots bes  
5525 Qu'en sa prezo  
M'a liat e pres  
E conques  
Tan que res  
Dar gariso  
5530 No'm pot mas vos, pros,  
Am cor valeros,  
Plazens agradiva.

<sup>1</sup> Suppl. leugier, d'après les Leys, éd. G. A., III, 162. — <sup>2</sup> Leys, éd. J. Anglade, II, 146. — <sup>3</sup> Sic ms. ; l. d'amor.

- Bos sabers me part  
Ab .I. dart  
5535 D'un regart  
Que'm fe l'autrir ;  
Tan que no's depart  
De la part  
Vas on art  
5540 Amors e fir (sic),  
Be'm fayts desiros,  
Gays cors amors,  
Tant etz agradiva.
- Bos saubers gaujos  
5545 Fora mot s'ieu fos  
Am vos agradiva.
- Epinalensis tots temps sap  
En la fi replicar lo cap  
E perque miells vos recordets  
5550 Pausam vos aquests bordonets :
- Amem lo Rey del Cel, amem,  
Adorem tuig Dieu, adorem,  
Redam lauzor a Dieu, redam,  
Tengam sos mandamens tengam.
- 5555 E per amor que fos mays rica  
Tres flors li donet *Rethorica*  
De color diversa cascuna ;  
E es *Conversios* la una,  
*Complexios* es la segonda,  
5560 Que vas doas parts tots temps sobronda;  
*Conduplicacios* diversa  
Es trop, car en tot loch s'esmersa,  
Tant es de diversa maniera.  
*Conversios* es la primera  
5565 Que vol en la fi replicar  
Un mateysh mot e retornar ;  
Lassus en cobla retronchada  
La sua forma vos es dada ;  
E vejats so qu'en havem dig  
5570 E seguetz del tot son escrig.  
[F° 138, r°]. Si be d'aysi deshen e naysh  
*Complexios* en dos locs paysh ;  
Al cap vol un mot repetir  
Ez autre soen al finir ;  
5575 O mays cobla duplicativa  
Vos donam per declarativa,  
La quals podets lasus vezer.  
*Conduplicacios* sezer  
Vol say e lay ez en tot loc.
- 5580 Cobla desfrenada lo joc  
Mostra de son retornamen ;  
Lasus pero d'aysi deshen <sup>1</sup>  
E per so lay vos remetem.  
Los retornamens ques havem  
5585 De las diccios suffertam,  
Qar per aquells miells demostram

<sup>1</sup> L. d'aysso dissem ?

- La nostra gran affeccio  
E major excitacio,  
Allegan, repندن, lauzan,  
5590 Escarnen o vituperan.
- Epizensis* ad una ma  
Un mot retorna ses meja,  
Per gran affeccio mostrar  
O so que dits miells afermar.  
5595 Estiers *Nugacios* seria,  
Coma : *cavals, cavals corria*.  
*Lasus* affectuosa cobla  
Mostra per qal maniera dobla  
*Epizensis* .I. mateysh mot,  
5600 La qual tener volem del tot  
Aysi cum la veyrets escritxa  
Per la razo qu'es dessus ditxa ;  
Pero d'aysi preza l'avem,  
Si be lassus vos remetem.
- 5605 *Paronomazia* se fay  
Per dos vocables o per may  
Diversamen significans,  
Al cap oz en la fi semblans  
O qaysh, si cum dejos veyrets.  
5610 Del sieu compas es mantas vetz  
*Agnominacios* que'l det  
La dona que la patz tractet ;  
E qar hom miells per fag s'aviza,  
Dam vos yshemple d'esta guiza :
- 5615 *Corta* yiest, *cortz* de tota cortezia,  
*Car* de cortes descortes fas tot dia,  
*Menten, meten, prenden* am desmezura,  
*Perden, pendén, soven* ses forrachura,  
*Donan tal dan dampnan* ez absolven,  
5620 *E can ques fan paubres li rich manen ;*  
*A son gran greug de si meteysh se pleja*  
*Qui longamen, cortz, vostre cors corteja.*
- Si be regardats aquest pas,  
[F° 138, v°] *Replicacios* en est cas  
5625 E rims fayshucs pot haver loc.  
Encaras joga d'autre joc  
*Agnominacios*, qar pauza  
Diverses cazes d'una cauza  
O de gran re los qals a tiera  
5630 Ordena per esta maniera :
- Dieus* es Senhors de tota re,  
*De Dieu* la vertutz nos soste,  
*A Dieu* lauzor donatz e gloria,  
*Dieu pregatz* que'ns done victoria,  
5635 *Dieus* Senhor, garda nos de mal,  
*Dieu ajudan* tug serem sal.
- De motas cauzas atresi  
Trobam que's pot far enaysi :

- 5640 *L'emperadors es bells e gays ;  
Del noble Rey sia'l palays ;  
Al comte donarets Savoya ;  
Lo duc recebrets am gran joya ;  
Marques, parlats cortezamen,  
Lo Senescal del Rey presen.*
- 5645 *Scesinomatou soen meysh  
Diccios qays d'u sen meteysh  
E oracios mantas vetz.  
E vejats ho que no'y doptetz :  
Per greu temps e mal e salvatge*
- 5650 *Aspre, dur ni per gran auratge  
De vens, de neus, ni de grans freytz  
No soy tan atenchs ni destreyntz  
Qu'ieu mon cor non haja baidos,  
Alegre moi, gay e joyos,  
Qan de midon la captenensa  
Cosir e la bella parvensa.  
Vezer podets aysi vocables  
Qaysh d'u meteysh sen acordables,  
Coma salvatge, greu e mal,  
Aspre, dur e fer atretal ;  
Aquo mateysh alegre fay  
E baidos e joyos e gay.*
- Per Oracios atresi  
Trobam que's pot far enaysi :*
- 5665 *Fals Juzieu, vos pequets greumen  
E falkitz trop malwayzamen ;  
Frau consentitz e malvestat  
E fets mot gran iniquitat,  
Cant Dieu, vostre Senhor, liuretz*
- 5670 *A mort ez en la crotz levetz.  
Aytal mot no son de sofan  
Can mostron afecio gran,  
O quant en acort hom los met  
D'algun principal bordonet,*
- 5675 *Coma : tostamps sias sufrens  
En los tieus faytz e paciens.*
- [F° 139, r°]. *Paranomeon s'aramilh  
Am una letra don garilh  
Los caps d'aquells motz ques ampara,*
- 5680 *Coma claramen, canta, clara.  
Lassus Replicacios mostra  
D'ayso la oppinio nostra.*
- Omoeptoton los finals mots  
Vol acordans tots temps de vots,  
Sol que del verb no sian pres.  
Del sieu resort trobam ques es  
Similiter cadens qu'es flors  
Que'l foc donada per amors.  
Omoeteleton<sup>1</sup> per fort*
- 5690 *Vol los finals motz d'un acord  
So que del verb sia lor cauza.  
Similiter desinens pauza  
Finalmen aytal acordansa ;*
- 5695 *Aquesta flor per amistansa  
Li det madona Rethorica  
E qar assats am rim s'aplica  
E l'autra qu'es ditxa dessus,  
Podem la sostener cascus  
Si rims fayshucs no romp la corda,  
Qar ab nos tostamps no s'acorda.*
- 5700 *Poliptoton diversamen  
Per divers cas torna soen  
Un mateysh mot e qui no's vol  
En son proces orde no col ;  
E cant scienmen es pazuada  
Pot esser per nos suertada,  
Si be fayhuga (sic) nos appar,  
Majormen can no pot mostrar  
Eviden excitacio*
- 5710 *O sobregran afecio  
O confirmacio major  
De blasme, dol, gaug o lauzor.  
E per que'l ver cascus ne cuelha,  
Aquest ysemple legir vuelha :*
- 5715 *Riqueza mantas vetz semena  
Los mals que paubriera refrena ;  
Donx per gran ajust de riqueza  
Hom no pot conquerre nobleza,  
Si donx cell a cuy es plevida*
- 5720 *Am vertut riqueza no guida ;  
Donx a riqueza met denan  
Vertut e non faras ton dan ;  
Qar de riqueza no valdras,  
Si vertutz l'es meza detras.*
- 5725 *Encaras estiers la primera  
Se fay per esta manera :  
Be'm par tots homs avols e fals  
Qui vol ajustar mal a mals,  
O qui plangz sobre plang dia,*
- 5730 *Pauzan divers cas tota via ;  
[F° 139, v°] E veus lo sieu derrier compas.*
- Traduccios vol lo sieu pas  
Segre, car es la sua flors,  
E fay encaras autra cors*
- 5735 *Pauzan a tort per equivoc,  
Segon que par en aquest loch :*
- Aquel me par de bona fe  
Que frau ni lunh barat no fe ;  
Midons plazens m'es e cara,  
Per qu'ieu li estau carc e cara.*
- 5740 *Si carc e cara dir vos platz,  
Diverses cazes hy notatz ;  
E ges hom no deu sofanar  
Aytal manera de parlar.*
- 5745 *Irinós tostamps es plegiva  
De construccio suspensiva ;*

<sup>1</sup> Ms. Omoeteleton.

- Ez entro que fa plana pausa  
Lendemens<sup>1</sup> d'ome no's pausa,  
La quals no es fayshuga masa  
5750 Cant XII bordos o may's passa ;  
A dictat pero no fa mal  
Si no te nom de principal ;  
E per miells esser entendut  
Yhemple vo'n donam legut :
- 5755 *Vostra beutatz, dona valens e pros,  
Don us cayrels d'amor ve que transfora  
Los fis aymans subtilmen ez acora,  
Tant es plazens ez am belas faysos,  
Am cor humil e franc e de bon ayre,*  
5760 *Qe belazor lunhs homs no pot retrayre,  
Ha tot mon cor asetiat e pres  
Per que si'us platz valha'm vostra merces.*
- Polisyntheton* ajust fay  
De tres oracios o may  
5765 Per copulativa liadas  
Si cum vezets etz ajustadas :
- Dieus salve lo Rey e deffenda  
Ez auja sos precz ez entenda,  
E'l gar de mal e'l do victoria,*  
5770 *E'l meta dins la sua gloria.*
- E lunh aytal parladura  
Non haia degus a non cura.
- Dialiton, Asinitheton,  
Del tot a Polissinitheton*  
5775 *Contrarias son en lor proces ;  
Vezer o podetz aysi pres :*
- Cantatz, alegratz vos en Dieu,  
Benezets, lauzats lo nom sieu.*
- Per outra guiza se cabysh  
5780 [F° 140, r°] *Dialiton, qar devezish*  
Una soen oracio  
En tres o may e mostran quo,  
Qar trop la red multiplicada  
Cascuna diccios pontchada,  
5785 E ges copula non acuelh ;  
Aysi vezer se pot ad uelh :
- Dieus totz verays, misericordios,  
Sans, dreyturiers, benignes, glorios,  
Am cor humil, suau, franc, de bon ayre,*  
5790 *La carn, lo mon, l'enemich fals tritxaire  
Venquet, salvan tot l'umanal linatge.*
- Articles* fay lo dreg viatge  
De dialiton, quar flor es  
La qal de Rethorica pres.  
5795 *Articles* als can tot es fag  
Non es mas us ponhs am lo[n]c trag

- Suspensius que's fay a dessus ;  
Nomnar lo sol *Coma* cascus ;  
E d'aquest mays a ple direm,  
5800 Lajos qan de membre tractem.  
Aquest parlar cove que plassa  
Salamon<sup>2</sup> qu'om non sobrefassa ;  
E car nos aquest sobrefar  
Havem lassus volgut mostrar,  
5805 Qan vos declarem la natura  
D'irinos, qu'es una figura  
La quals vol suspensiu escrig,  
Abaste vos so que n'es dig.
- Syntheton* doas oracios  
5810 En una met tota sazoz.  
Aras o mostram claramen  
E no'y fam lunh repndemen :
- Si Dieus me vol donar govern,  
No duptara mon cor ifern ;  
Hom sec tot jorn aquest sendier,  
Per que'l tenem per drechurier.*
- 5815
- Anthiteton* la un contrari  
Per l'autre vens ; per yshemplari  
Cobla vos dam contrarioza.  
5820 La sua fiors mot gracioza,  
Contraris nomnada per totz,  
Concluzio fay en breus motz,  
So que vol parlar afferman,  
Si cum vezets, o denegan :
- 5825 *Am si mateysh qui no s'ave  
Am autre quo s'avenra be ?  
Qui'ls secrets sieus vol revelar  
Los autrus no poyra celar.  
Qui no pot aysi<sup>3</sup> pro tener,  
5830 Als autres quo poyra valer ?  
[F° 140, v°] Qui ses poder es orgulhos,  
Humils cum sera poderos ?*
- E ges de tant degus no's vane  
Per que'l parlar aquest sofane.  
5835 *Antileta* sentensas pausa  
Cascuna de diversa cauza,  
Coma : s'ieu poubres fuy e fatz,  
Aras soy rix e assenats.  
E si mays yshemples volets,  
5840 Lassus a cobla recorrets.  
Diversa per nos apelada  
Contencios li foc donada  
Que sec del tot la sua part  
E ges d'aquesta no's depart :
- 5845 *Le freytz te fay tot jorn suzar  
E'l cautz glatir e tremolar.  
Tu yest en gaug trist e ploros  
Ez en tristor gays e joyos.*

<sup>1</sup> L. l'entendemens. — <sup>2</sup> Sic ms. ; l. solamen. — <sup>3</sup> L. a si.

- 5850 E si volets may's yshemparis,  
D'aquests o d'autres reversaris,  
Recors vulhats haver cascus  
A cobla reversa lassus.  
E ges degus en aquest pas  
Aytal parlar no layshe pas.
- 5855 *Antiozis* soen abauza,  
Qar .I. cas per altra nos pauza ;  
Pero del sieu compas de sert  
L'antic dictat ne son cubert,  
Coma : *la chanso ques has ditxa*  
5860 *En gran re de locs es escritxa ;*  
Qar chansos deu aver aqui.  
Li noell ne son atresi  
Per liey mantas vetz escusat,  
Can lo parlar acostumat  
5865 Trobam, coma vezets qu'om ditz :  
*El Regne Dieu s'es adormits.*  
*O tant aur, ni tan bell juel,*  
*Aytan ric fermalh de mantelh*  
*Non er donat per<sup>1</sup> filh de mayre.*  
5870 O qui dits : *per l'arma ton payre.*
- Ypallage* tot lo contrari  
Pauza tostemp's e'l reverssari,  
Coma : *fay blat de la farina*  
*Ez unple lo most de la tina ;*  
5875 *A tots la boia del vi meysh*  
*E pesca la mar en lo peysh.*  
Qui may's yshemples vol haver  
Cobla reversa pot vezer.  
*Ypallage* vas liey cossen  
5880 E *Contencios* yshamen.  
Pero qui scienmen non uza  
[F<sup>o</sup> 141, r<sup>o</sup>] Aytal parlar cascus recuza.
- Synthezis* : aquesta figura  
L'orde ques han de lor natura  
5885 Las diccios torba del tot ;  
Pero le sieus parlars es mot  
Acustumat, per que'l tenem.  
Tres filhas donar li podem :  
*Evocacios* es primera  
5890 E fay se per esta manera :
- Yeu, Peyres, auzi la lessa,*  
*E tu, Pons, lieges per ton pro.*
- Le *Peyres* qu'es tersa persona  
Al *yeu* de primera s'adona,  
5895 Qar *yeu* lo vol de sa pagela.  
*Yshamens* le *tu Pons* apella,  
Qar am sa persona l'abriga.  
De l'autra cove qu'om vos diga,  
Qar es el segon loc pazada,  
5900 *Apposicions* appellada ;  
La qals se perforça tots temps  
Que dos noms sustantius esemps

<sup>1</sup> Ms. p, avec abréviation de pro.

- Ajusta senes tot meja ;  
Aysi vezer o podets pla :
- 5905 *L'aybres amielliers es granatz*  
*E'l fruyts pomscirs assazonatz.*  
*L'erba fenolhs en l'ort verdeja*  
*E la flors viueta blaveja.*
- Aysi pot conoysher cascus  
5910 Que'l noms sustantius mens comus  
Lo may's general determena.  
La terça filha trobon plena  
Li clerc d'avol construccio,  
Per la qual excusacio  
5915 *Allego* tostemp's en apres ;  
Ez es sos noms *Synodoches.*  
Mas segons romans non ha loc,  
Si donx no joga d'autre joc,  
So es qan lo tot vol pauzar  
5920 Per la part o'l contrari far ;  
Qar adonx ha loc enaysi.

De las XIII fillas ques hac *Allebolus* de sa molher  
Na *Tropus*. E de lors nebudas que son XV.  
Ez enaysi son XXVIII.

- Demostrar las filhas aysi  
De *Tropus* e de so marit  
*Allebolus* em compellit  
5925 [F<sup>o</sup> 141, v<sup>o</sup>] E lors nebudas yshamen.

## De methafora

- Methafora* tostemp's enten  
Als que no ditz ni pronuncia ;  
E procesish per esta via :
- 5930 *Can vey los auzelos salvatges*  
*Ez alegrar ez esbaudire,*  
*E vey los prats e'ls jardins rive,*  
*Los boys fulhats e la gran mar*  
*Dels blats en epic ondejar,*  
*Adonx mon cor per la douzor*  
5935 *Del temps gay reviu en amor,*  
*Si que'm fay joyos ez alegre.*
- Translacios* vol totstemp's segre,  
Qar es flors plazens agradiva,  
Aquesta forma transsumptiva ;  
5940 Per aquest yshemple vezer  
Ne pot cascus aysi lo ver :
- Berta* del siu mantel s'aftiula (*sic*) ;  
*Ta frezols es qu'a penas miula ;*  
*E us pages rugis e brama,*  
5945 *Qan li ve mal tan fortmen l'ama.*
- Veus miula* transsumptivamen  
E *brama, rugis, yshamen.*

- Qui vol nostre proces entendre,  
*Methajora* tostemp atendre  
 5950 Vol mays al sen on se transporta  
 Que no fay en ayso que porta  
 La letra la quals mortiffica,  
 Si cum l'esperits<sup>1</sup> viviffica ;  
 E car per alguna semblansa  
 5955 En bo frug l'escorça balansa,  
 Cominalmen cascus s'en laua.
- Cathacrezis* l'autru nom pauza,  
 Qar pauc ni pro del sieu non ha ;  
 E veus yshemple qu'om vos da :
- 5960 *Lassus al cap de la carriera*  
*Teno las gens mercat e fiera ;*  
*Aquest hostals ha bella cara,*  
*Lo pe de la tor hom repara.*  
*Bertrans totz sos vezis tabusta,*  
 5965 *Qar massa beu am pot (l. poc ?) de justa.*
- Aquest parlar a totz nos platz,  
 Qan trobam qu'es acostumat.  
 Si be lo nom d'autru s'aplica,  
 Una flor li det Rethorica,  
 5970 Sos a saber *Abuzio*,  
 La quals vol la su[a] mayzo  
 Segre tos temps e'l sieu resort.
- Methalensis* es d'aytal [sort]  
 Que procezish per trop mejas,  
 5975 [F<sup>o</sup> 142, r<sup>o</sup>] Si que les sieus camis es plas  
 Per anar tost del gra primier  
 Al subseguen terme derrier.  
 D'yshemples cove qu'om vos pague,  
 Que'l proces de liey no s'amague :
- 5980 *Qui manja blat de tres arestas*  
*Miels pot sofrir vens e tempestas.*  
*De qualque vi mays beure vuelhas*  
*Beu del novell o de tres fuelhas.*
- Per blat lo pa devets entendre,  
 5985 Qar d'aquell lo vezem deshendre  
 Per grazes e per mejas motz ;  
 Qar manifest appar a totz  
 Qu'om de blat la farina tray  
 E de farina pasta fay  
 5990 E d'aqui pueys le pas dishen ;  
 Ez enaysi per consequen  
 Le pas del blat es deshendutz.  
 Enaysi meteysh entendutz  
 Per fuelha pot esser us ans.
- 5995 E ha doas flors mot agradans :  
*Gradacios* es la primera  
 Que's fay per aquella manera  
 E per aquesta devalan  
 La un mot del autre forman :
- 6000 *Lo blat hom semena primier,*  
*Pueys semenat a l'enderrier*  
*En terra nays e qant es natz*  
*Met fuelhas ; tantost qu'es fuelhats,*  
*Segon dever, ez el espiga ;*  
 6005 *Espigat, longamen no triga*  
*Que florish e, florit, pueys grana ;*  
*Si pot haver aura<sup>2</sup> certana,*  
*Granat<sup>3</sup>, madura tost ades ;*  
*Madurat, segualtz es apres ;*  
 6010 *Segat, hom lo bat<sup>4</sup> per que salha*  
*Ez yesca le gras de la palha ;*  
*Cant es batutz deu se ventar ;*  
*E, ventat, bellamen porgar.*
- E veus *Gradacios* pauzada.  
 L'autre flors *Climax* appellada  
 6015 *Yshamens* d'u mot autre pren,  
 Entro ques ha tot son enten.  
 D'aquest parlar hom tot jorn uza,  
 Per que degus ges no'l recuza ;  
 6020 E perque d'ayso no duptetz,  
 Legir podetz aquestz versetz :
- Cascus deu amar disciplina*  
*Per conquerir bona doctrina ;*  
*Qar de doctrina deshendens*  
 6025 *Es sabers e de saber sens ;*  
*De sen be far, e de far be*  
*Nays valors e de valor ve*  
*Lauzors e de lauzor honors,*  
 [F<sup>o</sup> 142, v<sup>o</sup>] *E d'onor pretz a totz Senhors.*
- 6030 Veus de *Methalensis* la forma.
- Methonomia* nos transforma  
 Los motz, quar la contenen cauza  
 Per l'autra contenguda pauza,  
 E mantas vetz per lo contrari.  
 6035 E vejats aquest exemplari :
- Servetz a pert las Damizelas,*  
*Qar manjat han las escudelas.*  
*Li nostre vi son reculhit*  
*E be celclat e referit.*
- 6040 La cauza trobans es pauzada,  
 Si cum vezetz per la trobada,  
 E per lo contrari, perque  
 Yshemples vo'n donam dece :
- 6045 *Tala sera si Bertrans mor,*  
*Qar Nat de Mons sap tot de cor.*  
*Dieus trobec la vinha primera,*  
*Santa, fizel e drechuriera.*
- La cauza fazen yshamen  
 Atrobam per lo fazemen :

<sup>1</sup> Ms. *lespits*. — <sup>2</sup> Ms. *autra*. — <sup>3</sup> Ms. *Grnat*. — <sup>4</sup> Ms. *blat*.



- 6050 *Le freyts es greus e perezos*  
*Ez a las gens trop enujos.*
- E pel contrari mantas vetz  
Se fay, segon q'ades veyretz.  
Enquers la materia se pausa
- 6055 Per la materiada cauza;  
Aysi vezer cascus ho pot  
Si'l cor non ha de saber lot :
- Can las ostz foren ajustadas,*  
*Viratz donar colps e custadas*<sup>1</sup>,  
6060 *Cavals ferir e trabucar,*  
*E cocir (sic) e'ls fres escumar,*  
*E cavalyers pros ez arditz,*  
*De ferr cubertz e gent garnitz,*  
*Ferir de masas e de lansas,*  
6065 *E trencar tetinas*<sup>2</sup> *e pansas,*  
*Ancas e costatz ez esquinas,*  
*E trencar elmes e platinas,*  
*Gornios, albercz ez escutz ;*  
*Balestras, arcs viratz descendre*<sup>3</sup>  
6070 *E volar sagetas per l'ayre*  
*E dartz ez espingulas trayre,*  
*Flamejar espazas, guizarmas,*  
*Per trayre dels corses las armas.*
- D'aquestas locucios totas  
6075 E d'autras a lor semblans motas  
Uzar poyra cascus sis vol,  
Si longa costuma las col ;  
Car estiers no son aproadas  
Las transformacios paizadas.
- 6080 Per methonomia rete  
*Denominacios per se,*  
Qar flors es que'l det Rethorica,  
[F<sup>o</sup> 143, r<sup>o</sup>] Per so qu'en fos tostemps  
E mantas vetz *Oracio* [may rica.  
6085 Am semblan transformacio  
Tira vas se fort es aclina  
Per lo nom de la plus vezina  
E de las mays promdana cauza.  
E veus yssemble qu'om vo'n pausa :
- 6090 *Veraya Crotz, datz me defensa*  
*Que l'enemix d'ifern no'm vensa.*
- Jhesu Crucificat entendre  
Deu hom per *Crotz*, qar lo Sant Vendre  
Per nos mort en aquella pres.
- 6095 *Anthonomazia* tant es  
D'auctoritat ques ad alcu  
Lo propri dona pel comu,  
Coma qui per *Verge* la Mayre  
De Jhesu Crist Nostre Salvayre,
- 6100 O per *Apostol* Paul enten,  
O per nom de *Propheta* pren  
David o *Roma* per Ciutat,  
Si'l propri non (*sic*) mensonat,  
Qar adonx loc no pot haver ;
- 6105 Estiers ayso devets saber  
Qu'om per trops motz pronunciar  
Pot lo nom d'alcu deguizar,  
Coma per cel que Dieu trazic  
Per son voler fals ez inic
- 6110 Entendem *Judas Scariot.*  
Aytal parlar payrar se pot,  
Quant hom l'enten cominalmens.
- Epytheton* los accidens  
Claramen expremish e pausa,  
6115 Li qal per lo nom de la cauza  
Cominalmen son entendut  
Segon qu'es aysi contengut :
- Glorios Dieus e merceniers,*  
*Paciens Jobs, locs drechuriers,*  
6120 *Savis Salamos e'l fizels*  
*Davidz a Dieu lo Rey dels Cels.*  
*Freja neus e nueytz humoroza,*  
*Fera tristors ez engoyshoza,*  
*Joyos alegriers e greus mortz,*  
6125 *Mala dolors ez enics torts,*  
*Vera vertutz, bona drechura*  
D'epitheton mostran figura ;  
La qals a nos es agradiva,  
Qan la trobam confermativa,  
6130 O cant es en usatge mot.
- Synodoches* pausa lo tot  
Per la part e per lo contrari ;  
E veus ne divers ysemplari :
- Amanieus es del tot calvutz*  
6135 *Ez Aymes totz blancs e canutz.*
- La grans companha qu'es venguda*  
[F<sup>o</sup> 143, v<sup>o</sup>] *Ades auran la fon beguda.*
- Lo ser qan vay jazer Serena,*  
*Rigota son cap e penchena.*
- 6140 *Yeu vi sebolir Audiguier*  
*A Paris en un monestier.*
- Be vezets la forma primiera,  
E veus aysi l'autra derriera :
- Las armes dels fills d'Israel*  
6145 *Pel cami de la mar noel*  
*Yshiro de subjeccio*  
*Del Rey d'Egipte Pharao.*

<sup>1</sup> *Tustadas ? Costadas ?* — <sup>2</sup> Ms. *cetinas*. — <sup>3</sup> Il manque deux vers. Cf. *Leys*, éd. G. A., III, 218, 220. Lire *destendre*.

Aquest parlar, quant es comus,  
No'l vuelha sofanan degus,  
6150 E mens cant leu se pot entendre.

*Entelleccios vol deffendre*  
Estas manieras que son dichas  
E mays las autras jos escritxas ;  
Qar aysi vos mostram que pauza  
6155 Per motas una sola cauza,  
Aysi cum : le cor dels malvatz  
*S'alegra cosiran foldatz.*  
*La lenga dels parliers truans*  
*Ha gaug retrazen mals e dans.*

6160 E qar aquest parlar trobam  
Acostumat, lo sufertam,  
E mays qan hom l'enten ades.  
Veus d'esta flor altra proces ;  
Qar motas cauzas pronuncia  
6165 D'una ses plus per esta guia :

*Li layro vituperis motz*  
*Dishero a Dieu en la crotz.*

Aquesta loqucio truma,  
Sino lo col longa costuma,  
6170 No deu reputar hom per bona.

*Onomotopeya dona*  
Vocables fenhs, car aquells tray  
D'alcu so que la cauza fay ;  
E per que miells vo'n recordetz,  
6175 Mostram vos ho per bordonetz :  
*Del so de croac corp se pren,*  
*E coguls de coguç deshen ;*  
*Pel so de be ditz hom belar*  
*E de miau atressi miular.*  
6180 Aytal mot e tuig lor semblan  
Onomotopeya fan.  
Totas las diccios aytals,  
Si be son fechas, per leyals  
Nos reputam segon romans.  
6185 *Perifrasis* motz qays semblans  
Als mays promdas que fan entendre  
So ques hom ditz vol tostems pendre  
Per miells agensar e polir  
[F° 144, r°] Los dictats o so que vol dir.  
6190 Duy membre son d'esta figura ;  
E la us es d'aytal natura  
Que so que pot dir en breus motz  
Assatz plazens e bels a tots  
Alonga per cauza d'ornat ;  
6195 Ez en apres vol son dictat  
Agensar amb autres vocables  
Mays plazens e mays agradables ;  
Si que soen de breu razo  
Fa lonc dictat e mostram quo :

6200 *Yeu gran mayti lo jorn primier*  
*De may aniey amb alegrier*

*Per legir mon dictat noel*  
*Al Consistori gay e bel ;*

Si que d'ayso qu'es dig aysi  
6205 Fau dictat e dic enaysi :

*L'autrier quan le solelhs mostret*  
*Sos raytz pel mon ez estendet,*  
*So fo lo primier jorn de may,*  
*E li auzelet foro gay*  
6210 *Per la sua dousor del temps,*  
*Si que tug canteron esemps,*  
*Can viron la clardat del jorn*  
*Am gran joy ez am gran sojorn,*  
*Diverses cans plazens e fis*  
6215 *Mot dossamens per los jardins.*  
*Adonx me lievey de mon lieg*  
*E mantenen am gran delieg*  
*Vas lo Consistori joyos*  
*Aniey retrayre mas chansos.*

6220 E veus d'aquest membre l'escrig ;  
Lo segon so que fora dig  
Trop laig ab son propri vocable  
Per autre mot pro covenable  
Agensa del tot cum vezets  
6225 Si los seguents versetz ligetz :

*Garcias no pot cambrejar*  
*Ni Pons ab sa molher tornar.*

E dizem vos aquesta figura  
En tots sos membres parladura  
6230 Sufficien assatz nos dona.

Flors es *Circuicios* bona  
Que per alcuna circunstansa  
D'alcu mot un autre nos lansa ;  
Ez ayso fa per lo semblan,  
6235 Si cum vezets qu'entre lor an :

*La grans benignitatz de Dieu*  
*Ha rezemut lo poble sieu.*

*Benignitatz de Dieu explica*  
*Benignes Dieu e significa,*  
6240 Ez ayso mot be se comporta.

*Yperbaton* los motz transporta  
[F° 144, v°] En tan que sen cofus nos da  
E trobam que .V. filhas ha :  
*Ystrelogia* primiera  
6245 Es ditcha, per altra maniera  
*Ysteron proteron*, la qal  
Am parlar trobam cominal ;  
Qar so que deu esser primier  
Pauza totz temps e met derrier ;  
6250 E si be la sentensa muda,  
Cant es en us, es sostenguda,  
Coma qui ditz : *vay cumenjar*  
*E devotamen cofessar.*

- Tot jorn t'enebrias e beves  
 6255 E no vols pagar so que debes.  
 Le blatz qu'es granatz e floritz  
 Sia mouts, ventatz e culhits.  
 Tu lieg ez estudia be,  
 Vay garrejar ez arma te.  
 6260 E veus los motz quo nos tramescla.  
  
 Anastrophe vol outra mescla,  
 Qu'es l'autra filha, car no col  
 So que naturals orde vol  
 De diccios, qar lo verb pausa  
 6265 Enans que cel que fa la cauza  
 E denan luy dutz ez amena  
 Aycl que'l fayg del verb termena.  
 Lo genitiu nos ditz ades  
 E'l mot qu'el rieg li met apres;  
 6270 Si prepozicio tramet  
 Lo casual denan li met,  
 Coma qui ditz: *valha nos Dieus,*  
*Joans e Marcz, Lucz, e Mathieus.*  
 Cant yeu la messa major auzi,  
 6275 Dieu benezisc de cor e lauzi.  
 Mays am d'amic son respos brau  
 Que d'enemic la votz suau.  
 Qar tu m'iest contra ses ma colpa,  
 Cascus fortmen veig que t'encolpa.  
  
 6280 E per adverbi pot se pendre,  
 Le contra qui be'l vol entendre;  
 Lo remanen veja cascus  
 A *Transposicio* lassus.  
 Ayso ques aysi dig havem  
 6285 Per lonc usatge sostenem,  
 Can le sens en re no's cambia.  
  
*Transgresios* la drecha via  
 D'esta presen figura sec  
 La qal *Rethorica* li det;  
 6290 Ez a dos caps, la us requier  
 Tostemps lo casual primier,  
 E pueys la prepozicio,  
 E ha dreg nom *Perversio*,  
 Lo qual havem lasus mostrat.  
 6295 Li autre mot, qant son pauzat  
 [F° 145, r°] Contra lo dreg orde ques han,  
 Lo cap segon adoncas fan,  
 Autramen *Transjeccio* dig;  
 Del qal havem lassus escrig,  
 6300 E mostrat cum se pot sufrir.  
  
*Parenthezis* nos cove dir,  
 La qals es l'autra filha tersa  
 Que la razo tostamps esmersa  
 De la sentensa comensada  
 6305 Enans que sia termenada,  
 E la materia, vas lo mieg,  
 Enans que reda son prefieg,  
 Trencia, recitan outra cauza.  
 E ges per tant hom no deslauza  
  
 6310 Lo parlar d'aquesta figura;  
 E veus la una parladura:  
  
 Qan Dieus, qar finalmen no falh  
 Als sieus amics en lor trebalh,  
 Ausic los Sants Payres plorar  
 6315 E planher fort e sospirar,  
 Adonx lo sieu car filh d'amon  
 El lor trames en aquest mon,  
 Per sanar e guerir lo mal  
 Del greu peccat original.  
  
 6320 Ez enans que sia finida  
 Es la materia devezida,  
 Qar enaysi trobam que's franh  
 Per ajust d'algun dig estranh:  
  
 L'autrier al yshen de Paris,  
 6325 (Sab Dieus si lay ha de bos vis  
 E sey pot hom asats apendre  
 Mas sol ques haja que despendre)  
 Encontriey lo Rey que venia  
 Ez am luy grans cavaleria  
 6330 De fora cassar d'un boscatge  
 On hagro pres un boc salvatge  
 E X singlar prop d'una barta.  
  
*Themezis* es la filha quarta  
 Que red las diccios trencadas,  
 6335 Si cum vezets ez enpeutadas:  
 Verays Dieus pay glorios res,  
 Que for, Senhor, miest tota res,  
 Dona'm tal vit en est mon toria  
 Que per mos pecc m'arma no moria.  
  
 6340 Mostrat havem dels empeutats,  
 E veus aysi dels motz trencats:  
  
 Emperayritz del Cel aju —  
 Datz nos, si us platz, tant que degu —  
 Na res de mal no'm puesca de —  
 6345 Cebre vas Dieu en lunha re.  
  
 Aytal mot enpeutat lauzable  
 No so ni'l trencat agradable.  
 Alcu pero los han en grat  
 [F° 145, v°] Per mostrar lor subtilitat.  
 6350 Motas vegadas atresi  
 Se podon trencar enaysi:  
  
*Questio gran* d'una garlanda  
 Han Bartholomieus etz Alamanda;  
 Bar se deffen Ala prepauza  
 6355 Que'l sia reduda sa cauza.  
  
 Encaras no son agradan  
 Sino per ostar mot pezan.  
 Per coblas far sillabicadas  
 Trobam las diccios trencadas,  
 6360 Don fan gran festa mant dictayre;

- Pero huey no las presam gayre  
Per lor greu entricacio.
- Sincrezis transpozicio*  
6365 Requier don hom mantas vetz muza,  
Qar la sentensa red cofusa.  
No'us azautetz d'aquesta filha,  
Qar tant es de mala jacilha  
Ques home fay estar en ira,  
Car enaysi lo sen remira :
- 6370 *Dieus los penedens gazardona*  
*Ez aycells que be fan perdona.*
- Qar la sentensa vertadiera  
Degra dir per esta maniera :
- 6375 *Cells que be fan Dieus gazardona*  
*E'ls penedens ades perdona.*
- E qar es grans la sua torba  
Tant que la sentensa no's torba,  
Dizem quez a degu no play  
Si donx ab escien no's fay,  
6380 O son dictat no sillabica ;  
Si be desplay, ta fort s'entrica,  
Si cum lassus dig es estat.
- Yperbole passa vertat  
Qar enaysi vol trop lauзар,  
6385 Cum vezets o vituperar :
- S'ieu hagues poder un petit,*  
*El mon non hagra plus ardit.*  
*Mens has de forsa q'una palha*  
*E vales mens q'una cernalha.<sup>1</sup>*  
6390 *Qar yest plus durs que ferrs ni roqa,*  
*Cascus vezem que ponh e broca.*
- D'aquest parlar per que'l tenem,  
Segon que lassus dig havem,  
Qan mostrem qu'era sobrelaus.
- 6395 *Allegoria clus e claus*  
Red son parlar, un'autra cauza  
Entenden que no ditz ni pausa,  
Qar autre sen tos temps afig  
En so qu'es estat faig o dig :  
6400 Dig coma : *vostres huelhs levatz*  
*E las regios regardatz,*  
*Car ja son blancas a meyshos.*  
Veus d'ayso l'espozicios :  
Sos a saber ques hom s'atenda  
6405 Ez en bos faytz mostrar entenda,  
[F° 146, r°] Qar prestas son las gens dece  
A creyre nostra Santa Fe.
- Ayso ques havetz auzit ara  
Mostra quo's fa per dig encara ;
- 6410 Per faytz se fay esta figura  
Enaysi qui dar s'en vol cura :
- Escrig es ques un filh leyal*  
*Hac Abrams ez un natural,*  
*Don figuram dos Testaments,*  
6415 *Lo vielh e'l noel yshamens.*
- Qui cerca be las contornieras,  
Encaras en quatre manieras  
Esta figura se pot far,  
Qar ystorialmen appar  
6420 Que's fa per aquest presen dig,  
Lo qual aysi vezets [e]scrig :
- Dieus lo mon en VI jorns crezec*  
*Ez el VII<sup>a</sup> se repauzec,*
- Demostray que per VII etatz  
Es per Dieu le mons compassats.  
6425 Figurativamen se pauza  
Per la maniera d'esta clauza :
- Fills mieus, pujatz yest a la preza,*  
*Cum leonatz per ta proeza.*
- 6430 Don Sancta Glieyza nos podem  
Figurar, qar tot jorn vezem  
Qu'es presta dels filhs recebre  
Que res no los pueca decebre.  
O'l filh de Dieu hom pot entendre  
6435 Qui volc los sieus braços estendre  
E sufrir mort sus en la crotz  
Per que'ns pogues abrasar totz  
E trayre los sieus de prezo :  
E veus le filhs d'aquest leo.
- 6440 Moralmens se fay atresi,  
E podets o vezer aysi :
- Jacobs a Jozep fe gonella*  
*De colors diversas mot bella,*  
*Longa tro lajos als talos.*
- 6445 Per las colors entendem nos  
Diversas vertutz don vestitz  
Nos a Dieus el mon e garnitz,  
Per que mielhs nos puscam regir  
E finalmen a luy venir.
- 6450 Celestialmen la podetz  
Trobar enaysi cum vezets :
- Enocs, qui fo d'Adam setes,*  
*Del mon aquest transportatz es.*
- Vol dir que cilh que be faran  
6455 Oz en be perseveraran

<sup>1</sup> Ms. *cernalha*. — <sup>2</sup> Ms. VII avec un gros point en haut et à droite représentant sans doute un petit *e* mal fait (*sete*). Au vers suivant lire *demonstran*.

- En aquest mon que deu passar  
Per VII etatz e termenar  
Seran lassus en la Ciutat  
Del Cel am gran joy transportat ;  
6460 E veus allegoria dicha.
- En aprop deu esser escricha  
[F<sup>o</sup> 146, v<sup>o</sup>] La sua flors, que'l fo donada,  
Permutacios appellada,  
6465 Qar amdoas son quaysh d'u semblan.  
Tullis, d'aquesta flor tractan,  
Esenha que tres formes ha ;  
Enaysi per semblances fa :
- Pueys que reteno li pastor  
Uffici de lop raubador,  
6470 A cuy poyrem d'ueymays atendre  
Per nostras ovelhas deffendre ?*
- Apres se fay segondamen,  
Si cum vezets per argumen :  
6475 *Gaynes, aquest fals galiayre,  
Aquest trachor, Judas trichayre,  
Qui'l pot en sa Cort sostener ?  
Qar si'l jes hom dreg e dever,  
Tost viram lo sieu faig deliure,  
Qar non es dignes de plus viure.*
- 6480 Enapres se fa per contrari ;  
E dam vos aquest yshemplari :
- E de Rollan cum s'afortisch  
Am son parlar e s'enardish ?  
6485 Havetz del be[l] maystre vist,  
Amb armas tant haja conquist ?  
Hom pot conoysher al parlar  
Que savis mercadiers appar.*
- Aytals paraulas trop punhens  
Son qui las ditz als entendens ;  
6490 Qar dizo se per menspretz gran.  
L'yshemple donat per semblan  
E per contrari podon tug  
Esser ad argumen redug,  
Qar assats han una semblansa.
- 6495 D'aquesta mateysh' acordansa  
Alcunas filhas son trobadas  
D'allegoria declaradas  
Per nos en aquesta manera :  
Yronia metem primiera,  
6500 Ques als que no ditz fay entendre  
A la manera del rependre  
Coma : *be'l tengatz per leal,  
Per entier, franc e liberal.  
Empero ges no lis<sup>1</sup> de jat,  
6505 Qar fa so ques ha costumet,  
Ez es a contrari semblans.*
- Exclamacios acordans  
Es tostemps amb aquesta filha,  
Qar per alguna maravilha  
6510 De votz gran elevacio  
Fay o per endignacio,  
Per mal saber, o per dolor,  
[F<sup>o</sup> 147, r<sup>o</sup>] Per que'l fo donada per flor,  
Si be lunh autre sen no dona,  
6515 Mas cell que sa letra mensona,  
Coma qui ditz meravilhan :  
Ha Deus ! ez en tan gran afan  
Se met ez en gran cocirier  
E soen am mal dezirier  
6520 Cell que s'amor en femna pauza  
E son voler dire no l'auza ;  
Per mal saber o per gran dol  
Se pot far enaysi quis vol :*
- Ha malveys ! e que poray dir !  
6525 Ha fals ! on te poyras gandar !  
Ha ribautz ! trachers desleals,  
Cum poyras cubrir tan de mals,  
Tans engans e tantas malezas,  
Cum faytas has per to naleig !  
6530 Cocelh ni remezi noy veg.*
- Aquesta flors ses lunha torta  
Am Profonezi se comporta ;  
E si li fos atribuida  
6535 Fora trop miells ab luy cabida,  
Qar de parlar doble no cura.  
Profonozis gran votz e dura  
Fay per dolor o mal saber ;  
Per la flor o podetz vezer  
De la qual vos havem dig ara ;  
6540 Per gran gaug se pot far encara,  
Coma : *Senhor e frayre mieu,  
Alegrem nos trastug en Dieu.  
Lauzem Dieu, lauzem, qar salvatz  
Nos ha trastotz e restauratz.  
6545 Ha ! Senher Dieu, Reys glorios,  
Honor e lauzor hajatz vos,  
Qar per la vostra gran vertut  
Havetz tot lo mon rezemut  
De la preyo d'ifern preonda.*
- 6550 *Antifrazis es la segunda  
Filla que met en .i. vocable  
Contrari sen e variable  
D'aycell que deu naturalmen  
Haver segon son nayshemen.  
6555 Encaras en oracio  
Se fay segon oppinio  
D'alcus e dam vos yshemplari,  
Per miells vezer lo sen contrari :  
Anthifrazis crezem que's meta  
6560 En contrafar pena maleta (sic),  
O si mal far algun vezia  
E dic adonx en esta guia :*

<sup>1</sup> Sic ms. Lire li's, li es?

- [F° 147, v°] *Trop be fas ara, membre te,  
Membre't ques hom tan be no fe ;*
- 6565 O, perso qar non es vertatz,  
Dic : *trop be t'est aprofichatz,*  
Es adonx segon aquest membre,  
6567<sup>a</sup> De Yronia vos remembre,  
Qar am liey ha conveniensa.  
Empero veus la differensa :  
6570 *Anihifrazis* vol plana votz  
E l'autra gran ab aspres motz,  
Per que si'ls yshemples lasus  
Pauzats derrieramen alqus  
Am granda votz pronunciava  
6575 Ad Yronia, qar es brava,  
Los deu atribuir tantost.
- Enigma* pauza ses rescost  
E red sentensa tant escura  
Que si no per cas d'aventura  
6580 Hom no la pot leumen entendre,  
Si primier non ha vist descendre  
L'arc de sa declaracio.  
Aytal enterpretacio  
Cobla requier divinativa,  
6585 Qar d'aysi trobam que's deriva ;  
Yshemples motz n'avetz lasus,  
E donam vo'n encara plus.
- Lo prior de Murel* hay vist  
Cantan capcli e tenc per Crist  
6590 *Una Crotz am XII dobles* (sic)  
*Ques absolv Johan vintados ;*  
*Ayso fo l'intran de Dezembre ;*  
*Veus l'an e'l mes que mielhs vos membre*<sup>1</sup>.
- Aytal dictat hom no refuda,  
Si be no platz a la gen ruda,  
Qar enigma q'es filha tersa  
Teno per figura diversa,  
E nos per subtil e per bona  
Can cell que l'a feyta li dona  
6600 Expozicio covenabla.
- Carienthismos* agradabla  
Filha tostamps es de parlar,  
Car ha gran cura d'agensar  
So que greu es, o dur, o lag,  
6605 Cant es per motz propis retrag.  
E veus yshemples aysi motz  
Per saber agensar los motz :
- Per Na Rachel* servit havia,  
*Per que donx m'es donada lia.*  
6610 *Dieus qu'es tot Senhors de tot poder*  
*Ha fag de Bertran son plazer.*  
*Digas quo's cay Pons Auriol ?*  
[F° 148, r°] *Senher, enaysi quo Dieus vol.*
- Pesa de be far Olivers ?*  
6615 *Senher, bey fa trastot mestiers.*
- E veus son parlar cum l'agensa.
- Parceemia*<sup>2</sup> pervezensa  
Ha gran e saviamen renha  
En sos proverbis que'ns essenha  
6620 Vertuozamen se repauza,  
Los quals oz a temps, oz a cauza  
Atribuish e veus ades  
De temps e dels autres apres :  
Si parlas del sobrevenen,  
6625 E puy calas de mantenen,  
Hom ditz *que'l lops es en la faula ;*  
Car plus de luy no fas paraula.  
De cauza degus no si peca  
Si los bels digs pren de Seneca,  
6630 O'ls essenhamens de Catho,  
O'ls proverbis de Salamo  
E'ls bos motz qu'entre motas gens  
Vezetz qu'om ditz cominalmens,  
Li qal non han degun actor.  
6635 E foc li donada per flor  
*Sentensa*, la quals, on que sia,  
D'aquesta filha sec la via.  
Cascuna de temps se perve  
E can e *quo sap* e mays *que*  
6640 Deu parlar o calar del tot.
- Sarcosmos* es vilana mot ;  
Aquesta filha de mal cor  
Es tostamps qar sap a tot for  
Dir antas a son enemich ;  
6645 E ditz las am cor tan enic  
Qu'en la maniera del parlar  
So que vol dir entem (sic) hom clar ;  
Per aytal guiza li Juzieu  
Escarnian lo filh de Dieu :
- 6650 *Vejatz d'aquest ! als autres val*  
*E se gandre no pot de mal !*  
*Si's filhs de Dieu ara's deffenda*  
*E de la Crotz, si pot, deshenda,*  
*Ez ardidamen creyrem lo.*
- 6655 O d'ome qu'en guerra no fo  
Ni lunh temps no'y fe colp nin (sic) peca  
Fas ton esquern am aytal fencha :
- Be s'es portatz Pons en la guerra*  
*Am las gens del Rey d'Anglaterra ;*  
6660 *Qar tots aycells ques ha ferits*  
*Ha mes a mort, tant es arditz !*
- O qui per despieg oz esquern  
[F° 148, v°] Ditz : *Fassam Pons nostre go-*  
*Q'aysi tan subtilmen hi ve,* [vern,

<sup>1</sup> Cf. Leys, éd. J. A., II, 161 : l'an 1334, en ne tenant compte que des chiffres romains ? — <sup>2</sup> Sic ms. ; 1. paroemia.

- 6665 *Se ri del mal coma del be ;*  
E veus la pro del mal uberta.  
*Antismos* es filha cuberta,  
Qar am bels motz pauza maldig,  
E donam vos o per escrig :
- 6670 *Qui servir sab als Cardenals*  
*Enpetra* rendas avesqals ;  
O qui ditz : *aquela tozeta*  
*Son* carcaysh a tota sageta  
*Volentieyramen* prestara,  
6675 So es avols femna sera.
- Donx *Yronia*, *Sarchasmos*,  
*Peryfrazis* ez *Anthismos*  
Han entre lor conveniensa<sup>1</sup>.  
Empero be y ha differensa ;  
6680 La qal, si per las prezens *Flors*,  
Vos no vezets, las *Leys d'Amors*<sup>2</sup>  
Legets, on clar es contenguda.
- Omozeuzis* fa gran ajuda,  
Qar lo mens pel mays conogut  
6685 Es declarat e miells saubut.  
Tres filhas ha, veus la primera :  
*Ycom* nos espon voluntiera  
La cauza mens per la mays clara ;  
Ayso la semblansa declara  
6690 Ques han dejos un promda gendre,  
Aytal cum logica vol pendre ;  
O sots un' especia, la qual  
Devets entendre logical.  
Gendre mot general enten  
6695 Que d'autres vocables compren,  
Coma color ques ha jos si  
Blancor e negror atressi.  
Yshamen jos cors animat  
*Hom*, *leos* e *buous* son pauzat.  
6700 *Especia* vezets be que sona,  
Qar mot especial nos [dona ?].  
Aytals es jos lo qual es [mes ?]  
*Peyre*, *Guiraut*, *Guilhems*, *marques*.  
Donx *Ycon* nos fa demostransa  
6705 D'un mot ad autre per semblansa,  
La qual han jos un mot comu  
Oz especial a qascu.  
Aytal semblansa covenable  
Red tot dictat ez agradable,  
6710 E quascus leumen s'en ajuda,  
Perque pauc sap qui la refuda.  
E veus motz per miells dar entendre  
[F<sup>o</sup> 149, r<sup>o</sup>] D'alcun semblan dejos un  
[gendre :  
*Liberals* es midons e franca ;  
6715 *Ayssi cum flors de lir* es blanca,  
*Humils*, *suaus* coma colomba.  
E car vas Dieu tot dreg s'aplomba,  
*Azira* fort blasfemador,  
*Cum fay serpens* encantador.
- 6720 Veus dels motz qu'*Especia* compren  
Per algun semblan yshamen :  
*Si cum l'avars en retenir*  
*Ez ajustar pren gran plazer*,  
*Le valoros ha joy qan dona*  
6725 *Largamen e'ls sieus gazardona*.  
O qui ditz : *vezes tu Bertran ?*  
*Bermos* es d'aquel meteysh gran,  
E d'aytal etat es *Serena*.
- La sua flors es *Emagena*  
6730 Ez es am liey d'un'acordansa.
- Parabola* vol dir semblansa,  
Car .I. mot per outra (*sic*) mays clar  
Per alcun semblan vol mostrar  
Qu'es entre lor e dar entendre ;  
6735 E d'aytal especia ni gendre  
Esta prezens filha no cura,  
La quals es d'aquesta natura :
- Si cum del solelh yeys le rays*,  
*Aysi meteysh savieza naysh*  
6740 *De Dieu que tot lo mon capdela*.
- Semblansa*, la sua flors bella,  
De liey non es en res diversa ;  
*Paradigma*, qu'es filha tersa,  
Volontieramen nos sermona  
6745 E manifestz yshemples dona  
De so qu'es estat dig o fag,  
Per que'ls auzens am aquell trag  
Enduga miels a retenir ;  
E sobr'ayso vulhats vezer  
6750 Exemplificativa cobla.  
*Paradigma* trobam qaysh dobla,  
Qar so que parabola porta  
Ez ycon sela nos reporta ;  
Qar leumen la forma comuna  
6755 Vezem que rete de cascuna,  
No regardan gendre ni specia.  
E tenem tota gen per nescia,  
A cuy sos dictatz non agrada.  
La sua flors es mensonada  
6760 *Yshemples*, lo qual en tot cas  
Trobam d'aquel metex compas.
- De las figuras principals  
E de lors filhas naturals  
Havem tractat e de lors flors ;  
6765 [F<sup>o</sup> 149, v<sup>o</sup>] Pero, segon alcus actors,  
Autramens principals figuras  
Trobam de diverses naturas  
Dejos *Tropus* e jos *Scema* ;  
Veus primer d'*Anthipofora*  
6770 E de las autras en apres.

<sup>1</sup> Ms. *conveniensa*, avec le premier *n* gratté. — <sup>2</sup> *Leys*, éd. G. A., III, 284.

## De las figuras mens principals

- Anthipofores* son proces  
 Declara qar nos fa resposta  
 D'alcuna questio rescosta,  
 En so que ditz ez entenduda ;  
 6775 D'yshemple nos pot far ajuda  
 Cobia qu'es lassus responsiva ;  
 E qar de luy conformativa  
 Trobam *Racionacio*,  
 6780 Cove qu'en<sup>1</sup> fassa mencio,  
 Qar es flors assats agradabla  
 E de color pro covenabla ;  
 E si volets saber quo's fa,  
 Cobia tensonada vo'n da  
 Yshemple clar ez eviden.  
 6785 *Antropospatos* l'acciden  
 Ad ome propriamen dat  
 A Dieu, qar es acostumat,  
 Atribuysh o pel contrari ;  
 E de cascu veus yshemplari :
- 6790 *Dieus ha plazer e joy quan ve*  
*Los sieus perseverar en be*  
*E dol ez ira sobregran*  
*Qan ve que degu be no fan.*  
*O : gran tro fas e pauca plueja,*  
 6795 *Per que tot quant dizes m'enueja.*
- Ez aytal parlar sostenem.  
*Apoziapazis* havem,  
 Que so que ditz no vol finir  
 Per guaug, esquern o per azir,  
 6800 Coma : *be sap hom qui yest tu.*  
 Aytal dig havem per comu,  
 Qan so que'y falh se pot entendre.  
 D'aquest parlar nos pot deffendre  
*Precizios*, qu'es una flors,  
 6805 Qar tos temps sec lo meteysh cors,  
 E pot las hom tornar ad una,  
*Eclipsis*, qu'es trop mays comuna,  
 Qar totas son qaysh d'una sort.
- Apostrophe* trobam d'acord  
 Tostemps am *Tropologia*,  
 Ses diversitat que no'y ha.  
 Cascuna vezem que'sazona  
 Primier en la tersa persona,  
 6810 [F° 150, r°] La qal no's vira pueys en tersa.  
 6815 *Syneptozis* ayssso reversa,  
 La tersa mudan en segonda ;  
 En aquestz dos cazes abunda,  
 Per haver d'ayssso conoyshensa,  
 La dansa que lassus comensa  
 6820 *Bos sabers*, am lo romanen.  
 En la tornada majormen  
 Ez en autre loch contenplan<sup>2</sup>  
 O per affeccio mot gran  
 Ha son loch cascuna figura,

- 6825 Can scienmen e per mezura  
 Hom fa son dictat e compassa.
- Bracologia* nos deslase  
*D'Olyopomenon*, qar es  
 Tostemps amb ela d'un compes.  
 6830 *Breveza* de lor vos desregla,  
 Perque seguetz la sua regla,  
 La qual lassus podetz vezer.  
*Brevietatz* es flors que tener  
 Vol lor compas ses desviar.  
 6835 *Cathatipozis* designar  
 Vol home per sos accidens  
 Ez a sas faysos yshamens<sup>3</sup>,  
 Coma : *Sans es blancs e canutz*  
*Magres, nautz, lenis* (sic) *e calvutz*,  
 6840 *Am groses huelhs e longa cara.*  
*Effeccios* flors es q'ampara  
 Aquela meteysha maniera.
- Dyaforozis* voluntiera  
 Se laysha de so que dir vol,  
 6845 Qar de blasmar ades se dol.  
 Am d'autras ha conformitat  
 Segon q'aysi vezets pauzat,  
 Qui menassan vol dar castic  
 E ditz : *a porpauc* (sic) *no t'o dic*,  
 6850 *O be say per que parlas tan*  
*Am cella que't vezes denan*,  
 Compren *Apoziopazis*,  
*Eclipsis*, *Dyaforozis*,  
 Las qals son quaysh d'una mayzo.  
 6855 E veus *Significacio*  
 Flor d'un semblan am lor del tot.  
*Dyarsiros* es quant un mot  
 Entendre pot hom doblamen  
 Per semblan o propriamen,  
 6860 Coma : *Dieus me gar que'l leos*  
*No'm rape qu'es mals e felos*,  
*Ferrs e rugens e devorans.*  
*Ebazis* vol gitar sos lans  
 Fora la thema començada ;  
 [F° 150, v°] E qar lassus l'avem tractada,  
 6865 No volem plus de liey parlar.
- Emphasis* nos vol assignar  
 Gran acciden, lo qual deviza  
 Per sustantiu en esta guiza :
- 6870 *Tu yest erguelhs del tot e lenga*,  
*Per que's tanh be que mal t'en prenga.*
- Erguelhos vol dir e parlier.
- Endiadis* vol que primier  
 Sian pauzat duy sustantiu  
 6875 E pueys la un en ajectiu  
 Sia covertitz en ayssso :  
 Per *Arma virumque cano*

<sup>1</sup> Ms. *qu*. — <sup>2</sup> Ms. *contenplan*. — <sup>3</sup> Ms. *yhamens*.



- Vos mostram, qar segon lati,  
*Armatum virum* vol aqui ;  
 6880 Am romans ayso no s'afranh,  
 Per que trop nos appar estranh.  
*Endyadis* segondamen  
 Se fa qan dos sustantius pren,  
 Apertenens ad una cauza  
 6885 Pueys en genitiu la .I. pauza,  
 Coma : *la carn e'l moto porta*,  
*La carn del moto* vos reporta.  
 Mas, segon romans, no val re.
- Epydiocezis* dece  
 6890 Vol hostar so que pausat ha  
 Per l'ajustamen que pueys fa  
 De so qu'es a la cauza may  
 Apropiat e plus veray,  
 La qal en son parlar mensona.  
 6895 Veus dos yshemples qu'om vo'n dona :
- Hay las ! e qui pot dir amor ?*  
*Trop hagra miels dig amaror !*  
*Erguelhs fay<sup>1</sup> gran mal en lo mon,*  
*Ans vos dic que tot o confon.*
- 6900 E veus quo's rieg aquesta figura.  
*Conjuncios* am liey s'atura,  
 Qu'es una flors de Rethorica.  
*Epylogus* aquo replica  
 En breus mots ez en general  
 6905 Ques ha dig en [e]special,  
 Coma : *de letras dicio*,  
*E de las parts d'oracio*  
*Havem dig so que vo'n appar.*  
*Epymone*, ses re mudar,  
 6910 Amb *Epyzenzis* se comporta,  
 Coma *clauzetz e clauzetz la porta* ;  
 Pero, segon alcus encara,  
 Trobam que dos membres empara,  
 La us es quant un mot entier  
 6915 No torna ques ha dig primier,  
 Mas sol lo cap e pueys la fi  
 Varian nos red enaysi :  
*Planhen blanc lo temps qu'es passatz,*  
 [F° 151, r°] *E ploran plori mos pecatz.*  
 6920 Aytal parlar tenem per va,  
 Si doncas per compas certa  
 No's fay e de certa sciensa.  
 Encaras pren outra chabensa,  
 Can le motz finals del verset  
 6925 Lo qal primieramen hom met  
 E'l primiers del bordo seguen  
 Han un meteysh comensamen,  
 Ez en la fi son variable.  
 Aytal son li seguen vocable :
- 6930 *Le razims en la vit florish,*  
*Florit en gra se convertish,*  
*Convertit en gra se melhura,*

- Melhurat enapres madura,*  
 6935 *Madurat hom per temps lo cuelh ;*  
*Cullit se desfay dins lo truelh,*  
*Trulhat<sup>2</sup> se depura colan,*  
*Colat hom ne beu trastot l'an.*
- De *Gradacio* nos remembre  
 E *Climax*, quar am aquest menbre  
 6940 Qaysh d'u semblan son atrobat.  
 Empero lor diversitat  
 En las *Leys d'Amors*<sup>3</sup> trobaretz.
- Eufonia* vol totas vetz  
 Letras layshar per far bel so  
 6945 En sa pronunciacio ;  
 Las qals si be no las profier  
 L'escrig d'aquellas vol entier ;  
 En loc de *perduda perduda*  
 D'yshemple vos pot far ajuda.  
 6950 Los *synalimphatz* pero  
 Podetz aplicar ad ayso,  
 Segon romans, quar per lors claus  
 Mant hyat son cubert e claus,  
 O cant la dicios mielhs sona  
 6955 Per so qu'*Epenhezis* li dona  
 O *Paragoges* ; e dam vos  
 Gueren *fin aur e vertudos* ;  
 Qar *fi* vol n, vertuos d,  
 Per fugir hyat e perque  
 6960 Cascus motz puesca mielhs sonar.
- Eufenismos* vol ordenar  
 Amb verb absout acuzatiu,  
 Coma qui ditz *passem lo riu*,  
 Qar otra *pel o sul* requier ;  
 6965 O cum : *yeu hay a Monpeslier*  
*Estudiat XXV ans* ;  
 E de parlar aytal romans  
 Acostumat no fam devet.
- Exalage* tos temps concret  
 6970 En son parlar vol per abstrayt,  
 E dam vos yshemple de fayt :
- Sul blanc de l'escut han ferit*  
 [F° 151, v°] *Aysi fort que l'an mieg partit ;*
- Blanc* per concret es aysi pres  
 6975 Ez en loc de *blanqueza* mes,  
 La qual *abstrayt* nos appellam.  
 Un autre menbre l'atrobam,  
 Can per plural singular pauza,  
 So que romans en re no lauza,  
 6980 Qar al lati ses plus aten.
- Prozopopeya* se fenh  
 De far parlar so que no pot,  
 E son d'aquel meteysh estoc  
*Fantazia, Topeya* ;

<sup>1</sup> Ms. gay. — <sup>2</sup> Ms. Tulhat. — <sup>3</sup> *Leys*, éd. G. A., III, 312.

- 6985 E veus cascuna com se fa,  
E fenh que la Terra primiera  
Parle per aquesta maniera :
- Yeu soy governs e noyrimens  
D'erbas, de plantas e de gens,  
6990 Per que deg esser mot amada  
E Terra Mayres appellada.*
- Fengam que parlar atressi  
Puesca le Solelhs enaysi :
- Yeu jau el mon crucifficar<sup>1</sup>  
6995 E'ls arbres florir e granar ;  
A tot lo mon doni clariat  
Per que deig haver principat  
De terra, de mar e de l'ayre  
E tug de mi devo far Payre.*
- 7000 Ez aysso reduce podetz  
A Methafora, si'us voletz.  
D'aquestas figuras usec  
Le maestres que l'Yzop dictet  
E cell qui fec lo Taudoret.
- 7005 Conformacios s'entramet  
D'aquo meteysh, qar flors es bona.  
Ypojora l'argumen dona  
Que's pot far per mon aversari,  
Qu'ieu enaysi dic ez ampari :
- 7010 Si mos adversaris dizia  
Qu'ieu li deig XX sols, que faria ?  
Qar yeu mas un poges no tenc.
- Lepos e soen (.) per la renc  
Vol hondrar parlan en plural,  
7015 Coma per tu vos pon, e val,  
Qar enaysi tot jorn se pauza.  
Liptote, mentre de la cauza  
Vol ostar alcun acciden,  
Autre son contrari n'enten  
7020 Apropiat mays e degut  
Segon qu'es aysi contengut :*
- Yeu no soy del tot peccs ni fatz,  
Ni tu fort, savis, ni menbratz,  
E quar yest trop leris<sup>2</sup> e gays,  
7025 [F<sup>o</sup> 152, r<sup>o</sup>] Sapchas qu'om no t'en preza  
[mays.*
- Encaras mays, segon alcus,  
Per aliquis ditz nonnullus,  
So qu'en romans tenem per vici.
- Omopazion vol l'offici  
7030 D'u sen corporal ajustar  
Ad autre segon q'aysi par :*
- Anc no vi tan belas paraulas,  
Si be conteno motas faulas.*
- Le cieus (sic) argumens no careja  
7035 Tan subtilmen qu'ieu be no'l veja.*
- En ayso devets cascus pendre  
Per vezer, auzir ez entendre.  
Aytal parlar e'l quaysh semblan  
Cum, le cors me ditz qu'ieu m'en an,  
7040 Us acostumatz los ampara.  
Omophezis pro se declara  
Per autre dig aytan cubert  
O mays e veus yssemble cert :
- Per on vay hom vas Sant Sarni ?  
7045 Senher, tenetz vostre cami.  
Quina liey teno li Juzieu ?  
Aytai coma li Farizieu.*
- E quant entendre be no's pot,  
Degus no vol en son estoc  
7050 Esta prezen loqucio<sup>3</sup>.
- Pizancia fay questio  
La qals trops membres haver sol,  
E cascus sa resposta vol,  
Pus q'om lor forma significa ;  
7055 Veus aysi cum se multiplica :*
- En qal loc poyrem guerrear  
E nostras lotjas cologar ?  
Qal secors haurem per deffendre  
E de qal terra poyrem pendre  
7060 Homes ab armes e sirvens ?  
Quar trop son destrechas las gens.*
- Veus motas questions en una  
E vol sa resposta cascuna :  
Qu'estiers hom be no'y pot respondre.  
7065 Enterrogacios rescondre  
No's vol, car es flors agradiva,  
Que d'aquestz ditz non es esquivia.  
Aquestas, qui be las balansa,  
Trobam ques han qaysh acordansa  
7070 Amb una flor qu'avem pazada  
Racionacio nomnada,  
Ez amb un'autra qu'es escricha  
Lassus, Exclamacios dicha ;  
E per que lor conveniensa  
7075 Ez en aprop la differensa  
Puescatz saber d'aquestas flors,  
Estudiatz las Leys d'Amors  
On d'ayso trobaretz la se.  
[F<sup>o</sup> 152, v<sup>o</sup>]. Prothezeos paralauge  
7080 Una prepozicio pauza  
Per outra e no s'en deslauza  
Degus cant es acostumat,  
Coma : del mal qu'om t'a donat  
E dels colps tot jorn te rancuras.  
7085 E veus complidas las figuras.  
Encaras autras flors havem,  
Las qals aysi mostrar volem.

<sup>1</sup> Sic ms. ou trucidar ; 1. fructificar. — <sup>2</sup> Ms. lexis. — <sup>3</sup> Ms. luqucio.

## De las autras flors de Rethorica. E primieramen de membre

- 7090 *Membre vos declaram primier,  
Le qals nos da ponch mijancier,  
Colum per outra guiza dig ;  
E qar havem de liey escrig  
E d'alcus autres ponchs lassus,  
De lor tractar no volem plus.  
Pero trobar pot qui n'a cura  
En las Leys d'Amors lor natura <sup>1</sup>.*
- 7100 *Compas non es als, si l'acabas,  
Mas engals nombres de sillabas ;  
E qar ab rim pro se coforma,  
Metem lo dins la sua norina.  
Aquesta flors no vol discordia,  
Don alcu l'apello *Concordia*.  
Subjeccios subtilmen joga  
E fay qant hom enterroga  
Se meteysh o son adversari,  
7105 E quier so que pel sieu contrari  
Pot esser dig e puy respon,  
E finalmens vens e cofon  
Del aversari la razo  
Ez amb aytal concluzio :*
- 7110 *Don es Albertz tan habondos,  
Ta rix, ni tan peccunios ?  
Es li de sos payros vengut ?  
Mas no, que trastot fo vendut.  
Hac layshas ni lunh heretatge  
7115 D'ome que fos de son linatge,  
O d'autre que'l portes amor ?  
No ges, qar li sieu crezedor  
Fero sos bes ucar e vendre  
E playdejan trastotz despendre.*
- 7120 *Ha pogut ayso gasanhar  
De pensios per avocar  
O per estamen d'uficier  
O per usar d'alcu mestier ?  
Non pas, qar letras non apres  
7125 Ni d'ayso far no s'entrames.  
Pus qu'el non ha pogut haver,  
Segon que par, tan gran haver  
[F° 153, r°] Per lunya <sup>2</sup> d'aquestas manie-  
Cove donx qu'el haja menieras [ras,*
- 7130 *D'aur, o d'argen dins sa mayzo,  
O que, per sa gran trassio,  
En qalque loc haja panat  
O qalque ric home raubat.*
- 7135 *Aquesta flors qaysh un semblan  
E Racionacios han ;  
Aquo meteysh Pisancia,  
Am sa flor es Ypojora ;  
Pero si pleniera sciensa  
Volets d'ayso, la differensa  
7140 D'aquestas figuras e flors,  
Trobarets en las Leys d'Amors.*

*Diffinicions pren e pauza  
Las proprietatz de la cauza,  
So's asaber assentials,<sup>3</sup>  
7145 Ez yshamens accidentals  
Compren... cascunas  
O sian proprias, o comunas ;  
E q'ayso miells cascus entenda,  
Als seguens yshemples s'atenda :*

7150 *Homs es cors sentens, animats,  
Mortals e de razo dotatz.*

*Diffinicions per deffensas  
Gendre requier e differensas :  
Cors aysi per gendre prendem  
7155 E per differensas havem  
Accidentals mortals, sentens,  
Per essencials yshamens  
Animats, dotatz de razo.  
E qar per una diccio  
7160 L'essencia d'ome dar entendre  
Hom no pot, laqual deu compendre  
La diffinicions donada,  
L'avem per tropas expressada.  
Las differensas de las clauzas  
7165 Son aysi cubertas e clauzas  
Quez a nos son no conogudas,  
Las qals per esser entendudas  
Cove mostrar ez exprimir  
Per proprietatz e supplir  
7170 Accidentals, don pueys expostas  
Con las differensas rescostas  
Essencials d'aycella cauza  
La qal hom diffinish e pauza  
Proprias accidentals aysi  
7175 Son declaradas enaysi :*

*Homs es corrs animatz, sabens,  
Parlans, amoros e rizens.*

*Comunas accidentals ara  
Aquest yshemples nos declara :*

7180 *Homs es cors vivens, agradables,  
E naturalmens amigables.*

[F° 153, v°] *Descriprios per la manera  
De diffinicio derriera*

7185 *Se fay segon logicias ;  
Yshemples vos dam los promdas  
Derrieramen ara pauzatz,  
Can ditz homs es cors animatz.*

*Segon que Tullis nos aviza,  
Trobam que's fa per outra guiza,*

7190 *Es adonx als Descripcios  
Non es mas declaracios  
De so que segre se poyria  
D'alcun (sic) cauza si's fasia ;  
So que far se pot representa*

7195 *Ez enaysi nos asabenta :*

<sup>1</sup> Leys, éd. G. A., III, 322. — <sup>2</sup> Ms. *hinha*. — <sup>3</sup> Sic ms.

Si'l Papa contra l'aversari  
De Sancta Gliyeza dig Bavari  
Es flax en so que li's comés,  
7200 Perilhar poyra nostra Fes.  
Car le Bavaris persegra  
Los fizels que trobar poyra.

Concluzios, a l'enderrier,  
Per la vertut del dig primier  
Fay consequensa vertadiera  
7205 En breus motz, per esta maniera :

Trastot quant es ha Dieus creat  
Per amor e per caritat ;  
Per amor pres mort en la Crotz  
7210 E per amor nos salvet totz.  
Ses amor hom no pot valer,  
Ni finalmen a Dieu plazer,  
Pusque tot quan es ha faig Dieus  
Per amor e salvatz los sieus,  
7215 Ez hom no vol senes amor  
Ni pot servir son Creator,  
Donx Amors es plus excellens  
Q'otra vertutz e mays plazens.

Expedicios rema ferma,  
Qar la .I. dels membres conferma,  
7220 Los qals diverses ha pauzatz  
E sufficienmen nombrats,  
O'l nega del tot pueys no cura  
Dels autres e veus sa natura :

Dieus passio suffric e mort  
7225 Per lo sieu, o per lo mieu tort ;  
No per lo sieu, qar no pequec ;  
Per lo mieu donx la suffertet.

Aquesta flors e tres denan  
Han entre lor algun semblan ;  
7230 Pero de lor diversitat  
En las Leys d'Amors<sup>1</sup> es tractat.

Transsicios es de color  
Aytal que so qu'es dezidor  
Vol continuar a son dig,  
7235 Segon q'aysi vezetz escrig.

Tractat havem de Diccio  
[F° 154, r°] E de las parts d'oracio,  
Per que volem d'Ornat parlar  
E las flors aysi declarar.  
7240 Occupacios trop uberta  
Es en parlar e mal cuberta ;  
En sos digs appar enemiga,  
Qar so que ditz fenh que no diga,  
Coma lo furst (sic) que fist diray,  
7245 Pero del murtre calaray.  
Dyafozozis qays s'avansa  
D'aiver amb esta flor semblansa ;

Las Leys d'Amors<sup>2</sup> pero recordo  
So per qu'entre lor no s'acordo.  
7250 Adjuncios amb una clau  
D'un verb diversas clauzas clau,  
Mes en lo cap oz en la fi ;  
Veus del comensamen aysi :

Platz me Dieu amar e servir  
7255 Ez a te deniers conquerir.

En la fi nons (sic) es trop en us,  
Aysi vezer o pot cascus :

A mi solas ez a te patz  
Ez a Bertran riquesa platz.

7260 Sylempsis amb aquesta flor  
E Conjunccios entre lor  
Alcuna semblansa reteno ;  
Pero las Leys d'Amors<sup>3</sup> termeno  
La diversitat de cascuna  
7265 E mays lor semblansa comuna.

Enterpretacios nos da  
Per autres motz so que dig ha,  
Am los qals so que's pot rescondre  
Per esta guiza vol espondre :

7270 En Crotz levero li Juzieu  
Jhesu, so es lo filh de Dieu.

Scessynomaton qaysh s'acorda  
Am liey, pero diversa corda  
Nos entre lor soen trobam,  
7275 Segon las Leys que'us allegam.  
Comutacios de la part  
D'Anthimetabola no's part ;  
En tot loc sentensas contrarias  
Cascuna vol ez adversarias,  
7280 Lo mot primier pauzan derrier  
E'l derrier enaysi primier :

Le focs ha sobre terra loc,  
Non pas la terra sobre'l foc.  
L'arma garnish lo cors ez arma,  
7285 Mas [ges] le cors no garnish l'arma.

Dubitacios dopte pauza  
Per qal nom poyra dir la cauza,  
La qals diverses noms abrassa ;  
E qar cert no sap que s'en fassa,  
7290 En son primier dopte rema,  
Perque no vol dar nom certa ;  
Per cobla doptosa cascus  
S'en pot certificar lassus.  
Nominacios pren vocable  
7295 [F° 154, v°] En loc del sieu pro covenable,  
Coma : tal colp sul cap li dero  
Que totas las dens martelero.

<sup>1</sup> Leys, éd. A. G. III, 337, sq. — <sup>2</sup> Leys, III, 340. — <sup>3</sup> Ibid., p. 342.

- Veus aysi mes dar per ferir  
 E dens martelar per croyshir.  
 7300 Esta flors *Nominacios*  
*Cathacrezis, Abuzios,*  
 Son e *Prozopopeya*  
 Reduchas a *Metahora*,  
 Si be pazadas son dispersas  
 7305 En las *Leys d'Amors* e diversas.  
  
*Prenominacios* plazen  
 Vocable met per despalzen  
 Como (*sic*): *Pons es mos filhs leyls*  
*E Berenguiers es naturals.*  
 7310 E pot se far per lo contrari,  
 Segon lo seguen yshemplari:  
  
*Us picaplaytz m'a del tot mort,*  
*Qar playdejar me fay a tort.*  
  
 Aysi per *bort* pren *natural*  
 7315 Pauzan bo mot per cominal  
 O per *avocat picaplag*,  
 Meten per bel vocable lag.  
 Esta flors es amb *Anthismos*  
*D'acort e Carienthismos.*  
 7320 Diversas pero son trobadas  
 En las *LEYS* soen allegadas.  
*Distribucios* veus quo part,  
 Car a cascu dona sa part:  
  
*Cilh que son paubre d'esperit*  
 7325 *Seran lauzat e benezit ;*  
*L'umil seran bonaourat (sic)*  
*E l'ignocen el Cel montat.*  
*Cil qu'en est mon hauran victoria*  
*Els Cels hauran complida gloria,*  
 7330 *E li misericordios*  
*Hauran lo Regne glorios.*  
  
*Licencia* repren voluntiera  
 Belamen per esta maniera:  
  
*Tant etz simples e paciens*  
 7335 *Que mens vo'n prezo motas gens.*  
  
 Diversas per las *Leys d'Amors*  
 Son *Anthismos* ez esta flors.  
*Diminucios* fort s'abaysha,  
 Qar so qu'es gran per humil baysha,  
 7340 Am *Tapinozis* son atras  
 Vol far, qar han .I. meteysh cas.  
*Divizios* trops menbres col,  
 Los qals tantost divizir vol,  
 Ez a cascu dona sa cauza  
 7345 Ez enaysi la razo pauza:  
  
*Per far gran ric home to filh*  
*T'arma no metas en perilh ;*  
*Qar el er assenatz o no :*  
*S'il es assenatz, haura pro ;*  
 7350 *Sino, tot no l'abastara,*  
 [F<sup>o</sup> 155, r<sup>o</sup>] *Ans lo tieu e mays gastara.*
- Expedicios* de color  
 Ressembla qaysh aquesta flor:  
 Diversas pero son escrichas  
 7355 Per las *Leys d'Amors* sobredichas.  
  
*Frequentacios* blasmes trops  
 Retray enaysi quant es obs:  
  
*Yeu no say vici que no l'hajas,*  
*Qar tu paraulas dizes lajas,*  
 7360 *Vils homs yest ez amb avols motz,*  
*E traxer e fals denan totz,*  
*Cobers, avars ez envejors,*  
*Iros, peleguis, orgulhos,*  
*Ez enbriats e taverniers,*  
 7365 *Ez alcavotz e grans colpiers,*  
*Jogadors e trichayres grans,*  
*Jurariers de Dieu e dels Sans,*  
*Ribautz, truans e degastayres,*  
 7370 *Del tieu e del autruy raubayres,*  
*En faytz ez en ditz enganables,*  
*Ez a trastotz desagradables.*  
  
 Aysi pot far son gran sauteri  
 De lauzor cum de vituperi.  
  
*Expoliacios* al tornar  
 7375 Altra sentensa fay cujar;  
 E si be divers son li mot,  
 Es una meteysha del tot;  
 E qu'entendatz ayso plus leu  
 Vejatz aquest yshemple breu:  
  
 7380 *Tot perilh fa bon sostener*  
*Per lo faig de Dieu mantener.*  
*Ans pus qu'es avenhat cove*  
*Murir per sostener la fe.*  
  
*Comoracios* es be meza  
 7385 Qui l'actoritat ques ha preza  
 Declaran vol tornar soen,  
 Qar fay a son prepauzamen.  
 D'aquesta flors hom tot jorn usa,  
 Perque degus no la recuza.  
 7390 *Notacios* da voluntiera  
 Als senhals d'ome la maniera;  
 Cobla d'ayso *designativa*  
 Vos donam per *declarativa*.  
*Sermocinacios* lauzable  
 7395 Appar a totz ez agradable,  
 Qui vol ad alguna persona  
 Apropiar paraula bona,  
 E pueys expon l'autoritat  
 A lauzor de sa dignitat,  
 7400 Mostra *Sermocinacio*  
 Per aytal comendacio.  
*Demostracios* gracioza  
 Es assatz qar affectuoza  
 E contemplans es atressi  
 7405 [F<sup>o</sup> 155, v<sup>o</sup>] Segon qu'es declarat aysi:  
 Qui'l fag passat vol recitar

- Aysi quo si'l vezia far,  
 Demonstracio ditz e pauza,  
 Tullis es guerens d'esta cauza.  
 7410 Vicis e figuras e flors  
 Havetz segon las *Leys d'Amors*  
 En esta part, la qals termena.  
 Ayssi pauzam doncs la cinquena  
 On mostram d'un mot quo's balansa  
 7415 Amb autre per far acordansa ;  
 Ez en aprop de qal amor  
 Devon amar li aymador.

[ SINGUENA PARTIDA<sup>b</sup> ]

Aysi comensa la singuena part en la qual es  
 mostrat primieramen quo deu hom far acor-  
 dar un mot amb autre e tornar lati en romans.

- Mant home son ayssi divers  
 Que per l'engenh ques han dispers  
 7420 D'un mot amb autre bon acort  
 No podo far ni bel report ;  
 Ez ayso leumen per flaqueza  
 De cor ve mays que per dureza ;  
 E qar no'y endeveno leu  
 7425 Ayso far teno per ta greu  
 Qu'en desesper cazon ades  
 D'acordar los motz ez apres  
 Mensprezo tant lo *Gay Saber*  
 Que trobar no'y volo plazer ;  
 7430 Del qal lor cor hagrau alegre  
 Si be continuar e segre  
 Volgueso lor comensamen,  
 Qar non es homs que finalmen  
 De si meteysh be no s'ajude,  
 7435 Cant que son cor haje trop rude,  
 En far noels dictatz e bos,  
 Si d'ayso vol esser curos.  
 Qar hom una sentensa pot  
 Si'l cor non ha trop flac e lot  
 7440 Pauzar en divers' acordansa  
 Estan la primera substansa ;  
 E ges no s'en deu hom giquir  
 Si tost no'y pot endevenir ;  
 Qar si qo'l sartres de lay con  
 7445 E tol so que desay apon,  
 Enayssi cove qu'om regire  
 So dejos dessus e cossire  
 Si mielhs se pot dire de be.
- Encaras mays gardar cove  
 7450 Que sabia dictar abreujan  
 Ez alcunas vetz allongan  
 E giran so denan detras  
 [F<sup>o</sup> 156, r<sup>o</sup>] Mas que no'y acuelha pedas  
 Ni's mude ges del primier sen  
 7455 E pauze bon cas ez accen  
 E tal ornat qu'om no'l reprenda.

- E q'ayso mielhs cascus aprenda  
 Pauzem que'l dictayres vol fort  
 D'estas paraulas far acort :  
 7460 *Mays dura anta que soffracha.*  
 Enayssi que cel q'ayso tracha<sup>1</sup>  
 Pot vezer las paraulas breus  
 Per far dos bordos sunaleus ;  
 Non es faytz per alcus vocables  
 7465 Per esta guiza covenables :  
*Anta veg longamen durar*  
*E soffracha leumen passar.*  
 Encaras aquestz dos versetz  
 Segon qu'estan no trobam netz,  
 7470 Qar lonc accen *soffracha* fa  
 So es saber en aquell *fra*,  
 Le quals en la terça mal sona  
 Si'l versetz VIII sillabas dona ;  
 Empero tost per bon dictayre  
 7475 Per esta guiza s'en pot trayre :  
*Anta veg longamen durar*  
*E paubretat leumen passar.*  
 Si be tenetz dreg lo havec,  
 Vesper hi podetz autre pec,  
 7480 *Rim fayshuc*, car en paritat  
 Breumen e longamen pauzat  
 Redo lo compas de semblan.  
 Qar entre lor sem<sup>a</sup> acordan ;  
 Pero d'ayso novas rimadas  
 7485 Atrobam que son exceptadas,  
 Lo qal rim dig *fayshuc* d'aqui  
 Pot hom leu ostar enayssi :  
*Anta veg longamen durar*  
*E leumen soffracha passar.*  
 7490 Ayso, qar trop es cominal,  
 A subtil dictador no val ;  
 Qar en *ar* tant es rims comus.  
 Q'a penas si pecca degus.  
 Layssem<sup>3</sup> donx la rima primiera  
 7495 E digam per esta maniera :  
*Anta veg durar longamen*  
*E passar soffracha leumen.*  
 No val re qar aqui *sar so*  
 Fay mala replicacio,  
 7500 La qal ostar si be s'aviza  
 Pot leu cascus per esta guiza :  
*Soffracha veg passar leumen*  
*Ez anta durar longamen.*

[F<sup>o</sup> 156, v<sup>o</sup>]. Oz enayssi

- Anta veg durar longamen*  
 7505 *E paubretat passar leumen.*  
 Tan vezem aquest rim sotil  
 Que no val ad ome subtil,  
 Qar en trobam rim trop comu  
 E larc e leugier a cascu ;  
 7510 Donx per vocables d'autra sort  
 Ara fassam final acort :  
*Certanament trop dura may*

<sup>1</sup> Ms. *Gay so tracha*. — <sup>2</sup> On lirait presque *som*, c. à d. *son*. — <sup>3</sup> Ms. *layshme*.

- Anta que soffracha no fay.*  
 Ayso no deu abastar pas,  
 7515 *Car certanamen es pedas*  
 O qaysh, per que, si cum vezetz,  
 Enaysi gitar l'en podetz :  
*Leumen vezem que dura may*  
*Anta que soffracha no fay.*  
 7520 Encaras a subtil dictayre  
 Aquesta rima no val gayre,  
 Qar aytan cominals o plus  
 Es cum las autras de lassus.  
 Autre rim donx mays qar premdam  
 7525 E per aytal guiza digam :  
*Soffracha pot hom passar leu,*  
*Anta ve leu e va s'en greu.*  
 A dictador prim e subtil  
 No son abastan agut rim,  
 7530 Ans longa rima vol encara  
 Si cum vezets un petit ara :  
*Anta vezem que leumen dura*  
*Mays que paubriera ni frachura.*  
 Lunhs subtils dictadors no vol  
 7535 Pauzar qays pedas am so vol,  
 Car may ses luy es neta l'obra,  
 Si be lunh pec no fa qui l'obra :  
 E qar vezem qays pedas es,  
 Si be per vici non es pres,  
 7540 Enaysi l'ostam per miels dir,  
 Per mays agensar e polir :  
*Anta duramen se deslassa*  
*Pero soffracha de leu passa.*  
 Anta per a quis vol comensa  
 7545 O per o si mays nos agensa.  
 Qui de la thema lassus pressa  
 Vol obra d'autra subtileza,  
 Apropiada mays e neta,  
 La thema per un bordo meta,  
 7550 Si qu'en fara narraccio  
 E d'autre sa conclusio.  
 Hyatz pero vezets qu'enpacha :  
*Mays dura anta que soffracha ;*  
 Per que d'ornat lo beniffici  
 7555 [F<sup>o</sup> 154 r<sup>o</sup>] Enaysi pren ez er ses vici :  
*Anta mays dura que soffracha,*  
*Perque fols es qui s'en enpacha.*

## Oz enaysi

- Anta mays dura que soffracha,*  
*Qar es per gran colpa retracha.*  
 7560 Pero, si tres bordos empara,  
 Per esta guiza mays declara :  
*Anta mays dura que soffracha,*  
*Qar tostemp d'avol fama tracha*  
*Per que fols es qui s'en enpacha.*  
 7565 Quis vol pot romansar lati  
 Per acordansas atressi ;  
 Prendetz aquest doncas ades.

## Sincopa de medio tollit quod epenthezis auget

- Ez enaysi digatz apres :  
 Del mieg del mot sincopaton,  
 7570 Al qal epenthezis apon,  
 En XVI sillabas esta  
 Be latis e'l romans sis fa ;  
 Encaras pot cell que romansa  
 Del lati far autr'acordansa ;  
 7575 *Epenthezis* creys e coferma  
 So qu'en lo mieg *Synco*pa merma,  
 Enaysi quo's pot allongar  
 E romaner en nombre par ;  
 Qui subtils es far pot report  
 7580 En plus breus motz am bon acort.  
 Veus ayso pel lati seguen  
 E'l romans qu'om pueys d'aqui pren.

## Filius sapiens Gloria Patris stultus vero tristitia matris

- Filhs savis es gloria de payre*  
*E fols tristicia de sa mayre.*  
 7585 Pueys q'unas meteyshas paraulas  
 Tu per V rims o VI entaulas,  
 Be soy yeu de cor flac e rude  
 Qu'al mens de la .I. no m'ajude ;  
 Per so q'aysi vezetz escrig  
 7590 Havetz quo pot hom algun dig,  
 O sia latis o romans,  
 Tornar en rimas acordans ;  
 Per qu'es bo que vuelhatz saber  
 Quo poyretz trobar ez haver  
 7595 Los rims so es las acordansas  
 Per far chansos, verses e dansas,  
 E quant trobadas las hauretz,  
 Depueys quo las applicaretz  
 A bona sentensa per tal  
 7600 Que puscatz far dictat leal ;  
 E sobre ayso vos remetem  
 [F<sup>o</sup> 157, v<sup>o</sup>] A las *Leys d'Amors* e volem  
 Mostrar aysi de qal amor  
 Devon amar li aymador,  
 7605 Per so que sian a tot for  
 En ben amar leyal de cor.

- Leals e fis es cells que pessa  
 D'amar sidons<sup>1</sup> ses mala pesa  
 E lauzors ses cosentir anta  
 7610 Dicta, retray de lieys o canta ;  
 E pueys que leyaltatz lo sopra  
 Es dignes, si fa milhor obra,  
 Amb ornat e sentensa bona,  
 Del Juel de fin aur qu'om dona,  
 7615 So es saber la violeta  
 Flor neta.

<sup>1</sup> Ms. si donx.

# TABLE DES MATIÈRES

	Vers
PROLOGUE..	1 - 192
PREMIÈRE PARTIE. — <i>Généralités</i> .....	192 - 309
DEUXIÈME PARTIE. — <i>Phonétique et Accentuation</i> .....	312 - 1274
TROISIÈME PARTIE. — A. <i>Vers, Rimes, Strophes</i> .....	1275 - 3088
B. <i>Genres littéraires</i> .....	3089 - 3277
QUATRIÈME PARTIE. — <i>Grammaire (Morphologie et Syntaxe)</i> .....	3288 - 3920
CINQUIÈME PARTIE. — A. <i>Vices et Figures de Rhétorique</i> .....	3921 - 7417
B. <i>Accord; traduction du latin en roman</i> .....	7418 - 7616

## INDEX NOMINUM, RERUM ET VERBORUM

- ABRAHAM, ABRAM, 981, 2781, 6413.  
 ABSALON, 5061.  
 abusio, 4335, 5970, 7301.  
 acabir, *se trouver*, 1703.  
 accent, 1117, 1166, 1208, 3082, 4372, 4378, 5314.  
 accusatif absolu, 6962.  
 acirologia, 3951, 4471, 4518.  
 Actor, 1011, 6765.  
 ADAM, 2681, 6452.  
 adjunccio, 7250.  
 aferezis, 4064, 5285.  
 agnominacio, 4321, 5611.  
 AGRAMAIG (*nom propre?*), 5398.  
 AGRAMON. Cf. JOHAN D'A., HUC D'A.  
 ALAMANDA, 633, 6353.  
 albareda (*pour sauzeda*), 4431.  
 ALBERT, 7110.  
 alcavot, *souteneur*, 7365.  
 alenada, *souffle*, 1585.  
 ALEXANDRE, 2688, 4395.  
 ALEXIM, 4242.  
 aliquis, 7027.  
 allebolus, 3927, 4016, 4054, 4180, 4457.  
 allegoria, 4215, 4240, 4344, 6375.  
 allitération, 4125, 4676, 4720, 5615.  
 allusions égrillardes, 6672.  
 als, 3734.  
 AMANIEU, 6134.  
 ambassade au pape (*allusion*), 4510.  
 ambiguitat, 5192.  
 amitié et amour, 1105.  
 amour, 4943, 5482, 6896;  
 amour honnête, 5020 sq.  
 amour (*allusion au traité sur l'*), 7417.  
 amphibolia, 3967, 3997, 4855.  
 anadiplosis, 4101.  
 anadura, *démarche*, 4628.  
 anaphora, 4103, 4314, 5476.  
 anastrophe, 4231, 4346, 4601 (?), 6261.  
 anclusa, *enclume*, 1753.  
 âne (*plaintes de l'*), 2993.  
 ANGLETERRE (ROI D'), 6659.  
 anta et onta, 5366.  
 antic (dictat), 2945, 4401, 4709, 4739, 5858.  
 antimetabola, 7276.  
 antiphrasis, 4250, 6550, 6559.  
 antipophora, 6771.  
 antismos, 4264, 6667, 6677, 7318.  
 antitesis, 4081, 5363; antitosis, 4155, 5855.  
 antiteta, 4151, 4330, 5835.  
 antiteton, 4149, 4328, 5807.  
 ANTONI, 5459.  
 antonomasia, 4191, 6095.  
 antropospatos, 6785.  
 aombrar (s'), *descendre dans*, 5439.  
 apocopa, 4068, 5291.  
 apocopat (mot), 2391.  
 apposicio, 4178, 5900.  
 aposiopasis, 6797.  
 apostrophe, 6809.  
 ARISTOTIL, 5065, 5313.  
 arlot, 605, 5118.  
 armari, *armoire*, 2027.  
 armures (*description*), 6058 sq.  
 ARNAUT. Cf. ESTOLT.  
 art de trobar, 119, 2939.  
 article, 3407 sq., 5795; cf. *encore* so, sa.  
 arts (las), 1021.  
 asinteton, 5773.  
 assimilation (b, p), 652 sq.  
 AT. Cf. N'AT DE MONS.  
 atge (*suffixe*), 3710.  
 AUDIGUIER, 6140.  
 AURIOL. Cf. PONS.  
 AUTICENT, 2073.  
 avesques, 2358.



- avocar, *exercer le métier d'avocat*, 7121.  
 AYCELINA, 594.  
 AYMES, 6135.  
 azemprar, *solliciter*, 1926.
- Bada, fols, bada, 2166.  
 badoc, 669.  
 baixellier, 21.  
*baiser (occasion de pécher)*, 5027.  
 bar ? 6354.  
 barbarisme, 3925; *son mariage avec Méta-plasme*, 4049; 4356 sq.  
 BARRAU. Cf. BERTRAN, FRANCES.  
 BARTHOLMIEU, 517, 6353.  
 BARTHOLMIEU MARC, 4687.  
*bataille (description)*, 6058 sq.  
 BAVARI, 7197; *Louis de Bavière*, 1314-1317.  
 bavecar, *appliquer*, 36, 2507.  
 BELENGUIER, 4406.  
 BELLVIS (Na), 5452.  
 BERENGUIER, 7309.  
 BERMONS, 6727.  
 BERNAT. Cf. PEY BERNAT.  
 BERNAT TERRIER, 3833.  
 BERNAT VINHAS, 3831.  
 BERTA, 5942.  
 BERTRAN, 2956, 3472, 3508, 3544, 4447, 5396, 5463, 5964, 6044 (*connaissait l'œuvre de N'At de Mons par cœur*), 6601, 6726, 7259.  
 BERTRAN BARRAU, 3817.  
 BERTRAN DE MORLAS, 3815.  
 BERTRANDA, 3508, 3579, 3800.  
 bioch, 1279.  
 biocat (mot), 1485.  
 biocat (vers), 1550, 2460.  
 blat de tres arestas, 5980.  
 blavejar, *être de couleur bleue*, 5908.  
 blé (*sa culture*), 6000 sq.  
 bobans, *orgueil*, 2890.
- bordo, *vers, sa définition*, 1275.  
 bordo tornat, 3994.  
 bot, *aphérèse pour nebot*, 5288.  
 bracologia, 6827.  
 bramar, *hurler*, 5944.  
 brevesa, *brieveté*, 5200, 6830.  
*Breviari d'Amor*, 4847.  
 brevietat, 6833.  
 BRU, *nom propre ?* 5398.
- CABEZAC (*dép. de l'Hérault*), 5121.  
 cacefaton, 3953, 4483.  
 cacosinteton, 3965, 4569.  
 CAHORS, 1882.  
 calandre, 1241.  
 cambrejar, *aller à la selle*, 6226.  
 canonista, 3616.  
 canso, 3121.  
 capela, 4558.  
 CAPESTANG (*dép. de l'Hérault*), 5114.  
 CARCASSONNE, 5123.  
 cardenal, 2912.  
 carejar ?, 7034.  
 carienthisimos, 4256, 6601, 7319.  
*cas (en roman)*, 3410.  
*cas obliques*, 3871.  
 CASTELNAUDARY, 5146.  
 catacresis, 4184, 4334, 5957, 7300.  
*Catalans (bons poètes, prononciation défectueuse)*, 436.  
 CATALINA, 4406.  
 CATARINA, 1220.  
 catatiposis, 6835.  
 catholic, 5303.  
 CATO, 290, 6630.  
 caudat, 1899.  
 caul, *chou*, 2380.  
 cep, *chemin ?*, 4855.  
 cernalha (*ms. cervalha*), *rebut, chose de peu de valeur*, 6389.  
 chabensa, *place*, 6923.
- chant*, 1149.  
 chantador (*xantador*), 131, 1137.  
 CHARLES (XARLES), 700.  
 circuicio, 4343, 6231.  
 clarus, 4270.  
 clau, *clef, terme de rhétorique*, 6952, 7250.  
 CLEOPHAS, 585.  
 clercia, 4941.  
 clergue, 219.  
 climax, 4186, 4337, 6015, 6939.  
 cobla, 2448 sq.  
 coblas (*différentes sortes*), 2494.  
 c. afectuosa, 2610.  
 c. assemblativa, 2916.  
 c. capdenal, 2523.  
 c. capfinada, 2513.  
 c. compendiosa, 2981.  
 c. conclusiva, 2973 sq.  
 c. constructiva, 3073.  
 c. contrafacha, 2993.  
 c. contrariosa, 2688, 5821.  
 c. declarativa, 7393.  
 c. derisoria, 2901.  
 c. desfrenada, 5580.  
 c. designativa, 3039, 7392.  
 c. distributiva, 3029.  
 c. diversa, 2706.  
 c. divinatoria, 2825, 6584.  
 c. dubitativa, 2646.  
 c. duptosa, 2680, 7312.  
 c. eversa, 2698.  
 c. exclamativa, 2805.  
 c. exemplificativa, 2924.  
 c. gradatoria, 2750.  
 c. interrogativa, 2956.  
 c. metaforada, 2734 sq.  
 c. meytadada, 3053.  
 c. ocupativa, 3012.  
 c. ornativa, 2765.  
 c. parsoniera, 2641.  
 c. permutativa, 2781.  
 c. proverbial, 2880.  
 c. rescosta, 2852.  
 c. responsiva, 2938.  
 c. reversa, 2900.

c. sentencial, 2624 sq.  
 c. sillabada, 2872.  
 c. tenzonada, 2956, 6783.  
 cocir ? 6051.  
 coguls, coguc, *coucou*, 6177.  
 collisio, 3947, 4404, 4624.  
 colobre, *couleuvre*, 2683.  
 colpier, *batailleur*, 7365.  
 colum, 7090.  
 comoracio, 7384.  
 compas (*définition*), 312 sq., 7096.  
 complexio, 4318, 5559.  
 coms, comte, 2293, 4552.  
 comutacio, 7275.  
 concepcio, 4170.  
 conclusio, 7202.  
 concordia, 7111.  
 conduplicacio, 4319, 5551.  
 conformacio, 7005.  
 conjuncio, 4309, 5405, 6901, 7251.  
 CONSISTORI, 16, 40, 189, 2777 (joyos), 6218 (joyos), 6203 (bel et gay).  
*consonnes*, 445 sq.  
 contencio, 4331, 5842.  
 contornieras, *subtilités*, 6416.  
 contradiccio, 4898.  
 conversio, 4317, 5558.  
 corcegas, *gros corps*, 2060.  
 cormuda, l. cornuda ? 4237.  
 cornuda, 4912.  
 corps, *corbeau*, 354.  
 costa (rompemen de), 2233.  
 costadas, *coups sur les côtes*, 6059.  
*costume (souliers de couleur)*, 3043.  
 croac, *cri du corbeau*, 355, 6176.

# Damisellas, 6035.

dansa, 2480, 3143, 5507, 6819, 7596.  
 dar (diey, 3911, dau, 3913).  
 DAVID, 2795, 5462, 6102, 6121.

*déclinaison des féminins*, 3575.  
*déclinaison romane*, 3495, 3561.  
 definicio, 7142.  
 denominacio, 6081.  
 descolegar (se), *se déplacer*, 1774.  
 desconort (*genre lyrique*), 260.  
 descort, 3165.  
 descriptio, 7182.  
 desonestat, 4218.  
 desplazer (*genre lyrique*), 260.  
 descendudas (*musique*), 3100.  
 diaforozis, 6843, 7246.  
 dialiton, 4145, 4326, 5773.  
 diccios (Na), 3931.  
 dictador noel, 26, 2133, 6202;  
     d. subtil, 7491, 7528.  
*dièrèse*, 935 sq., 4071, 5319.  
*difficultés à éviter*, 2087; *à vaincre*, 2159.  
 diminucio, 7338.  
*diphthongues*, 465.  
 disjuncio, 4313, 5431.  
*dissimilation*, 4406.  
 dissolucio, 4312, 4418.  
 distribucio, 7322.  
 dit, det, *doigt*, 5368.  
 divicio, 7342.  
 doctor, 21, 5161.  
*doublets*, 6948, 6958.  
 dubitacio, 7286.  
 Duc (lo), 3842; duc, 5642.  
*Ducs*, 4541.  
 DURAN, 3483, 4523, 4692.  
 dyarsiros, 6847.

Ecbasis, 6863.  
 eclipsis, 3961, 4527 sq., 6707.  
 effectio, 6841.  
 efruna, *avide*, 4147.  
 EGIPTE, 6147.  
*élégant (portrait d'un)*, 3039.  
 emperador, 5639.  
 empeutat (vers), 1484, 1513.

emphasis, 6867.  
 empost (liamen), 4868.  
 enaguar (?), 3.  
 enbasis, 4960.  
 enbevemens, *élision*, 2283.  
 encantador, 6719.  
 encarcerat, *emprisonné*, 1761.  
 endyadis, 6873.  
*Enéide (début)*, 6877.  
 enebriar, 6254.  
 enfañta, 5463.  
 ENGLESA, 2051.  
 enigma, 4254, 6577, 6588.  
 ENOCH, 6452.  
 entaular, *disposer*, 7586.  
 entelleccio, 6151.  
 enterpretacio, 7266.  
 enterrogacio, 7065.  
 enueg (*genre lyrique*), 260.  
 epenthesis, 4065, 5277, 6955, 7570, 7575.  
 epidioecsis, 6849.  
 epilogus, 6902.  
 epimone, 4909.  
 epinalemsis, 4316, 5547.  
 epiteton, 4195, 6113.  
 epizensis, 4109, 4910, 5521.  
 equivoc (mot), 1051.  
 ERMENGAU, 3483, 3793.  
 error, 5010.  
 esbeure (s'), *s'élider*, 2276; esbeure, 4074.  
 escola, 1881. (*Allusion à l'Université transférée à Cahors*).  
 escondig (*genre lyrique*), 3274.  
 escrin, *écrin*, 2027.  
 esmersar (s'), *finir* ?, 3085.  
*espèce*, 6700.  
 espinalemsis (cf. epinalemsis), 4107.  
 espingola, *espringale (arme)*, 6070.  
 espehocada, *sans pied*, 3835.  
     Cf. Leys, *éd. J. A.*, II, 157, *espezotada*.  
 ESTACHA, 3801.

ESTEVE DEL GARRICH (Mos-sen), 3814.  
 estil mudat, 4968.  
 ESTOLT ARNAUT, 3825.  
*étudiant*, 5185 sq., 6966.  
 eufemismos, 6961.  
 eufonia, 6943.  
*évangélistes*, 4552, 6273.  
 evocacio, 4177, 5889.  
 exallage, 6969.  
 exclamacio, 4351, 6507, 7073.  
 expedicio, 7218, 7352.  
 expoliacio, 7374.  
 extasis, 4069, 5296.  
 EYMERIC, 3466.

*Fable (le chien qui lâche la proie pour l'ombre)*, 2924.  
 fantasia, 6984.  
 FARISIEU, 7047.  
 farsset, 2235 (*lire forest*).  
*féminins*, 3351; *féminin pour masculin*, 4440.  
 foravertat, 5000.  
*Flors del Gay Saber*, I, 35, 137, 2938, 6680.  
 FRANSA (Rey de), 1766, cf. Rey.  
 Frances, 1016, 3376, 3382; cf. *encore* Rey frances.  
 FRANCES BARRAU, 3822.  
 fre, fres, 3967, 4425, 4638 sq.  
 frequentacio, 7356.

Gabohiera (gabeliera ?), *moqueuse*, 5039.  
 GABRIEL (ange), 4686.  
 GAMAVILA. Cf. PERE DE G.  
 ganar, *se moquer*, 1933.  
 garag, 2046.  
 GARCAS, 6226.  
 GARLANDA, 6352.  
 GARONA, 1242, 2664, 3579.  
 GARRICH. Cf. ESTEVE.  
 GASTOS, 1807.  
*Gay Saber*, 18, 170, 269 (*origines*), 3813, 4802, 7423.

GAYNES, 6474.  
 generalitat, 5224.  
*génitif*, 6268.  
*genre*, 3312, 6694.  
*genres lyriques*, 250 sq.  
 gonela, *jupe*, 2058.  
 GONTAUT. Cf. GUILHEM DE GONTAUT.  
 gornio, *partie de l'armure*, 6068.  
 gradacio, 4337, 5996, 6938.  
*grec*, 4451.  
*guerre (allusion ?)*, 3543.  
 GUILHEM, 1015, 5398, 6703.  
 GUILHEM DE GONTAUT, 3824.  
 GUILHEM MOLINIER, 6.  
 guinar (= guinhar), *faire signe ?*, 4268.  
 GUIRAUT, 5396, 6703.  
 guisarnas, *guisarme*, 6072.

*Hiatus* (hiat, hyat), 521, 3967, 4425, 4644, 6953.  
 HUC, 2118, 3544, 5454, 5461.  
 Cf. *encore* PEYR.  
 HUC D'AGREMON, 3825.  
*hyperbole*, 4213, 5099.

Icon, 6687.  
 improprietat, 4020.  
*infinitifs avec s*, 3716.  
*injures (termes d')*, 7360 sq.  
*integrals (mots)*, 3626.  
*intelleccio*, 4351.  
 ipallatge, 4157.  
 ipozeusis, 4310.  
 irinos, 4139, 5745.  
 ironia, 4246, 4350, 6499, 6676.  
 ISAC, 2786.  
 ISALGUIER. Cf. PONS SALGUIER.  
 isteron proteron, 6246.  
*istillans (coquettes ?)*, 3596.  
 ISRAEL, 6144.  
 istrologia, 4227, 6244.  
 iteratio, 4990.  
 IZARN, 5455.

Jacilha, *couches*, 6367.  
 JACOB, 6442.  
 jactansa, 5038.  
 JESSE, 2791.  
 JESU, 4575.  
 JOB, 6119.  
 joel, *joyau, fleur*, 7614.  
 joencel, jovencel, *jouvenceau*, 25, 85.  
 joglar, 130.  
 JOHAN, 556, 584, 655, 1016.  
 JOHAN D'AGRAMON, 3826.  
 JOHAN PAGA, 3829.  
 JOSEPH, 6442.  
 JUDAS, 2798, 6475.  
 JUDAS SCARIOT, 6110.  
*juges (dans les tençons)*, 3204.  
*Juifs* (Juheu, Jusieu, Juzieu), 2805, 2985, 5665, 6648, 7046, 7270.

KARLES, 4683.

Laisa, *legs*, 7114.  
 langots, *vilenies*, 5022.  
 languit, *tourmenté*, 1857.  
 lati, 397, 727, 805, 893, 3081, 3336, 3341, 4079, 4201, 5362, 6980, 7591, 7565 (*traduction en latin*), 7572 sq.; cf. *encore la rubrique de la cinquième partie*.  
 laudacisme, 3980, 4426, 4654.  
 legista, 3615.  
 leonat, 6429.  
 leonisme, 1800 sq.  
 lepos, 6913.  
 leris, *vif*, 6839, 7024.  
 letra (*définition*), 335, 366 sq.  
*Leys d'Amors*, 30, 661, 3915, 6942, 7077, 7095, 7141, 7231, 7248, 7263, 7275, 7305, 7321, 7336, 7355, 7411, 7602.  
 li (*article féminin*), 3559.  
 liamen empost, 4004.  
 licencia, 7332.

liptote, 7017.  
 liquidas, 451.  
 logica, 6691.  
 logicia, *logicien*, 7184.  
 lot, *vide* ?, 6057, 7439.  
 lop, *loup* (*proverbe*), 6626.  
 lotjas, *tentes* ?, 7055.  
  
 Macrologia, 3957, 4509.  
 maestres (*avec s*), 3843.  
 maldig special, 5032.  
 malencoly (lo), *mélancolie*, 4299.  
 MANTELINA, 3800, 4875.  
 Mantenedors del Gay Saber, 18.  
 MARC. Cf. BARTHOLMIEU.  
 MARIA, 584, 964, 1245, 2293.  
 marques, 4549, 4551, 5643, 6703.  
 materiada, *matérielle*, 6055.  
 MATHIAS, 720.  
 MATHIEU, 5322.  
 MAURINA, 4876.  
 Mayres de Dieu, 1441, 2069, 2222, 3066.  
 meisser, *verser à boire*, 5645, 5875.  
 membre, 7088.  
 mercadier, *marchand*, 22.  
 metacisme, 3979, 4425, 4648, 5359.  
 metalemsis, 4185, 4336, 5973, 6030.  
*métaphore*, 4183, 4332, 5926, 5949, 7001, 7303.  
 metaplasmus, 4038, 4061 sq., 5268.  
*métathèse*, 4083, 4415, 5371.  
 metonomia, 4187, 4338, 6031, 6090.  
 metge, *médecin*, 1784.  
 midons, 3786, 5092.  
 miular, *miauler*, 5943, 6179.  
 MOLINIER (G.), 6. Cf. *énigme*.  
 monjas (*genre lyrique*), 3232.  
 MONPESLIER, 5108, 6965.  
 montadas (*musique*), 3099.

MORLAS. Cf. BERTRAN DE MORLAS.  
*mort* (*vers sur la*), 1740.  
 Mossen, 3705.  
 MOSSEN BERNAT, 3705.  
 Mossenyer, 3705.  
 most, *moût*, 5874.  
 mot pesan, 3989, 4790.  
 mot tornat, 2353, 3991, 4822.  
 MUREL, *Muret* (Haute-Garonne), 6588.  
*musique*, 3098 sq. Cf. *montadas*, *descendudas*, 10.  
*mutas* (*consonnes*), 451.

N'AT DE MONS, 4714, 6045.  
 Cf. 2750 sq.  
*naut pour aut*, 5276.  
*neutre*, 3319.  
 noel (*dictat*), 4738, 5318.  
*nombre*, 3359.  
*nominacio*, 4339, 7294.  
*noms indifférents*, 3680 sq.  
*noms pluriels en—es*, 3626 sq.  
*noms propres avec s*, 3795.  
 nonnullus, 7027.  
 notacio, 7390.  
 novas, 302.  
 novas rimadas, 1700, 3207, 4743, 4835.  
 nugacio, 5595.

O et u, 4408.  
*occupacio*, 7240.  
 OLIVER, 6614, 7455.  
 olyopomenon, 6828.  
 olypsis, 4079, 5357.  
 omoeptoton, 4126, 4322, 5683.  
 omoeteleuton, 4131, 4324.  
 omopazion, 7029.  
 omophexis, 7040.  
 omozeusis, 4217, 6683.  
*onomatopée*, 4205, 6171.  
 oracio, 3932.  
 ornat, 7238.  
 ortolana (*genre lyrique*), 3233.

PAGA. Cf. JOHAN P.  
 pages, *monnaie*, 7012.  
 PAPA, 3616, 4513, 4553, 7196.  
 papas (*les papes*), 2920.  
 PAPIAS, 966.  
 parabola, 4278, 6731.  
 paradigma, 4286, 4743.  
 PARADIS, 2210, 2244, 2357, 2685.  
 paragoge, 3803, 4067, 5281, 6956.  
 paralauge, 7079.  
 parameon, 3805.  
 paronomasia, 4320, 5677; cf. *paronomasia*.  
*paranomeos*, 4123.  
 parenthesis, 4233, 6301.  
 pariatge, 4176.  
 PARIS, 4492, 6141, 6324.  
 paroemia, 4258, 4352, 6617.  
 paronomasia, 4511, 4712, 5605.  
*participes (actif pour passif)*, 4449.  
 partimen, 3222.  
 passadas (*musique*), 3100.  
 PASCAL, 3382.  
 pastor raubador, 6463 (*allusion à P. Cardenal, G. Figueira* ?)  
 pastorella, 3244.  
 PAUL, (SAINT), 6100.  
 pausa, 1574 sq.; *différentes sortes*: 1591 sq;  
 pausa tornada, 3993.  
*pedagogie*, 5587.  
 pedas, *cheville*, 7535.  
 pensio, *honoraire d'avocat*, 7121.  
 PER SABATIER, 3835.  
 PERE DE GAMAVILA, 3820;  
 P. DE PRINHAC, 3823.  
 periphrasis, 4207, 4352, 6185, 6677.  
 perisologia, 3955, 4499 sq.  
 permutacio, 4345, 6463.  
*personnes*, 3888.  
 perversio, 6293.  
 PEY, PEYRE, 3840.

- PEY BERNAT, 3842.  
 PEYR HUC, 3841.  
 PEYRE, 1015, 1042, 1048, 5891, 6703.  
 pexo, poisson, 2724.  
 PHARAO, 6147.  
 PHELIP, 749.  
 PHELIP (Rey) (*Philippe VI*, 1328-1350), 532.  
*philosophes*, 217, 1104.  
*piuzela*, *pucelle*, 2057.  
*pizancia*, 7051, 7136.  
*planch* (*genre lyrique*), 3262;  
*planch sobre planch*, 5730.  
*platinas*, *plastrons* (*armures*), 6067.  
 PLATON, 5064.  
 plenisonan, 385, 1034 (mot pl.).  
 pleonasmos, 3954, 4489 sq.  
*pluriels en — ants* (*sants*, *mants*, *tants*, etc.), 3765.  
*poétique* (*couplet*), 2734.  
 poliptoton, 4135, 5701.  
 polisyntheton, 4141, 5763, 5774.  
 ponch, *point*, 5796, 7089.  
 ponchada (diccio), 5784.  
*punctuation*, 1600 sq.  
 PONS, 2901, 5398, 5452, 5892, 6227, 6658, 6663, 7308.  
 PONS AURIOL, 6612.  
 PONS PILAT, 4687, 5216.  
 PONS SALGUER (YZALGUER) 3821.  
*porquiera* (*genre lyrique*), 2041.  
 precisio, 6804.  
 prenominiacio, 7306.  
 princeps, 4549.  
 principal (vers), 1486.  
 PRINHAC. Cf. PERE DE PRINHAC.  
*proces*, *traité*, 146, 1114, et *passim*.  
 profonezis, 6532.  
 prolemsis, 4091, 5382.  
*prononciation des lettres*, 3745.  
 propheta, 3616.  
 prothezeos, 7079; prothezis, 4063, 5273.  
*prosopopées: Terre, Soleil*, etc., 6988 sq.  
*prosopopeia*, 6961, 7402.  
*proverbes*, 2880 sq., 6625 sq.  
 RACHEL, 6608.  
 racionacio, 6778, 7071, 7135.  
 RAMONET DE TOLOZA (Mos-sen), 3811.  
 redondel, 3541.  
 redondelas, 2486.  
*referir* (*en parlant de ton-neaux*), *resserrer*, 6039.  
 Regina de Paradis, 2657.  
 repeticio, 4315, 5479.  
 replicacio, 3987, 4665, 4719, 5624.  
 rescindre (?), *déchirer*, 1862.  
*respiration*, 1639.  
*retroncha* (*genre lyrique*), 254, 3256.  
*reversari* (*genre lyrique*), 259, 5018.  
 reuma (la), *rhume*, 4308.  
 Rey, 3440, 3567, 3573, 4493, 4549, 4551, 4629, 4641, 5640.  
 Rey de Fransa, 1766, 2742, 5767, 6328; Rey frances, 3376, 4512; cf. *encore* PHELIP.  
 Rey dels Reys, 1791.  
 RHETORICA (Madona), *son éloge*, 4030, 4297.  
 RIAMBAU (RAMBAUT DE VA-QUEYRAS), 3049 (*cobla du descort*).  
*ribals*, *ribaud*, 2817.  
 rim, 1688 (*définition*), 1718 (*sortes*), 4813.  
 r. accentual, 2424.  
 r. acordans, 1759 sq.  
 r. biocat, 1957.  
 r. brut, 1993.  
 r. capdaut, capcoat, 1875.  
 r. consonan, 1783.  
 r. continuat, 1916 sq.  
 r. crozat, 1933.  
 r. derivatiu, 2206.  
 r. desguat, 1970, 1976 sq.  
 r. diccional, 2206.  
 r. dissolut, 1827 sq.  
 r. encadenat, 1923 sq.  
 r. equivoc, 2228.  
 r. espars, 1989.  
 r. estramp, 1728.  
 r. fayshuc, 3990, 4736 sq., 5625, 5699, 7480.  
 r. multiplicatiu, 1943 sq.  
 r. ordinals, 1827 sq.  
 r. reforsat, 2178.  
 r. retrogradat, 2023, 2067 sq.  
 r. serpenti, 1953.  
 r. singular, 1851 sq.  
 r. tornat, 3992, 4836.  
 ROLLAN, 6482.  
 ROMA, 6102.  
 romans, romanz, 13, 225, etc.  
 romans (reys), 4716.  
*Romanç del Sant Graal*, 304.  
*Roman dels Reys et dels Em-peradors*, 4848.  
 ROSENGUE, *Rouergue*, 3692.  
 S (*supprimée après des pro-noms*), 3859 sq.  
*S finale, son emploi*, 3843.  
 SABATIER. Cf. PER S.  
 SALAMON, 5063, 5462, 5802, 6100, 6630.  
 sarcosmos, 4260, 6641, 6676.  
 SAMSON, 5062.  
 SANC, 5454.  
 Sant et Sants, 3765.  
 S. ANDRIEU, 3765.  
 S. ANTONI (*feu de*), 5130.  
 S. BERTRAND, 3712.  
 S. ESPERIT, 1376, 2982, 5214.  
 Sant de Paradis, 5070.  
 S. PAUL, 3766.  
 Sants Payres, 6314.  
 S. PEYRE, 2916, 3702.  
 Sant Regne, 4782.

S. SERNI (*clocher de*), *Saint Sernin, église de Toulouse*, 2660; 3782; S. SARNI, 7044.  
 S. SILVESTRE, 3782.  
 Sant Vendre (*Vendredi saint*), 6093.  
 Santa Crotz, 2908.  
 Santa Fe, 6407.  
 Santa Gleyza, 6430.  
 SANTA QUITEYRA, 3058.  
 Santa Trinitat, 4704.  
 sarcosmos, 4260, 6641, 6676.  
 sarralha, *serrure*, 2728.  
 SATAN, 4474.  
*satire morale*, 1400 sq.  
 SAVOYA, 504, 3503, 5641.  
 SCARIOT, cf. JUDAS SC.  
 scema, 4040, 4162, 5381.  
 scesinomaton, 4117, 5645, 7272.  
 semblansa, 4741.  
 semisonan, 398, 1035 (mot s.).  
 semivocal, 451.  
 SEN PEYRE, 1364.  
 SENECA, 6629.  
 senescal, 5644.  
 sentensa, 2933, 4017, 4353, 6636.  
 senyal, 3115.  
 senyal de vent, *girouette*, 1772.  
 senyer Dieus, 2794.  
 Senyor del mon, 2119, 3513.  
 separacio, 4910.  
 SERENA, 3756, 6138, 6728.  
 sermocinacio, 7394.  
 siats (*deux syllabes*), 5340.  
 sidons, 3786.  
 silemsis, 4098, 4158, 5446, 7260.  
*similiter cadens*, 4323, 5687.  
*similiter desinens*, 4325, 5692.  
 sinalimpha, 571, 713, 1051, 4073, 5347, 6950.  
 sincopa, 5289, 7569, 7576.  
 sincopat (mot), 1051.  
 sineptosis, 6815.  
 sineresis, 4072, 4236, 5327, 6363.

sinodoche, 3804, 4197, 4203, 4350, 5916, 6131.  
 sintesis, 4147, 4159, 4174, 5809, 5883.  
 SION, 3806.  
 siquel (*article*), 3438.  
 sirventes, 3129.  
 sistole, 4070, 5309.  
 so, *mélodie*, 3247, 3264.  
 so, sa (*article*), 3555.  
 sobrelaus, 5050.  
 SOCRATE, 5067.  
 solocisme, 3347, 3926, 4051 (*son mariage anec Scema*), 4163, 4428, 5269, 5378.  
 somni (*genre lyrique*), 259.  
*strophes*, 2448 sq.  
*style poli*, 5<sup>e</sup> partie.  
 subjeccio, 7102.  
 superlacio, 4349.  
*syllabe*, 930 sq., 993.  
*syncope*, 1070; cf. *sincopa*.  
*synérèse*, 935 sq.; cf. *sine-resis*.  
*synonymes*, 1104 sq.

Taparel, *gourdin*, 3000.  
 tapinosis, 3963, 4555 sq., 7340.  
 TAUDORET, 6904.  
 tautologia, 3959, 4521 sq.  
 tavernier, 7364.  
*temps* (*définition*), 1163.  
*temps* (*les*), 3896.  
 tenso, 3197, 4465.  
 Terra Mayre, 3012.  
 TERRIER. Cf. BERNAT.  
*Testament*, 2787, 6414.  
 tetinas, *mamelles*, 6065.  
 themezis, 4234, 6333, 6336.  
 TIBAUT, 3793.  
 TIBORS, 3057, 3586.  
 THOLOZA, 24, 1877, 5109, 5155, 5182.  
 TOLSSA (papa), 3623.  
 TOMAS, 3798.  
 tonell, *tonneau*, 2731.  
 topeya (?), 6984.

tornada, 3103, 3176.  
 traduccio, 5732.  
 trancol, *souci*, 1840.  
 transgrecio, 4347, 6287.  
 transicio, 7232.  
 transjeccio, 6298.  
 translacio, 4333, 5937.  
 transportacio, 3976, 4608.  
 transposicio, 3975, 4583, 5232.  
 transsumptiva, 5939.  
 trencat (mot), 1051.  
 trepy (*quel verbe ?*), *fouler ?* 1766.  
 treu, *allure, genre*, 4632.  
 trobador, 86 (tr. noel), 120, 2949.  
 trobar (*définition*), 238.  
 tropologia, 6810.  
 Tropus (Na), 4022, 4181, 4459.  
 truelh, *maie pour écraser les raisins*, 6936.  
 trumar (?), 6168.  
 TULLIS, 6465, 7188, 7409.  
 turbo, 4225.

U (*prononciation*), 400. Cf. 469 sq.  
 u pour o, 4408.  
 ucar, *vendre aux enchères*, 7118.  
 ufanas (*pluriel*), *orgueil*, 2890.  
*usage* (*en grammaire*), 402, 846, 883, 953, 1083, 1090, 1253, 1619, 3871, 4355, 4454, 4480, 4599, 4863, 5100, 5321, 5346, 5370, 5864, etc., etc.  
 utrisonan, 419, 1036 (mot utr.)

Vana disgressio, 4132.  
 vaquiera (*genre lyrique*), 3232.  
 verbositat, 5102.  
 vergena, 4981.

- Vierge*, 1075, 1241, 2513,  
 2790, 3525, 4681, 4925,  
 5439 sq., 6098.  
*Vierge (poésie à la Vierge)*,  
 1916; 4542; 6342.  
 VERGES MARIA, 650, 1063,  
 2983, 5094, 5474.  
 Verges Maire, 5215.  
*vergiera (genre lyrique)*,  
 3233.  
*vers (définition)*, 3090.  
*vers (noms différents)*, 1289.  
*vesenter*, 5283.  
*vezio (genre lyrique)*, 260.  
*viandela*, 2486.  
 VIDAL, 3792.  
*vi de tres fuelhas, vin de trois*  
*ans*, 5983.  
*vin, sa fabrication*, 6930 sq.  
 VINHAC. Cf. BERNAT.  
*viuleta (blaveja)*, 5908, 7615.  
*voyage (de Montpellier à*  
*Toulouse)*, 5108.  
*voyelles*, 383 sq.  
 Y grec, 916.  
 Ycon, 4272.  
*ypallage*, 5870, 5879.  
*yperbaton*, 4211, 4224,  
 6241.  
*yperbole*, 4348, 6383.  
*ypofora*, 7007, 7137.  
*ypozeuxis*, 4095, 5112.  
*yshemples*, 6760.  
*ysteron proteron*, 4228; cf.  
*isteron pr.*  
 YZACH, 983.  
 YZOP, 6703.  
 Zeuma, 4093, 4309, 5392.







